


I
S
E


157. Cornut

B2.291

26873







Domus Probationis Parisiensis Soc. Iesu.

IAC. CORNUVTI
DOCTORIS MEDICI
PARISIENSIS
CANADENSIVM PLANTARVM,
aliarumque nondum editarum
HISTORIA.

Cui adiectum est ad calcem
ENCHIRIDION
BOTANICVM PARISIENSE,
Continens Indicem Plantarum, quae in Pagis, Silvis, Pratis, &
Montosis iuxta Parisios locis nascentur.



PARISIIS,
Venundantur apud SIMONEM LE MOYNE, viâ Iacobinâ.

M. DC. XXXV.
CVM PRIVILEGIO REGIS.

ΙΑΓ ΟΡΙΝΑΤ

DOC TO RIS MEDICI

PARISIENSIS

CANDIDUS M PINTURAM
Graecorum et Romanorum

HISTORIA

ENCHIRIDION
HISTORICUM PARISIENSE



PARISIENSIS

AVENINGPONT D'ISLE SIMON ET MOYEN AVIS 1505

M DC XXXII

CVM PRIVILEGIO REGIS

CAROLO
BOVVARDO
ARCHIATRORVM
COMITI.

JACOBVS CORNVTI Doctor Medicus
Parisiensis S. D.

SCIO quosdam, CAROLE
BOVVARDE, nostri saeculi
Medicos Plantarum omnium
abnuisse curam, earumque decocta
velut inutilia mededis morbis, aut
etiam egrotantibus fastidiosa constantissime re-
pudiasse; Inter quos Germani nonnulli & ceteri
qui metallicis addicti nihil preter horum sales con-
ditis exceptos gloriose & citra nauseam corporibus
conferre sanitatem affirmantes, purgationum no-
strarum, Foliorum, Rhei, & Siliqua compositiones
velut professione sua indignas longissime ablega-
runt: quasi sit agro contrarium talia presribentis
medici propositum: cum ille quam maximè puris,
ā ij

Et gravioribus epulis gaudeat, hic acerba tan-
tum & amara propinet apozemata, que diluti
etiam syrapi nimiè dulcedine sapè nauseam mo-
uent: ille posthabitâ morbi ratione, corporis
vires uno tantum victus recuperare studeat,
hic easdem mediocriter atterendo assiduâ potio-
num exhibitione morbi vim infringere. Ita sit,
aiunt, ut quod agrotus abominatur, contrâ
nos videamur optare. Sed in his tam discor-
dantibus votis, est tamen quedam natura-
lis societas, & amica coniunctio; quoniam
vñs-venit plerumque morbosam agrotantis in-
temperiem suaniore & pleniore nutricatu in-
ualescere, & per alterantia herbarum decocta,
velut ptisanas cibatum agrum à morbi magnitu-
dine vindicari. Ac proinde, ut arbitror, nulla
est regio in quâ medicina Hippocraticè exercetur,
qua ut vena sectionis & purgationum herbaria-
rum, ita & alterantium medicamentorum ad-
jumento non utatur. Nam in arte medendi
vel antiquissima est ratio per simplices herbas
morbos abigendi, eaque tutissima semper fuit.
Has scilicet natura nobis vita salubritatisque
causa ad manum esse voluit: coque proposito
ubique nobis obuias fecit, ut iis pernoscendis
quisque animum applicaret. Quod si ita es-
set, non sua profectò cuique venalis sanitas fo-

ret : in nullo penè namque loco gradum si-
stere liceret , quin & in eo admirabiles simul
plantas & insperatum agritudinibus nostris so-
latium decerperemus. Clarus medicina Hero-
philus nonnullas etiam calcatas prodeesse affirma-
bat ; adeo incredibilis fuit apud eum & antiquos
existimationis herbarum scientia ; aequalis quip-
pe censebatur gloria herbam inuenisse , & vitam
iuuasse. Hac quoque medendi scientia è Gra-
cia migravit in scholam nostram Parisiensem ,
qua ablegatis cateris praesidiis qua è terra visceri-
bus effodiuntur , ea maxime usurpat qua planta
carumque partes subministrant. Hac siquidem
agnouit , qua dum viuerent caloris nativi iugum
subiere , a nostro posse facilè confici : et si forte
segnius aliquando processerint etiam sine noxa
cedere in alimentum. Tantùm vero apud te
valuit eadem hac opinio , ut omnis generis stir-
pium locupletissimum hortum ex munificen-
tiâ Regiâ , non dicam publico , sed toti Orbi ad-
mirabilem compararis ; Cuius horti pre-
fecturam Rex Christianissimus tibi velut in-
signe dedit valetudinis toties recuperata mo-
numentum (Intelligebat quippe Princeps ad-
mirabilis ingenij , magnam esse , ut Theophra-
stus ait , medice artis & olitorie affinitatem , nec
alia ratione corpus , quam plantas esse colen-

dum.) Ille quidem obtulit herbariam coronam
tibi salutaria consulenti; Ego verò qui sub tuis,
tuorumque vexillis dudum militavi, teque sem-
per ut actus medicinalis ab initio ducem, ita &
studiorum velut exemplar imposterum mihi pro-
posui: Ego Tibi inquam Gramineam coronam
hanc contexui, non quidem vulgarem, & ex
vulgaribus graminibus consertam, qua licet
ignobilia, honorem tamen nobilem faciunt: sed
ex inauditis plantis & a nullo auctore antea cele-
bratis, quas Canada, America meridionalis, In-
dia, & Hispania generūt. Harum nobilissimas
undecimque conuocaui, ut summum tuum in se
dominatum & Imperium agnoscerent, ac vene-
rarentur. Quia verò nude erant, ac velut in pa-
trio solo, incultæ: obtexi singulas latinâ qua-
dam lacernâ, qua tibi fortasse minus polita
videbitur: sed est sermo rei explicatæ accommo-
datus, qui agrestes tantum silvestresque plantas
describit, qui que in ipso plerumque horto fuit
extemporaneus. Hanc itaque corollam si a quo
exceperis animo, non dubitat illa sub auspiciis
benevolentiae in lucem prodire, nec verebitur
muscorum cellis coarctari, seque non grauem
legentium manibus præbebit. Quocumque vero
peruenierit, ampla tui nominis stemmata fronti
impressa, longè, latèque diffundet. Vale.



AD LECTOREM.

VT crescit in dies auida cuiusque sciendi libido, ita & natura sui non prodiga, pro mensurâ cuiusque laboris sinum explicat: felicem certè neotericis qui indefesso animo, nec intolerabili labore territi, nouas terras, non tam opes acquirendi quâm inquirendi studio, traecto quacumque Oceano detexerunt; Et ex Americâ vtraque, & Indiis quamplurimas stirpes aduixerunt veteribus omnibus incognitas; quæ sine dubio non parùm negotij facerent posteris, eorum scripta euoluentibus, si silentio obtegerentur. Ut pote quæ positas ab auctoribus proprias plantarum differentias eludant, & nouâ atque inauditâ velut formâ speciem mutent: adeo ut si quod genus ex natura ~~ad artificiam~~, ~~ad artifices~~, ~~ad artifices~~ scriptitarint, ciuidem generis frutex inuentus modò sit contrariis dotibus ornatus. Eorum ergo stirpium quæ in exteris terris nascuntur, amantque solitudines inaccessas, & incultis illis squalentibusque locis maximè delectantur, persequimur historiam, eamque breuem, quia non de omnibus, sed de nondum à quoquam auctore (quod equidem sciam) editis hic est sermo: in qui-

AD LECTOREM.

bus licet nulla s^æpè sit nec pomi, nec baccæ commendatio; imò nec suauitas aut species earum ad se nos inuitet, indictas tamen omnes indiscriminatim persequuti sumus: vt quisque intelligat quām, sub sordida ista facie, & horrido velut aspectu quem præ se ferunt siluestres illæ nonnullæ plantæ, lateat eximia medendi facultas; Sacrâ videlicet parente omnium naturâ nusquam non remedia disponente, homini vt medicina fieret. Singularis verò plantis aptauimus nomina, quæ maximè propria iudicauimus, vt clarior foret omnis earum cognitio. Non aliâ namq; de causâ siluestrium ferè omnium notitiam ab antiquis eruere non possumus: nisi quòd apud Græcos τὸν πῦρ αγειωνίων μὲν πλῆσα referente Theophrasto, & apud Latinos maiore ex parte earumdem nomenclaturæ defuit cura, vt testatur Plinius, qui s^æpè queritur etiam quòd genera arborum Macedones narruerint magna ex parte sine nominibus. Quæ verò indicauimus hocce libello contentarum Canadensis plantarum nomina, doctis herbariis disquisienda potius, quām affirmanda proponimus: nulliusque sensum volumus his astringi, sed liberum in eo cuiusque iudicium relinquimus. Maluimus tamen proposito nomine historiam afferre, quām more antiquorum de plantis differere. Ob id enim obscurior est plantarum ab iis proditum cognitio, & quod de anonymis s^æpenumero differuerint, & quòd concisè nimis velutque obiter nominatarum historiam perstrinxerint. Sic

Theo-

AD L E C T O R E M.

Theophrastus velut apud eruditos de plantis agit. Dioscorides paulò fusius explicat, sed semper aliquid disquirendum relinquit. Plinius Theophrasti more potius nominat quam depingit. Ita sit ut suas plantas intra se consumant auctores, sintque nostro orbi tantum nominibus cognitæ. Recentiores vero cum nullam vel minimam particulam intactam prætereant, longiores esse malunt in describendo, quam breuitatis studio vel minuto lineamento relicto studiosos demorari. Neque inferior id eos optimâ ratione fecisse, cum describendi scientia picturæ arti omnino respondere videatur. Hos itaque secutus, in cuiusque plantæ (quam & ipse vidi, & ad viuum delineari iussi) historia expatiari latius consilium fuit: seu in ratione nominis inuestiganda, seu in explicandis Viribus aut natali solo. Plerumque etiam Theophrasti verba inseruimus, nunc Plinij, nunc aliorum auctorum: præsignato semper aut in textu, aut in margine auctoris nomine: Quod eo potissimum consilio feci, ut auctorum nativa & genuina loquendi venustas eo magis eluceret, cum sermonis eorumdem particula minus exultæ meæ orationi intermiseretur; et letque velut in viridi prato sparsa viola, quæ è distanti spatio etiam interstingitur. Porro huic operi ad calcem, à nemine hactenus compositum Enchiridion Botanicum Parisiense adiecimus. Opus certè nouitiis extendum, in quo plantæ insinuantur, & rariores quæ in hortis nostris publicis, & vulgares quæ in pa-

AD L E C T O R E M.

gis, pratis, paludibus, fluuiis, montibus, siluis, mace-
rijs, & locis incultis iuxta Parisios sitis inueniuntur. Quarum herbarum nomina (ne me auctorem
putes) à Lobelio desumpsimus. Hunc ergo meum
laborem, Lector beneuole, si æqui bonique con-
sulas, alacriorem me ad noua & meliora commen-
tationum genera aliquando incitabis. Vale.





INDEX CAPITVM HVIVS LIBRI.

	CAPVT
<i>E filice</i>	1
<i>Filix baccifera.</i>	2
<i>Adiantum Americanum.</i>	3
<i>Thlaspi luteum Spanospermon.</i>	4
<i>Rosa punicea.</i>	5
<i>Origanum fistulosum Canadense.</i>	6
<i>Eruca maxima Canadensis.</i>	7
<i>De valeriana.</i>	8
<i>Valeriana vrticæ-folia flore albo.</i>	9
<i>Valeriana vrticæ-folia flore violaceo.</i>	10
<i>Asaron Canadense.</i>	11
<i>De polygonato.</i>	12
<i>Polygonatum spicatum sterile.</i>	13
<i>Polygonatum spicatum fertile.</i>	14
<i>Polygonatum racemosum.</i>	15
<i>Polygonatum ramosum flore luteo maius.</i>	16
<i>Polygonatum ramosum flore luteo minus.</i>	17
<i>De Hedyfaro.</i>	18
<i>Hedysaron triphyllum Canadense.</i>	19
<i>Bugula odorata Lusitanica.</i>	20

<i>Cyclaminum orientale. Kärtner Bouhour. Turcarum.</i>	21
<i>Cyclaminum montis Libani.</i>	20
<i>De Arundine.</i>	22
<i>Arundo Indica variegata.</i>	23
<i>Fumaria siliquosa semper virens.</i>	24
<i>Fumaria Tuberosa insipida.</i>	49
<i>Aquilegia pumila præcox. Canadensis.</i>	25
<i>Aster luteus alatus.</i>	26
<i>Asteriscus latifolius Autumnalis.</i>	27
<i>De Centaurio,</i>	28
<i>Centaurium maius luteum.</i>	29
<i>Centaurium folijs Cynaræ.</i>	30
<i>Panaces raptim s. racemosa Canadensis.</i>	31
<i>Herbatum Canadensium s. panaces moschatum.</i>	80
<i>Aconitum baccis niueis, & rubris.</i>	32
<i>Gladiolus Æthiopicus flore coccineo.</i>	33
<i>Rhamnus Myrtifolius ex Insula sancti Christophori.</i>	34
<i>Carthipec Turcarum.</i>	35
<i>De Apocyno.</i>	39
<i>Apocynum maius Syriacum rectum.</i>	37
<i>Apocynum minus rectum Canadense.</i>	38
<i>Ranunculus Latifolius multiplex serotinus.</i>	39
<i>Edera trifolia Canadensis.</i>	40
<i>Edera quinque-folia Canadensis.</i>	41
<i>Gelsemium Ederaceum Indicum.</i>	42
<i>De Geranio Tristi, & per occasionem eius, plantarum in diurnas & nocturnas diuisio.</i>	43
<i>Varietatis supradictæ caffarum enarratio.</i>	45
<i>Perennitatis florum caffæ.</i>	46
<i>Cur nonnulli flores ad solem aperiuntur, alij ad lunam</i>	

<i>solum, & vnde tanta in plantis odorum diuersitas</i>	47
<i>Geranium Triste.</i>	44
<i>Scordium spinosum odoratum.</i>	48
<i>Lamium astragaloides.</i>	50
<i>Trifolium asphaltion Canadense.</i>	51
<i>Colchicum variegatum.</i>	52
<i>Colchicum striatum</i>	ibid.
<i>Colchicum flore pleno.</i>	ibid.
<i>Colchicum Amaranthinum.</i>	ibid.
<i>De Millefolia tuberosa.</i>	53
<i>Althaea Rosea peregrina.</i>	54
<i>Rapistrum maximum Rotundifolium Monospermon.</i>	55
<i>Rubus odoratus.</i>	59
<i>Narcissus pumilus Indicus polyanthos.</i>	57
<i>Narcissus Iaponicus rutilo flore.</i>	58
<i>Ornithogalon luteo virens Indicum.</i>	59
<i>Plantago maxima Hispanica.</i>	60
<i>Sisyrinchium Indicum.</i>	61
<i>Solanum triphyllum Canadense.</i>	62
<i>Solidago maxima Americana.</i>	63
<i>Acacia Africana Robini.</i>	64
<i>Pimpinella maxima Canadensis.</i>	65
<i>Cerefolium latifolium Canadense.</i>	66
<i>Aconitum Helianthemum Canad.</i>	67
<i>Aquifolium echinata folij superficie.</i>	68
<i>Vitis laciniatis folijs</i>	62. fol. 182
<i>Faseolus puniceo flore, fol. 184.</i>	cap. 69
<i>Thaliectrum Canadense</i>	70
<i>Agem lilag Persarum.</i>	71

<i>Eupatoria folijs Enule.</i>	72
<i>Bellis ramosa umbellifera.</i>	73
<i>Angelica lucida Canadensis.</i>	74
<i>Angelica atropurpurea Canadensis.</i>	75
<i>Apios Americana.</i>	76
<i>Myrtus flore pleno.</i>	77
<i>Calceolus Marianus Canad.</i>	78
<i>Lupinus Indicus.</i>	79
<i>Pilosella Indica.</i>	80
<i>Saponaria flore pleno.</i>	ibid.
<i>Viola matronalis flore pleno.</i>	ibid.
<i>Hiacynthus comosus calamistratus.</i>	ibid.
<i>Chelidonium maximum Lauræv Canadense.</i>	ibid.
<i>Statice maxima Americana.</i>	ibid.
<i>Radix Snagrœl nothæ Angliae.</i>	ibid.



IN HISTORIAM
PLANTARVM CANADENSIVM,
A IACOBO CORNVTIO
editam.

VENERAT extremis terrarum Gallus ab oris
Non visos frutices nauita classe vehens :
Et nostris flores iam spectabantur in hortis
Conspicui pretio, nec nouitate minus,
Emptorem vel gratus odor ducebat hiantem,
Vel naturali pieta figura manu.
Interea vtilitas non explorata latebat,
Effectus nec qui diceret, nullus erat:
Hoc te, CORNVTI, mouit; tu nomina plantis
Imponis, vires, effigiesque notas;
Interdum caussas sollers rimaris, ut ille
Diuino referens nomen ab eloquio.
Nunc gaudent Asclepiadæ sermone Latino
Per te Barbarici discere dona soli.
Quin etiam natura tibi debere fatetur,
Ignatas quod opes non finis esse suas.

H. V.

IN
EIVSDEM AVCTORIS
ENCHIRIDION BOTANICON.

VT Medicis des, CORNVTI, cognoscere plantas,
Et quo quæque frequens nascitur herba loco:
Prata, suburbanos saltus, montesque, paludésque
Excritis, & si quid deuia vallis habet.
Qualis Pelidem, patrias monstraret ut herbas,
Ducebat Chiron per iuga Thessaliae.

H. V.

AD EVNDEM AVTHOREM.

EPIGRAMMA.

MULTA solo nostro prudens natura negauit,
Omnia nec pañim quælibet edit humus.
Quod tamen ex oculis alter subduxerat orbis,
Nobis humane nunc patet artis ope.
Sed postquam exoticas profert CORNVTIVS herbas,
Plus vni debet Gallia tota viro.
Aurum etenim, & gemmas vexit sollertia, Nemo
Attulit in nostros tam pretiosa lares.

GUIDO PATINVVS, Bellouacüs,
Doctor Medicus Parisiensis.



I. CORNVTI DOCTORIS MEDICI PARISIENSIS

*CANADENSIVM PLANTARVM,
aliarumque nondum editarum*

HISTORIA.

DE FILICE.

CAPVT I.

EILICIS maris & fœminæ, quæ
τιλίεις & θηλυτιλίεις à pennatâ folio-
rum figurâ Græcis nominatur, tam
trita est apud Græcos & Latinos
mentio, tam vulgata descriptio, ut
eandem hisce lucubrationibus in-
texere non modò lectori fastidio foret, sed mihi
solum de varietate & nouitate plantarum agenti, su-

A

peruacaneum. Satis itaque factum arbitror, si variū & multiplicem in Filicis speciebus naturæ lusum, & inauditam hactenus Filicem patefecero.

Filicis itaque tot, pluresque sunt species, quæt
Dioscorides epitheta διωρισμένα filicis posuit. Ne-
que absolute cum ipso & Theophrasto quoque di-
cendum: Filici φύλλα ὅστιν ἀκανθα, καὶ ἀναρί, καὶ ἀκε-
πτα. Sed potius *Filix* alia est sine folijs & cum caule,
alia cum folijs & sine caule, alia cum folijs cum
caule & cum floribus sine fructu, alia denique sine
floribus & cum fructu. Quod quidem non com-
mentitum esse, ut Ruellius, aut fabulosum, ut Fu-
chsius censet, legenti perspicuum erit. *Filicem* sine
folijs & cum caule descripsit *Tragus*: hæc inter sa-
xa nascitur, & caulem profert digitum longum,
multiplicem, ex vnâ capillatâ radice, in cacumine
binis vel ternis corniculis, aut si mauis incuruis
quasi setis, quæ purpureis ex aduerso notantur pun-
ctis, conspicuum: gustu & odore cum *Filice* vul-
gari conuenit. *Filix* cum folijs & sine caule vul-
gares sunt mas & fœmina & *Dryopteris* satis per se
notæ: quibus Lobelius addit *Chamafilicem* Mari-
nam Anglicam, quam ait non nisi in saxorum, ru-
piumve interueniis, aut petrosis asperginibus Cor-
nubiaæ reperi ad maris alluiones. Folijs, caule,
& floribus ornatur *Osmunda regalis*: ob id *Filix* flo-
rida dicta: quæ ex radice crassa multis segmentis
imbricatim appositis compactâ, folia profert in
vtroque caulis latere pinnata, dilutè virentia, &
Polypodij more non crenata: in quorum vertice

Filix *saxea*
tragi.

Filix *mas*
& *fœmina*
Dryopteris
Chamafilix
marina.

Osmunda
regalis.

candicantem florem caulis sustinet, qui Iulio sine
semine marcescit. Bauhinus in Prodromo Filicis *Lib. 10. c. 3.*
aculeatæ duplicitis mentionem fecit. *Filix mas acu-*
leata maior, inquit, radicem habet nigram, fibro-
fam, pediculos pedales, foliosos, in multas alas pin-
natas, modo maiores, modo minores profundius
diuisos, pallidè virentes, primis in ambitu denta-
tis, & in breuem spinulam desinentibus. Filix mas
aculeata minor pinnulis est breuibus, totis integris
non dentatis, sed in spinulam acutam breuemque
omnibus desinentibus: Hæc sunt antiquæ inuen-
tionis Filicum genera: nunc velut omnium cumu-
lus suprema dicetur quæ nostra est.

Filix acu-
leata vtra-
que.



Jacobi Cornuti
FILIX BACCIFERA.



FILIX BACCIFERA.

C A P. I I.

FILIX sine floribus & cum fructu folio non est Filix baccifera. infœcundo ut cæteræ, sed fructu à tergo folio- rum luxuriat, adeò fragili ut vel vltro, vel leuissimo contactu desiliat, vt Persicariæ siliquos: ideoq; Fi- licé bacciferam nominauimus. Dryopteridis instar enascitur, ac sensim in cubitum erigitur pennatis folijs, in ambitu crenatis, luteo-virentibus: quæ cre- scunt vtrinque ad caulem non facile flexilem citra rupturam, pone rotundum, ante excauatum si- nu exiguo per totam longitudinem exorrecto; seminum etiam rudimenta posticis folijs adhærent, inter quæ sparsim eminent rotundi globuli, nunc bifidi, virides initio, deinde nigri, gustu suaui, Po- lypodij ferè radicis saporem referente, qui tandem maturi vix tactum patiuntur, sed sponte decidentes terræ infiguntur, vnde noua succrescit soboles. Radice nititur multis contexta fibris capillosis, co- lore fuscis, & gustu subacerbis. In America Se- ptentrionali passim inter saxa prouenit, pullulat Aprili ineunte, baccæ mediâ æstate maturescunt, folia Nouembri marcescunt, superstite solâ per hy- mem radice.

Vires ipsi vt Polypodio querno, eiusque locum inter succedanea subire potest.

A iiij

Iacobi Cornuti
ADIANTVM AMERICANVM.



Adiantum Americanum.

C A P. III.

QVIQVID arte barbarica Phrygiones moliantur texendis plumarum ramulis ad limbū vestium ornandum, nihil aut mente excogitari, aut acu pingi potest nobilius admirabili foliorum ordine quem ostētat noua hæc Capilli Veneris species, feliciter admodum expressa ab strenuo nostro Chalcographo; prout in horto D. Robini conspexit: quamuis longè sit ornatior eius figura in America Septentrionali, in quā nascitur proceritate plusquam cubitali: quò namque folia altiora sunt, eō pluribus diducta ramulis incredibilem naturæ luxum, lusumve præbent admirandum.

Huic radix pusilla, capillamentis nigris fibrata; caulinculi exeunt atropurpurei, in cubitum se attollunt, septemque aut octo ramulis diuisi, in orbem expansi latissimè se spargunt; adnascentibus interīm processibus quamplurimis, qui cum ramulis leuiter crispantur extremo. Folia Adianto vulgari similia sunt sed ampliora, Galli cristam referentia sunt enim infimâ parte lineâ curuâ clausa, superiori nonnullis sinubus laciniosa, omnia contrariis pediculis densa inter se & ex aduerso: singulorum foliorum pars altera gratâ viriditate lucet, altera punctulis fuscis exasperatur. Sapor idem cum nostrate parùm acerbus. Hoc *Adiantum Canadensi*.

regioni frequentissimum est; nusquam adeò altum prouenit. Tradunt duorum cubitorum altitudine amplius reperiri; expansisque brachiis tantum umbræ parere, ut eò succedere possent homines in æstu, facilèque se ab eo huius umbraculi præsidio tueri. Apud nos autem huius plantæ proceritas intra pedem vnum aut alterum subsistit.

Capillares herbæ omnes à radicibus quæ ex tenuibus capillamentis confibrantur nomen adeptæ sunt: ac proinde auctores homonymia isthæc obscuriores reddidisset, nisi communis eorum consensus huius nominis latiorem sensum ad quatuor species contraxisset, Adiantum scilicet album, Adiantum nigrum, Trichomanes siue Polytrichon, & Asplenium. Hanc autem plátam similitudine ducti & saporis & figuræ, ad Adiantum retulimus: quod nomen huic inditum ab eo quod oī dñe: quod in aquâ non madescat, sed perfusum, mersum-ve sicco semper simile sit, instar scirpi apud Plautum, qui semper seruat gloriam aritudinis.

*In Truch-
lento.*

THLASPI LVTEVM
Spanospermon.

CAPUT IV.

IN T E R inumeras herbæ Thlaspi differentias, quæ ab auctoribus priscis & recentioribus traditæ sunt, nulla haðenus inuenta fuit multitudine florulorum

Canadensium Plant. Historia.

9

THLASPI LVTEVM SPANOSPERMON.



flosculorum abundantior hac noua specie, quam
impræsentiarum describimus: tanta enim feracitate
prægnat, vt trimestri spatio plusquam bis mille flo-
ribus ornetur, quamuis flores singuli diem tantum
vnum durent: ac proinde meritò Thlaspe milleflo-
ra dici possit. Verum quia vix vlla est eiusmodi
herbulæ differentia, quæ non quamplurimos flores
progignat, à quibus semen capsulâ peltatâ inuolu-
tum pari numero postmodum oriatur; maluimus
à paucitate seminis Spanospermon appellare; Vix
enim in tota hac plantula quinque aut sex semina
reperias: Flores siquidem, relictis aridis caulinis
quibus appendebantur (vt hęc tabella sedulo de-
monstrat) omnes decidunt; fructusque vnuſ tan-
tummodo, aut alter sparsim hinc inde spectatur,
folliculi scilicet compressi & oblongi, quales sunt
Glasti satiui, in quibus semen concluditur acri sa-
pore. Huic plantæ radix est durior multisque fi-
brillis hęret, folia sunt digitali longitudine initio,
admodum angusta, humili sparsa, & subpinguia: cau-
liculi semipedales, non sine adnatis ramulis lon-
giusculis & capillaribus, folijs quidem vacuis, sed
mille flosculis luteolis, quatuor foliis constantibus,
ornatis. Sapor Subacris vulgaris instar Nasturtij le-
uiter linguam pungit.

Cæterum Thlaspi, aut Thlaspes nomen à se-
minis figurā deductum est: semen enim huius plan-
tæ est (vt ait Dioscorides) Δισκοειδές οιον είντεθλασ-
πέρον, ἐξ ḡ τη̄ ρ̄ ὄνομα ἔχουσεν. Disco simile aut, vt
ait Plinius, peltarum specie quasi compressum, vnde

nomen. θλαγχη enim contundi vel infringi significat, & infringendo quod globosum tumidumque erat cum dilatatione exæquare.

ROSA PVNICEA.

C A P. V.

TA N T A fuit commendatio rosarum priscis temporibus quibus strophia, ferta, & coronæ in pretio esse cœperunt ut certè fatendum sit, non modo earum multiplicem differentiam Veteres agnouisse; sed & florum prope omnium, qui in coronamenta veniunt cognitionis quam maximè audi-
dos fuisse: ac proindè tam accuratè Plinius Rosa-
rum varietatem proprijs inditis nominibus expres-
sit. Et Dalechampius nostris vocabulis declarare
nititur: quas vltra Rosarum species veteribus in-
dictam ut ait Rosam luteam addit. Nos præter eam,
duas subiungimus, quarum mentio apud her-
barios nostros hactenus nulla fuit, Rosam scilicet
Luteam centifoliam, & Rosam Puniceam, Prima Rosa lutea
foliorum tantum numero à luteâ Dalechampij di-
stinguitur; nam vtraque & eodem floret tempore
& eundem odorem spirat. Secunda ob coloris
elegantiam summo apud nos habetur in pretio:
quinque folijs constat intus puniceo colore satu-
ratis, à tergo croceis: quæ coloris diuersitas varium
sæpè florem reddit, lineis quibusdam flavis per co-

lorem phœnicium ardentissimum dispersis iucundissimo spectaculo. Huius Rosæ umbilicum tenet pappus atropurpureus, mille filamentis & apicibus luteo-pallidis cinctus; capitulum flori subiectum rotundum est, ut in silvestri Rosâ, folia minima sunt, viridia, in ambitu crenata: caudex longioribus aculeis horreficit; odorem habet veluti mellis: floret Maio. Cæterum arbitror hanc ultimam Rosæ speciem, ut & luteam simplicem (cuius inventionem sibi tribuit Dalech. etiamsi Lobelius eiusdem meminerit in suis aduersarijs, eiusque generationis modum insinuet) quas duas haec tenus herbarij silentio præterierunt, Scriptoribus antiquis notas fuisse, Punicam enim Virgilius indicat his versibus.

Ecloga 5.

*Puniceis humilis quantum saliunca rosetis
Iudicio nostro tantum tibi cedit Amyntas.*

Cap. 4.

Columella quoq; lib. 9. de re rustica, vbi de pastione apum differit, & de fructibus qui flores amicissimos apibus creant, summoperè laudat utramque hanc Rosæ speciem. Punicas, inquit, Rosas Luteolásque, & sarranas violas, &c. Quippe quæ videlicet inter cæteras Rosarum species melleum maxime halitum spirent. Horatius lib. 4. Carminum.

Nunc & qui color Punicæ flore prior rosæ.

*anclus do si nubes sciriq; nubibus membris vobis tota tuta sedet tota hujus omniq; malitiae gola
quidam roribus osculari tunc possit q; satis
tunc, tunc a teocis dicitur corollis tunc
corolla, tunc multa dicitur corolla gibboviroli sicut*

ORIGANVM FISTVLOSVM
Canadense.

C A P. VI.

FRVTICOSA & cubitalis herba è Canada nuper aduenit, quam Origanum Fistulosum nominauimus: quòd tubuli floris ita sint inter se compositi, vt quandam velut cicutis compactam Fistulam repræsentent. Caulibus exit quadratis, nunc angulosis, subhirsutis, & ramosis. Foliis longis, Lysimachiae siliquosæ æmulis, dilutè virentibus, quæ ab imo ad caulis fastigium usque pullulant, ibique minora decem aut duodecim in orbem congesta floris obambiunt globum, qui Scabiosæ capitulum refert (quamuis sit latior multo- que depresso:) mille caliculis conflatur, à quibus funduntur ordinatè dispositi tubuli plures, semi-uncialis longitudinis, coloris ex purpurâ colossini, bifidi extremo quo patentem riectum fingunt, vnde profluunt duo aut tria cum purpureis apicibus filamenta. Prolifera est, caulem enim sæpe transilit caulis, qui tribus digitis à primo flore eleuatus, subiectis totidem foliolis, novo floris alterius globo repullulat. Tota planta caulis atque adeo folijs subincanâ lanugine pubescit. Efflat odorem non trita Satureiæ hortensis. Sapor huic acerrimus, ac Hydropiperis more linguam peruerens, exceptâ radice quæ solis contexitur fibris: hæc

14

Iacobi Cornuti
ORIGANVM FISTVLOSVM CAN.



namque nescio quo naturæ lusu, prorsus insipida
gustanti percipitur. Floret Iulio & Augusto men-
sibus: Huius vita in multos annos protrahitur. *οὐλ-*
γάρος Græcis, quasi ὄρδον γάρος montanum gaudium
dicitur.

ERVCA MAXIMA
Canadensis.

CAP. VII.

INTER dendrolachana hæc Eruca numerari po-
test, siquidem hominis proceritatem implet:
potissimum quando radix eius, quæ fibris albis
constat, letoire solo cohæret: siluestres enim plantæ
qualis hæc & Canadenses omnes, quo leui magis
& subactâ terrâ differuntur, eo maius incremen-
tum capiunt. Numerosis caulibus adolescit, rotun-
dis, & romento quodam asperiori vestitis, quod
vndique folia exornant uti Lysimachiæ, longa, acu-
ta, in ambitu crenis inæqualibus ferrata, tenui la-
nugine obsita; gustu subacida initio, tandem sub-
acri: ut consuetum Erucis omnibus. Flosculi in cy-
mis mirâ fœcunditate luxuriant, Iunio ac Iulio men-
sibus; Lutei sunt illi, quatuor foliis constantes, in
quorum medio staminula quatuor & pistillum hæ-
ret, quod collapso postmodum flore, in siliquam
efformatur longiusculam, rectam, & seminibus tur-
gentem exiguis, sapore dulcibus, maturis Augusto,

Septembri deciduis . Ad Veneris oblectamenta
præcipuis.

Eὐχωμενος Græcis dicitur quod iura commendet ha-
beatque peculiarem in eis gratiam. Huius enim mi-
ra est in condiendis obsoniis suauitas ut ait Plinius.
Latinis , ut existimat Ruellius , Eruca ab erodendo,
aut ab vrendo dicta. Bestiolas enim innascentes
corpori erodit, & si eam degustaueris, os & linguam
satis acriter vellicat: aut certè his plantis Erucæ no-
men inditum ab Erucis, quæ Καρπατη Græcis dicun-
tur , non tamen ob inhæsionem ut existimat Apu-
leius, sed quod hæc insecta suo decursu sinuosum
quendam gyrum formant, Erucæ herbæ lacinias
foliorum apprimè referentem.

DE VALERIANA.

CAP. VIII.

PHv Græcorum, Latinis Nardum Siluestre,
ab Italìs primùm Valeriana dictum fuit ; quod
nomen deductum credit Dalechampius , ab innu-
meris quibus præditum est facultatibus. non modo
enim ex Diosc. Διωτατη Ἀρχα κυρσην, καὶ ταῦτα πλευραῖς
πόνον, ἐμπολωδεῖς γένεσιν, ciere vrinas potest, lateris do-
lorem mulcere , & deducere menstrua , sed ex Gal.
hæc herba est τῆς Νάρδων θεραπευτὴ διωταμην, quasi
diceret ut habetur libro octauo de med. simpl. fac.
Διξεισιαται σομεχα, καὶ τὰ τοῦ τελοῦ γαστέρα, καὶ τὰ οἰτέρων
ρύματα



ράματα ξηράνει, ἐν τῷ τὰ κτῖ τῶν κεφαλῶν, τῷ τὸν Γά-
ερα, sanat stomachi morsus, humorumque in
ventriculum, intestina, caput, aut thoracem decu-
bitus siccatur. Quin & Platearius eandem commen-
dat in stranguria & disuria, in cruditatibus ventri-
culi à frigida causa, aut flatu ortis, tussientibus &
suspiriosis, in superfluitate matricis, ut loquitur,
siccandâ, in liberandis viscerum obstructionibus,
idem testatur Plinius: Dalechampius addit viren-
tem plantam cum radicibus capiti dolenti admo-
tam, eius dolores mulcere, oculorum vitia instilla-
tam emēdare, potionibus mixtam summo vulneri-
bus esse remedio. Matthiolus ad venenatorum iectus
laudat, si cum vino bibatur. Aduersus pestilen-
tiam non modo pota, sed etiam olfacta prodest, ut
pote cuius radix summopere sit αρωματῶδης.

*Cap. 20.
lib. 21.*

*Cap. 27.
lib. 4.*

Plurimæ verò extant apud Herbarios Valerianæ
species, quibus Phu veterum nullatenus descriptio
quadret, quales sunt 7. à D. viro Bauhino propositæ
in prodromo, nisi forte in quantum inter eas non-
nullarum sit radix odoris particeps, sed flos ne-
quaquam est Narcissi, nec caulis πευΦερός, nec folia
Hipposelini aut Elaphobosci: ac proinde ut arbit-
rator, legitimum Phu Dioscoridis à nemine hacte-
nus certò cognitum fuit: nam id quod hoc nomine
circūfertur, nescio quo iure hoc sibi nomen vendi-
carit, cum flores Narciso proximos nullatenus ha-
beat, siue figuram, siue amplitudinem, aut etiam
mollitiem species. Constat enim Valerianam no-
stratem ut omnium herbarum flores tenuitate su-

perat, ita & mollitie Narcissi floribus longè inferiorem esse, & nihiloseius Narcissi flores imitari, quam vitis, Ad cuius flores nihil in figurâ proprius accedere potest; Deinde nusquam Dioscorides in descriptione florum huius plantæ, meminit vmbellæ, aut muscarij. Quod etiam aduertit Matthiol. Taceo præterea caulem, quem nemo vnquam ēμπόρφυρον obseruauit. Quod enim benignè legendus sit Dioscor. & quod Typographorum incuria irrepserrit hoc mendum μείζωνα, cuius loco οὐσιῶνa substituēdum testentur viridoctiss. Matthiolus, Ruellius noster, & alij, id certè tolerandum foret, si cætera consentirent. Facile concedo Valerianæ radicem easdem vires, eundemque obtinere odorem, quem suo Phu Diosc. tribuit: non ideo tamen quisquam enuntiarit Valerianam esse Phu genuinum Diosc. cognationes enim eiusmodi, quamplurimos decepisse testatur ipse Diosc. πόλλοι πλάνονται δύο τῆς κατ' οὔσιων ἐμφερέτας, πόλλα γὰρ οὖστιν ὄμοια τῇ οὔσῃ Ναρδῷ, ὡς τὸ φῦλον αὐτοῖς εγγένης. οὐκέτι δὲ τὰς grauiter errant plerique, in eiusmodi odorum cognitione, multa namque Nardo sunt odore similia, quemadmodum Phu, Asarum, Neris, longe verò aliter se habent: quapropter non vera censi debent, possunt tamen in medendi, vsu in genuinorum locum suffici. Sed non ita strictè recentiores, hi enim nullâ nisi radicis habita ratione, in tantum Valerianæ species multiplicarunt, ut nulla prope sit odorata radix, cuius plantam illico Valerianæ nomine non insigniant, imò vero multæ eo nomi-

Cap. 11. lib.
1. de Ma-
labathro.

ne dotantur, quod nomen vnde adeptæ sint, ipsi met
auætores ignorant; vt in Valeriana Græca accidit.
Satis itaque fuerit, pauca hæc quasi εξ θηρομῆς
præmonuisse, alias si Deus dederit, fortè accuratius
rem ipsam examinabimus.

Interim duo noua Valerianæ genera publico pa-
lam facimus, quorum historia hæc tenus autores
omnes latuit, hæcque ipsa ex eâ Americæ parte
quæ Canada nominatur aduecta sunt; Quod flore
est violaceo, vna cum flore interijt: alterum etiam
in horto nostro superat.

VALERIANA VRTICÆFOLIA
flore albo.

C A P. I X.

HIC plantæ radix, vt Asaro fibrosa, non al-
te descendit, sed in summo terræ leuiter hæ-
ret, adeoque est apricationis auida, vt sæpius nudet
supra terram fibras, quæ saporis & odoris gratiam
Nardo non inferiorem obtinent, Valerianâ vulga-
ri longè nobiliorem, si enim diutius in ore denti-
bus prematur, mira suavitate halitum commen-
dat, linguamq; postremò vt Cinnamomum acriter
pungit. Pluribus surculis assurgit rotundis, cauis,
geniculatis, glabris, longitudinis ultra cubitum, hi
in plures alas diuiduntur. Folia ex aduerso bina
semper, ab radice ad summum usque caulis fasti-



gium nascuntur, referuntque Scrophulariæ aut Vr-
ticæ maioris folia, minimè tamen pungunt & dilu-
tissimè virent: cuiusque caulis apex in muscarium
spargitur, floribus ornatum paruis, inodoris, Vale-
rianæ similibus, sed ex uno calice pluribus. Post
~~εξαιδνου~~ semina longiuscula tenui pappo hærentia
in auras abeunt. Floret Septembri. Hyeme, sola ra-
dix superstes viuit, reliqua pereunt. In eo planta hæc
à Valerianâ vulgari discrepat, quod sit illa sempi-
terno folio, huius vero folia hyemem non susti-
nent.

VALERIANA VRTICÆFOLIA
flore violaceo.

C A P V T X.

Hæc Planta & viribus, & ipso aspectu est præ-
cedenti simillima: in hoc tantum distingui-
tur, quod & folia paulo altius diuisa sint, & flores
qui magis ad Ocymastrum Valeriantum accedunt,
eleganti violaceo colore maximè commendentur.
Superiore anno in cultissimo Vespasiani Robini
Botanici Regij horto vigebat: Huius satis fuerit
iconem ad viuum expressum citra historiam dare.

Canadensis Plant. Historia. 23
VALERIANA VRTICÆFOLIA FLOR. VIOL.



ASARON CANADENSE.

CAPVT XI.

EX confinio Valerianæ Asaron inuehitur (col-
les quippè pariter amat, vmbrosisque maximè
lætatur.) Huius facies, vt dicetur, à nostrate partium
amplitudine potius, quām viribus distat. Mox vbi
bruma confecta est, apud nos suprà terram emergit,
sine caule, folijs hederaceis, mollioribus: non cir-
cinatae rotunditatis, non conuolutis in se, nec splen-
didis: sed expansis, & in mucronem desinentibus,
adiectaque minutâ cæsarie hirsutis. Foliorum pe-
diculi vitiles, florumque cytini pari lanugine pu-
bescunt. Pro flore, ab radice prodeunt caliculi plu-
res, quorum viridis color languescit: dum hiant sin-
guli in tres cultratos velut mucrones dissecantur,
qui non intrò flectuntur, sed in exteriora inuer-
tuntur: cuiusque floris cavitate delitescit semen
acinosum, mordens gustu, feruensque in ore. Ra-
dix carnosa viuaxque, terram obliquè perreptat, ab
eâ longiores fibræ profluunt suauissimi odoris,
Acoro similis, intensiorisque: Hæ singularem vino
gratiā adijciunt, si pinsitæ, linteique nodulo in-
clusæ, in cadum musti colentur, cum pondusculo
vt fidant, trimestriq; spatio macerentur ante vsum.
Hæc eadem radix mandentium halitus suauiter in-
odorat. In v̄sus quoque salutis humanae verti potest,

vt

Canadensium Plant. Historia.
ASARON CANADENSE.

25



*Cap. 13.
lib. 22.*

*Lib. 8. de
com. Med.
sec. locos
cap. 3.*

*Mesues li.
2. cap. 22.*

Lib. 21. c. 6.

*Ruellius c.
20. lib. 1.*

vt vulgare, (quod Nardi vim habet, ipsumque ab aliquibus Nardum siluestre aut rusticum ex Plinio appellatur) seu quibus aluus vuidior distenditur, aut quibus fuerit gelidus humor Ischiadi impressus molestus acerbitate doloris, nullum deducendis vrinis aut liquandis humoribus aptius Asaro remedium obseruauit Galenus. In Tertianis febribus, quarum contumacia presidijs generalibus confici nequit, cum rigor incesserit, geminâ cochleari mensurâ succus huius herbæ ex vîno albo bibitur, felici successu. Vtramque enim bilem & pituitam fusque deque, veratri modo, expurgat.

Asaron, inquit Plinius, audio vocitari, quoniam in coronas non addatur. Sed cum Dioscor. Asaron dicat, πόλις τε Φανωματική, vt vtriusque sententia concilietur, malim dici Asaron, quod in scopas non addatur, siue sint lustrales verrendis Deorum aris, vt censet Lobelius in suis aduersarijs, siue manuales illæ sint, quas odoris gratia gestant, ex Amaraco, Thymo, Serpillo, & alijs odoratis, quibus Asaron inseri minime sit solitum.

DE POLYGONATO.

CAP. XII.

PO LY GONATVM quod à radice nomen traxit crebris articulatâ geniculis, veteribus quidem vnicum innotuit, at recentioribus omnino multi-

plex est & varium. Dodonæus, Fuchsius, Dalechampius marem πλατύφυλον & fœminam angusto folio agnouerunt. Lobelius tria asserit in suis obseruationibus Polygonati genera, superiora duo vulgaria, & tertium Tragi. Camerarius Maris duplarem differentiam facit, alterum baccas nigras, rubras alterum, aut purpureas profert; Clusius sex enumeravit, quatuor nimirum nouas species à se vno descriptas, & vulgares duas ab omnibus cognitas. Has omnes Polygonati species additâ vnâ à se inuentâ, quam in prodromo descripsit doctissimus Bauhinus, herculeo penitus labore in nouem classes distribuit in suo phytopinace. In vniuersum itaque nouem differentiæ Polygonati ex auctorum scriptis eruuntur. Quibus subiungemus quinque haec tenus incognitas, quæ ex noua Francia, & Virginia prodierunt. Prius autem non alienum fuerit si Polygonati descriptionem à Dioscoride allatam examinauerimus. Dioscorides Polygonatum ait fruticem esse cubito altiorrem, foliis lauri latioribus & lævioribus, sapore mali Cotonei aut Punici, qui flores per singulas foliorum ἀκρωτής promit candidos, folijs numerosiores, inceptâ ab radice suppuratione; qui radicem habet albam, mollem, longam πολυγράπτην καὶ βαρύστην. Hanc descriptionem vulgari Polygonato conuenire, ut nemo ambigit, ita & mancam esse nemo non videt: Ad perfectam ergo fruticis huius notitiam cuiuis descriptionis particulae adiicientum non nihil esse videtur. Quod ad caulem spe-

Etat, Polygonato vnicus est, & non brachiatus rāmis, nec rectā, sed obliquē assurgere solet. Folia quidem obtinet aliquatenus lauro similia, latiora tamen & leuiora multo: sed neruis multis referta, quæ utrimque in extremo folij coeunt, ut in Epipactide, aut Plantagine. Superiore etiam parte viridia sunt, infra vero incana: Et ad latera caulis hinc inde disposita alarum instar prominent: Pro flore tubulus est lacteus, caulis petiolis multiplex appensus, extremâ qua hiat parte virescens, atque in quatuor aut quinque breues lacinias diuisus. Excusso flore succedunt baccæ virides per maturitatem nigræ, in quibus 3. aut 4. semina alba continentur. Polygonatum, quod ad radicem attinet non est βαρύππιζον, ut pleræque Stirpes, sed Polypodij more per transuersum obliquē progreditur. Hæc omnia Dioscorides non expressit, seu quod trita nimis, & cognita planta foret, seu quod per hæc quæ obmisit supplementa, substitutas ac succenturiatas Polygonati species complecti eius esset consilium. Seu etiam fortasse quod aliam plantam à vulgari nostro Polygonato describat, in qua videlicet proxime iuxta radicem flores oriantur ad suppurationem. Quod in nostro Polygonato non accedit, in quo caulis ferrè ad usque palmi altitudinem folijs & floribus caret.

Plinius Polygonatum credit esse Polygoni speciem quam Latini sanguinariam vocant, appellarique à multitudine seminis aut densitate fruticis Caligonoron. Alij, inquit, Polygonatum à frequentia

geniculorum, alij Teuthalida, alij Carcinethrum, alij Clema, multi Myrtopetalon. D. Goupylus postrema hæc nomina inter adulterina synonyma Dioscoridis, ut & alia quoque plurima recensuit, quæ nihil ad huius Polygonati notitiam conferunt. Quicquid sit, constat apud omnes auctores hoc Dioscoridis Polygonatum esse, id quod mas vulgo nominatur, cuius quidem Camerarius speciem videt baccis rubris aut purpurascenscentibus. Tragus tertium Polygonati genus proponit, quod non aliud est, quam quod herbarij Ocyoides vocant, non nulli Papauer spumeum, Monspellienses Behen album. Clusius marem facit ramosum, & non ramosum: Posterioris tres assert species, quarum prima vulgare Polygonatum est. Secunda caulem pedalem tantum profert striatum (nec exactè rotundum, sed modice in latitudinem compressum, folia obtusiora & rotundiora vulgari.) huic ex singulis alarum sinibus exeunt flores singulis magna ex parte petiolis inhærentes, vulgari maiores & odoratores, reliquis à præcedenti non differt. Tertia species magnitudine plurimùm superiores excedit, huius quippe folia Hellebori albi foliorum amplitudinem nonnumquam assequuntur. Crescit in Siluis supra Viennam Austriæ. Ramosum Polygonatum ynum à Clusio describitur, cuius verba hic affero eo libentius quod discriminem inter illud, & alia quæ à me posthac describentur facilius hac ratione cuius innotescere possit. Quarti latifolijs caulis pedalis est, nonnumquam cubitalis aut amplior „

D iii

I.

II.

III.

IV.

V.

VI.

„ rotundus, incurvus vulgaris instar: in vnum aut al-
 „ terum, interdum etiam tertium ramum diuisus,
 „ quem alternatim perfoliatæ vulgaris ferè instar
 „ amplectuntur folia Polygonati folijs similia, mol-
 liora, saporis initio dulcis, deinde saliuam carentis &
 nonnihil acris: ad singulorum foliorū exortum, sub
 1. ipso folijs atque adeo ad illorum latus eadem seriè
 II. exeunt singulares petioli longi, exiles, incurvi, ex
 III. quibus flores propendent singulares concaui, Oe-
 nanthes, siue lilij conuallium floribus persimiles,
 sed magis hiantes, atque in sex lacinias extrorsum
 reflexas diuisi, interiore parte nigrantibus quibus-
 dam maculis aspersi, odorati. Fruetus trigonus viri-
 dis initio per maturitatem rubescens.

VII.

Bauhinus Brasiliandum Polygonatum latifolium & perfoliatum alterum in prodromo descripsit, quod florum amplitudine plurimum à superiore differt: flos enim quinque folijs separatis ab inuicem Narciso minori autumnali similibus & æqualibus, sed albis constat. Semen non vidit, quod credibile est, capsulâ trigonâ concipi.

Iam vero ut quæ latifolia matis nomen sortiuntur, ita & quæ angustifolia fœmineum sexum præse ferunt: cuius generis duæ species cognitæ sunt.

VIII.

Prima caulem rotundum habet, qui folijs angustis asperulæ modo per intervalla cingitur: fructus ex intervallis foliorum oblongus & ruber, baccarum Berberis forma & magnitudine in orbem prodit.

*Cap. 13.
lib. 25.*

hæc esse videtur planta, quam Plinius sub nomine ephemeri expressit.

Alterum Polygonatum angustifolium Clusij caulem habet cubitalem, angulosum, in multas tenues alas diuisum folijs quam maxime angustis & longis obsitum: flores præcedenti similes inter folia nascuntur, quibus succedunt baccæ rubræ; sed exæte rotundæ: radix candida nodosa. Hactenus quæ de Polygonato eiusque differentijs auctores ante nos tradiderunt, nunc quinque nouas species ex America allatas breuiter describemus.


IX.

POLYGONATVM SPICATVM
sterile.

C A P. XIII.

X.

PO LY GONAT V M spicatum sterile à natali solo Virginianum dici potest; radice constat alba ex longis interuallis geniculatâ, quæ Lilij quod conuallium vocant, instar repit. Maio mense caulinus pedalis assurgit, è cuius vtroque latere folia exent inæquali situ disposita vulgaris facie, acutiora tamen, pinguiora & minus neruosa, imò nec subtus incana, sed gratâ & pellucida viriditate vtrinque micantia. Flos neutiquam ex alarum sinu prodit, vt in cognitis alijs Polygonati differentijs, sed summum caulis apicem occupat, ibique plurimus spicatum aggeritur, vnuſquisque proprio petiolo in caulis fastigium desinente sustinetur. Flos exiguus est, & quinque aut sex albis foliolis com-

Iacobi Cornuti
POLYGONATUM SPICATUM STERILE.

componitur, hæc dum explicant sese, asterisci effigiem signant, filamenta quoque tenuia eiusmodi foliis interseruntur. Floret eodem mense. Iulio statim quicquid floris est veluti marcidum fluit, sicque vniuersa planta sterilescit.

POLYGONATVM SPICATVM
fertile.

C A P V T X I I I I .

SECUND A hæc Polygonati species figurâ & si-
tu foliorum, teretis, glabrique caulinis pro-
ceritate, nullatenus à proximè allata distinguitur.
Radix alba (numquam ipso caule vastior) per trans-
uersum fertur, raro admodum capillatio, & quâ ge-
niculus ipsam discriminat, nouum *μόγενα* prodit.
Flos supremis caulinis folijs ab exortu abditus de-
litescit, nec ante apparet, quam illa ab inuicem di-
ducantur: Tumque plures albi flosculi caulis fasti-
gio circumpositi spicam efformant: Singuli quin-
que aut sex foliolis constant, similis cum superio-
ri Polygonato figuræ. Excusso flore globuli te-
nues succedunt, qui sensim eam magnitudinem asse-
quuntur, quam in separato folio appendi curaui.
Baccas istas subrotundas excurrentes lineæ pluri-
mum commendant. Sex enim nigræ æquis inter-
uallis utrimque in puncto velut in polo sese inter-
secantes, singulas baccas, albidas initio, separant,

X I.

E

34

Jacobi Cornuti
POLYGONATVM SPICATVM FERTILE.



velut sphæram Meridionales circuli, pari naturæ ingenio ac si Geometra composuisset. Hæ baccæ non mediocrem subeunt maturitate mutationem, sensim enim rufescunt, donec omnino rubeant, ac tum temporis signaturæ linearum penitus obliterantur. Ægrè admodum gustatur, fastidiosum enim saporem obtinet, qui ferè ex dulci in amarum desinit, Solani lignosè more, quod eapropter γλυκύπικρον vocauerunt.

Ex America allatum, vigilanti D. Vespasiani Robini culturâ, incolume iam ab aliquot annis seruatur.

Obseruabis interim, flosculorum ocellos orbiculares expressisse chalcographum, cùm paululum in longitudinem extendantur.



POLYGONATVM RACEMOSVM.

CAP VT XV.

XII.

AB eâ quam fructus huius repræsentat Vuæ similitudine racemosum Polygonatum nominauimus. Hoc radice firmatur crassa subalbida, pluribus internodijs extuberatâ, nec paucioribus capillatâ fibris. Caule aliquâdo simplici nonnumquam etiam, sed raro, duplici (vt hîc appendi curaui) eoq; rotundo atque atropurpurante in duo cubita eleuatur. Folia habet latissimè expansa. Nerui (quos in plantis *īras* Græci vocant) simili atque in Plantagine ordine, per eorum latitudinem discurrunt: varij coloris, nunc purpurei, nunc atrouiridis. Ut autem folium quam in aliis speciebus durius & nigrius est: ita & eius ambitus rugosior, lineâ obscuriore clauditur. In apice caulis, vuæ floridæ simulachrum appetet. Mollia filamenta dilute pallentia, flosculorum loco petiolis insident, ferè vigent octiduò, quo elapsò, succedunt acini rotundi, baccarum Iuniperi magnitudine, eximiam vuam componentes: flavescent hi per initia, & mille notis, quasi sanguineis interpunguntur, longè vero postea maturitatem adepti, euanevolentibus maculis istis, toti in Cerasorum ruborem transeunt. Eorum pulpa dulci sapore linguam afficit, seminaque alba continet subrotunda, quibus satis, vel leuissimâ adhibitâ operâ planta hæc facillimè pullulat.

Canadensium Plant. Historia. 37
POLYGONATUM RACEMOSVM.



POLYGONATVM RAMOSVM
flore luteo maius.

CAPVT XV.

XIII. **H**IC Polygonato statim gracilis in exortu caulis, teres, & glaber palmarem fere longitudinem assequitur, mox in duos ramos diducitur, quorum singuli in plures postea diuisi, cubitalem saxe longitudinem superant. Folia caulem per uno vtrimeq; ductu ita excipiunt, ut perfoliatæ ad instar, medium penitus obuallent: leuia hæc sunt, oblonga, venosa, & extremâ parte obtusa, pallidissimèque vi- rent. E supremo caulinorum apice, & ipsorum etiam foliorum sinibus, incuruo deorsumque nutante pediculo flos luteus propendet, sex angustis, sed longioribus foliis compositus, quæ ut in Tuliparum genere fieri solet, separatim diuiduntur. In interna floris parte siliquæ rudimentum, cum ad natiscorniculis, sexque longa subluteaque stamina delitescunt (quæ cùm integro flore conspicere non sit facultas, separatim delineari iussi.) Cum defloruit, pediculus sursum flectitur. Semen albidum siliquâ coriacia, initio viridi, deinde furuâ triangularisque formæ concluditur. Radix non adeò crassa est, nec adeò candida atque præcedentium, sed sola fibrarum copia densius contexta capillatur, nec proinde latius graditur, ut superiorum. Floret in eunte Iunio. Julio semina perficiuntur,

Canadensis Plant. Historia. 39
POLYG. RAM. FLORE LVTEO MAIUS.



quo tempore siliqua reseratis commissuris trifariam
hiat, ut concepto semini exitum patefaciat.

POLYGONATVM RAMOSVM
flore luteo minus.

C A P. XVII.

XIII. **A**D E O præcedenti Polygonato simile hoc est, ut separata historia non indigeat: cùm solâ ferè foliorum figurâ ab eo deflectat, quippe quæ & angustiora multò & longiora sint, ac etiam in mucronem desinant acutissimum. Flore quoque nonnihil variat, multò pallidiore, cætera prorsus simile.

Hanc postremam Polygonati differentiam, ut & præcedentes ex noua Francia accepimus.



POLYGO-

Canadensium Plant. Historia. 41
POLYG. RAMOS. FLORE LVTEO MINVS.



DE HEDYSARO.

C A P. XVIII.

V A M herbarij fabam lupinam, alij herbum,
_{Lib. 3. c. 66.} Q vulgóque grauam (quòd, vt arbitratur Ruel-
 lius, tritico, hordeo, cæterisque frugibus, cum qui-
 bus alitur, suo complexu grauis sit & molesta:) hanc
_{Lib. 3. cap. 146.} Dioscorides ἡδυζερὸν à suavitate odoris, & totius plā-
 tæ figurâ nominauit: quasi quis diceret scopas odo-
 ratas: frutex enim est ab vna radice flagellis multis
 emicans. Vnguentarij πελεκίνον, vt & Latini Secu-
 ridacam vocauere: quamuis Turnebo Securiclatæ
 potius nomen arrideat, quasi securiculatæ; hoc est
 à similitudine securis, quæ πέλεκυς græcis dicitur.
 Hedysaron enim λοβός φέρει κερατίοις ἐσικότας, οὐ oīs
 τὸ σωέρμα πυρρὸν καὶ ἀμφίσμον ὄμοιον πελέκει· follicu-
_{Ruellius.} los spargit modo Corniculorum aduncos, semen
 complectentes ancipitis securiculæ figura. Quan-
 quam non ita strictè recentiores, qui Hedysari spe-
 cies multiplicarunt: Hi enim nunc à siliquâ falcatâ,
 nunc à semine securiculato, nunc verò à foliorum
 Ciceris incisa facie, argumentum suæ nomenclatu-
 ræ sumperunt. Sicque Dodonæus à foliis duplicem
_{Cap. 13.}
_{lib. 3. pempto} attulit differentiam, maius & minus: utrumque fo-
 liis ciceris, maioris siliquæ sunt compressæ, minoris
 rotundæ & incurvæ. Dalechampius à siliquis, nul-
 la Ciceris foliorum habita ratione, minimum He-

dysarum descriptsit; Illudque trifolijs pratensis foliis. Lobelius à seminis figurâ Hedysarum clypeatum descriptsit, quod florum colore, & siliquis à superioribus longissimè abest: huius enim flores sunt Genistæ amplitudine, saturo coccino rubentes. Siliquæ non aduncæ, sed ex orbiculatis loculis aspermis compositæ, in quibus semina genistæ. Clusius Dodonæum imitatus, figuræ foliorum ciceris penitus adhærens, Securidacam peregrinam capiti 48. lib. 6 inseruit. Hæc siliquas planas vtrinque dentatas vncialis longitudinis summo fert caulum fastigio: hanc Cortusus scolopendriam leguminosam nominauit.

Prosper Alpinus à Corniculis, non autem à semine amphistomo elegantem in Creta Insula Hedysari speciem reperit, quam Hedysarum argenteum nominat, à floribus candidis trifolio proximis, apicem caulinorum occupantibus egregia facta umbellâ, quibus cornicula succedunt, in quibus semina rotunda. Hæc planta folia ciceris obtinet, quibus ne ipsa hyeme quidem se expoliat.

Inter dumeta duplex Hedysarum crescit, quod Baumbinus. quidem siliquas profert articulatas: alterum purpurascit quod à Camerario scorpiuron vocatur. Alterū pallide-cœrulei coloris est: ad quas differentias cum clypeatum Lobelij referatur; non incòmodè etiam Hedysarū nostrum. his Canadense Hedysarum triphyllum adscribetur, quandoquidem cum precedente plurimum affinitatis habere videtur. Nam floribus & siliquis asperioribus, non per loculos clypeiformes, sed securis

ancipitis effigie seriatim articulatos, Lobelij Hedy-
sarum refert: accedit & florū & seminū ma-
turationis tempus idem.

HEDYSARVM TRIPHYLLVM
Canadense.

C A P V T X I X.

HIVIS altitudo in frigidis locis duorum fere cubitorum est, in apricis in vnum tantum erigitur. Caulis numerosus ab radice pullulat, angulosus ac medullosus: fibris ille multis striatur, aliis virentibus, aliis pallentibus, aliis rubentibus: Mediā caniculā spicatum flores prodeūt Hedyari legitimi facie, ampliores multò: horum superiora folia satu- ratus rubescunt, laterum alae & subiecta carina di- lutiā ac pallidius rubet: siliqua per florū marci- cētrum oritur, falcatim per internodia discrimina- ta, asperima, quæ lineis suprà & infrà rubentibus clauditur. Radice nititur fibrosā, subnigrā, maxime viuaci. Aprili pullulant folia, initio quidem ruben- tia, quæ tandem atrouirescunt, & trifolij asphal- titis more diuiduntur. Tota planta inodora est, ac proinde perperam ab aliquibus trifolium asphal- tites Canadense creditur. Mis̄a fuit sub nomine Galegæ Americanæ, quo autem argumento, in ma- teria stirpium versatis iudicandum relinquo. Sa- tius duxi ad Hedyari articulatā siliquā classem re-

Canadensium Plant. Historia. 45
HEDYSARVM TRIPHYLL. CANADENSE.



F iii

ferre. Medijs enim in siluis nascitur in America Se-
ptentrionali, ad nosque ex noua Francia missi sunt
cius loculi securiculæ instar, in quibus semen geni-
stæ concipitur.

Sapor virenti non ita conspicuus, siccatae sub-
acris: atque ita calidam in primo, sicciamque in se-
cundo gradu esse arbitramur, cum aliqua peculiari
purgandi facultate, eius periculo à me facto. Pur-
gantium enim potiuncularum decoctis addita vnc.
vnius pondere, catharticorum vim promouet, non
tenues ac serosos solum; sed viscidiores etiam hu-
mores educendo. Incocta atque apposita, frigidio-
rum tumorum concoctioni maxime conducit.

B V G V L A O D O R A T A
Lusitanica.

C A P V T X X.

IN S I G N I S hæc Bugulæ species annua est, & satu-
quotannis prouenit; radicem habet nigro capil-
litio fibrosam, nequaquam humi repente: ab hac
succrescunt quatuor aut quinque cauliculi rotun-
di, hirsuti, geniculati quâ parte folia exeunt: quæ
folia longa sunt, hirsuta, atrourentia, duabus aut
tribus laciniis recurvum dentè referentibus utrimq;
diuisa: quò autē inferiora sunt ac terræ propiora, eò
ampliora; quò remotiora eò breuiora, & angustio-
ra, vt ferè tandem capillari tenuitate appareant iis

BVGVL A ODORATA LVSITANICA.



in partibus, in quibus floribus interposita sunt. Flores enim inter foliola caulem à medio fere ad apicem usque quasi verticillatim ambiunt, & intermediis foliolis illis, obducto veluti sepimento mununtur. Flores sunt violacei coloris, in tubulum efformati, cuius extremum alterum ab exiguis calycibus prodit: alterum ut in Bugulâ nostrate, dum hiat rectum quandam metitur. Decusso flore (quod circa Augustum mensem accidere solet,) Calyculus seminibus albis turget, quæ nouam sequente anno progeniem subministrant. Seritur mense Martio. Tota planta odoratissima est, iucundissimiq; aspectus; Et apud nos proceritate vix pedem implet, quamquam in Lusitania unde eam habuimus, longè elatiorem esse acceperimus. Huius etiam mira vis est, si cum cæteris speciebus addatur potionibus vulnerariis.

CYCLAMINVM ORIENTALE.
Katmer Bouhour Turcarum.

CAPVT XXI.

CYCLAMINVM Constantinopoli allatum opera & studio diligentissimi herbarij Domini Bachelier, in hortis nostris publicis iam satis vulgaratum est: præter enim largam huius plantæ copiam, quam postrema nauigatione conquisiuit, non inertis opera seminibus iactis huius etiam propagationi

Canadensium Plant. Historia. 49
CYCLAMINVM ORIENTALE.



tioni consulens auctionem plurimam fecit.

Hoc Cyclaminum pro radice cortice nigro obdutum tuber habet amplissimum, quod infra supraque mediocriter subsidit, ut Rapum: huius media ferè parte vulgari similes, sed longiores extant pediculi teretes, carnei coloris, quorum alij folijs, floribus ornantur alij: eodem enim momento ambo pullulant. Folium ederaceum est, nec angulosum, in ambitu tenuissimè serratur, illud atro-purpurascit à terra, superne pingitur diuersa viriditate, in quâ etiam alblicant maculæ. Flos è calice quinque foliolis composito exit: Varietas in eo multiplex est, ferè quadruplex apud nos obseruat: nunc quippè foliis quinque tantum constat flos (aliàs purè candidus, aliàs ^a colosinus, & imâ parte elegantissimè purpurascens.) Nunc foliorum numerus duplicatur, (quorum duplex quoque est differentia, aut enim flos iste totus albus est, aut huius pars infima purpureo colore fimbriatur.) Folia hæc longiora sunt multo & angustiora nostratum: initio quidem dum è calice crumpunt simul intorta deorsum nutant, nec multo post latius diffusa sursum reflectuntur, ac veluti corollam formant, cui cauum odoratissimum subest, à quo singula folia profluunt: nec enim vnum seorsim decidere potest, quin & vniuersa concidant. In eodem cauo quinque apices subatri, æquali interuallo disiuncti apparent, eidem cauo ita agglutinantur vix ut ab eo diuelli queant. Statim atq; flos decidit, pediculi in spiram serpentium more conuoluun-

tur, & semen progignunt rotundâ capsula inclusum. Floret Aprili. Semina Iulio maturescut, & ferè quod anni reliquum est, foliis destituitur.

Cyclaminos Græce dicta à quodam qui *Kύκλος* Isidor. orig. lib. 17. c. 9. vocatus est, qui primus virtutem huius herbæ inuenit. Vel quod talis herba habeat radicem rotundam, Græci enim *Kύκλων* rotundum vocant. Huius radicis succus vino admixtusebrios facit.

² *Colossinus color* à *Colossis Troadis vrbe*, in qua lanae tingebantur coloris elegantioris, apprimè florem Cyclami referentis, qui color inter candorem & purpuram mediū est.

DE ARVNDINE.

CAP VT XXII.

VT est in ijs, quæ ad usus hominum spectant, natural liberalis: ita & in ijs quæ ad uitæ necessitatem pertinent, aut sensum oblectationi conferunt, longè profusior esse solet: ut pote quæ singulis animantium sensibus pari diligentia consulat. Nec magis est varietatis saporum ad gustus gratiam studiosa, quam & incredibilis colorum mixturæ ad oculorum oblectamentum Hæc varietas cum in plerisque vegetantibus cernitur, tum maxime in Arundinū genere manifesta est, quarum est tanta differentia, vix ut certus à quoquam auctore specierum numerus statui possit: Quod animaduertens

- Cap. 12.*
lib. 4. Theophrastus, ut solet, concisa breuitate in duo summa genera contraxit. Dioscorides variis locis septem enumerauit. Bauhinus 21. agnouit. Plinius 29. Quæ omnia doctissime persequitur Dalecham-pius lib. 9. cap. 5. primi Tomi. Speciebus Arundi-num indita sunt nomina ex variis yerbis quibus de-dicantur, ut apud quosvis auctores legere licet. Dif-ferentias vero faciunt radix, calamus, panicula, fo-lia denique ipsa: quarum partium Natura nullam superuacuam esse voluit. Calamo, qui in Rheno nascitur, nihil est sagittis aptius; huic namque plu-rima inest medulla, pondusque volucre, contra fla-tus quoque peruicax libra: Syringias vtilissimus fistulis. Auleticus tibiis. Pomponius Mela refert in India vastos adeò esse Arundinum calamos, ut earum scissa internodia veluti nauitas binos & quæ-dam ternos etiam vehant. Solinus Arundinis radi-cem decoqui, exprimique humorem testatur ad melleam suavitatem. Saccharum vero in ipsis arundinibus salis modo coactum, dentibus fragile in India, atq; Arabia felice inueniri, testis est Dio-scorides. Plinius item affirmat, non amplius nucis auellanæ magnitudine reperiri. Ac proinde fa-cile elui potest quorumdam opinio qui saccha-rum priscis ignotum fuisse crediderunt. Inter quos Ioannes Manardus: quem sequitur Fuchsius in Paradoxis Medicinalibus: quorum rationes vni-co verbulo quiuis conuellere potest. Antiquorum enim saccharum tale erat, quale reperiebatur, aut mediis in Arundinum calamis, aut in rimis vi ca-
- Plinius cap.*
36. lib. 16.
- Cap. 104.*
lib. 2.
- Cap. 8.*
lib. 12.
- Lib. 2. epist.*
2.
- Lib. 1. c. 35.*

Ioris eductum, vnius Solis opificio excoctum; densatumque salis modo, nec amplius nuce auellana, integratum & tantum medicamentis aptum: Nunc verò naturalem defectum lasciuientis gulæ impetus artificio quodam expoliuit: itavt coctione secunda, tertiaque medullaris eiusmodi succus limpidior redditus, cogatur in panes turbinatos, quales apud Seplasiarios venales prostant. Atque ut obiter dicam, in eo grauiter errant, cùm aiunt in solis Arundinum foliis saccharum colligi: item cùm Arundinem cauam esse, nec medulla plenam affirmant: si quidem inter Arundines masculæ omnes solidæ sunt, seu medulla tenui, seu cartilagine dura plenæ, ex Theophrasto ἐσὶ δὲ ὁ μὴ ἀρρέως τεπεός. ὁ δὲ ἡγελεῖς κοῖλος, Lib. 4.
mascula solida est. fœmina inanis. Imò & ipse tales cap. 12.
Calamos Indicos vidi, quorum cutis extima variis velut literarum arabicarum figuris naturaliter sculpta erat, intus cartilagine adeò solida plenos, ut cùm eos acrius collideremus, scintillæ illicò excutentur, quæ graui ac sulphurato odore aërem inficerent. Sed & ipse Theophrastus sacchari mentionem fecit libello de melle conscripto, cuius tantum extat fragmètum. Triplicem enim mellis generationem affert: Primam à floribus & odoratis rebus. Secundam ab aëre, cùm liquidiusculus à sole cōcoctus cadit. Tertiam ab arundinibus. Per primam enim intelligit mel nostrum vulgare. Per secundam significat manna, quod est mel roscidum, & Αἴρεσμα apud Athenæum dicitur. Per tertiam saccharum. Sed hæc obiter: nunc de reliquis Arundinum par-

Iacobi Cornuti

54

tibus, hoc est de folio & panicula dicamus. Folium
storeis & regetibus texendis aptum est: Quibus
olim excipiebant oliuas, referente Columella: nunc
verò apud Septentrionales nonnullos sternendis
Casularum paumentis instar mattæ usurpatum:
apud alios iuncis & aquaticis graminibus permixtū
stramenti loco domibus tegulum præbet. Calami
Dioscor. odorati folium ob Λωδιανη commendatur. Adar-
chæ vocatæ Arundinis dentibus utile est. Denique
Plinius. Panicula scopas & verricula præstat, pro pluma
strata cauponarum replet: quæ limosiore callo in-
duruit contusa & interiecta nauium commissuris,
,, ferruminat textus, glutino tenacior rimisque ex-
plendis fidelior pice. Hoc vno infesta est Arundo,
quod eius paniculæ lanugo quam αἰθίλην Græci
vocant εὐπεσθσα Εἰς τὰς ἀκοὰς κέφωσιν ἐργάζεται, in-
quit Dioscor. cap. iiij. lib. primi. reliquis omnibus
suis partibus utilis.

ARVENDO INDICA VARIEGATA
sive *Laconica Theophrasti.*

CAPUT XXIII.

PRÆTER traditas ab auctoribus, qui ante nos
scripserunt Arundinis species, nouam hic ex
India allatam proponimus, quæ ob varietatem
taenti apud nos aestimatur, ut viius plantæ pretium
fuerit 12. aureorum. Huius radix vulgaris more na-

Canadensium Plant. Historia. 55
ARVNDO LACONICA THEOPHRASTI.



turâ viuax & geniculata, singulis annis calamos & folia vere nouat, quæ duo simul apud nos Hyeme intercidunt. Calamus hominis proceritatem implet, ac superat, vix nudus oculis patet. Folia enim quæ in suo exortu tubulo facto pediculi vicem præstant, complexu tenues per ambitum inducunt tunicas, atque ita subinde nascentia ab imo ad summum usque, calatum operiunt. Inter hæc folia quedam cubitum longitudine superant, latitudine vnciam alteram explent: (Notabis hic Plinium, qui Indicorum Harundinum folia dicit esse brevia: cùm huius nostræ, quæ ex Indiis Orientalibus petita est, sint amplissima: Nec minora Sacchariferæ, cuius folia binos cubitos æquant,) Incana sunt omnia, varie tamen colorantur excurrentibus lineis latis, quarum aliæ subflavæ sunt, aliæ virides, aliæ subruberæ: quamquam is rubor non omnibus foliis communis sit, sed tantum ad radicem natis. eius paniculam videre non licuit. Hanc Arundinem ex iis esse arbitror, quas Natura potius ad ornatum & oculorum gratiam, quam ad ullum alium usum esse voluit. Interim nemini dubium esse debet, quin hæc sit, quam Theophrastus lib. 4. cap. 12. Laconicam vocavit, aut saltem eius species. Theophrasti verba hæc sunt ἔχοι τὸ μεγάλας δέσμος ὡς τερψέλεχτη καὶ κατὰ φύλα, ἀπλήθη καὶ μεγάλη μένον ἀλλὰ τῇ χροῖ. ποικίλος γάρ ὁ λακωνικὸς καλλιμόρος, plurimum autem differunt folia non magnitudine & numero tantum, sed etiam colore sunt enim Laconicæ Arundinis vocatae variegata (intellige folia.) etiā si aliæ Arundines variegatae

gatæ in regno Bengala crescant quarum calami & folia pluribus punctis notentur, de quibus D. Palaudanus in suæ Histor. Orient. Part. 2. cap. 18. Sed ut nostra hæc arundo longè est illis ornatior, ita & præ cæteris Laconicæ nomen meretur potissimum cum tantum de differentia petita à foliis verba faciat Theophrastus, quæ sola nostra in Arundine vario colore pinguntur.

FVMARIA SILIQVOSA
semper virens.

CAPVT XXIV.

IN America Septentrionali duæ Fumariæ species nascuntur. Altera semper viret: altera autem elapsò vere dispareret, tametsi viua radix sub terra adolescat, & tecta terræ tempore propagetur, donec sequente anno repullulet. Quo sit ut prior, species esse videatur Fumariæ nostratis, cuius tam frequens est in medicina usus: posteriorem vero referamus potius ad eam Fumariæ speciem, quam herbarij Cauam radicem appellant.

Prior itaque quam siliquosam dicimus recta surgit, caule pedali, rotundo, glabro, tenui velut cinere asperlo, qui leuiore tactu facile defloratur. In folijs cæsius lœuor, & diuisura similis vulgari, amplitudo tamen est maior. Brumale tempus ea non metuunt. Cauliculi alatim pullulant. Floribus in

Huius fit
maria se-
cundam spe-
ciem requi-
re postea
folio 127

58

Jacobi Cornuti
FVMARIA SILIQVOSA SEMPER VIRENS.



apice spicantur, radici cauæ similibus, colore autem diuersis: horum enim canaliculus carneo, os autem patulum fuluo, atque aurco colore splendet. Floribus succedunt siliquæ, falculæ in modum contortæ, flauescentes, in quib[us] semina milij modo compressa, rotundiora tamen concluduntur. Radix fibrosa est, vulgarique densius capillata. Planta hæc acris simul & amaræ qualitatis est particeps: vnde vt ea, quæ est descripta à Dioscoride, efficacius etiam vrinam ciere potest: simulque biliosos humores deducere. Dentibus attrita, & ore contenta diutius, saliuam promouere consuevit. Succo caliginem discutit, itaque in medicamenta oculorum addi potest, vt vulgaris.

Fumaria latine, græcè ~~καπνός~~ dicitur, à fumo, inquit Plinius, delachrymationem enim facit, cœufūmus, si oculis eius succus instilletur.

*Cap. 13.
lib. 25.*

*A Q V I L E G I A P V M I L A
præcox Canadensis.*

CAPVT XXV.

MINIMA hæc Aquilegiae species, quod Infelicius crescit, Pumilionis: quod celerrimè, precocis nomen meretur: nam ante Maium mensim flos ferè elapsus est vniuersus. Folia habet Talietri pratensis figura & amplitudine paria, colore quadantenus similia, nam aliquanto pallidius

H ij



virent. Caules tenuissimi, rubentes, vix palmum
equant. Flosculi in singulis apicibus crescunt,
quinque corniculis cauis, non ut in nostrate adun-
cis, sed rigidis constantes: quæ cornicula à medio ad
conum usque punicei obscuri coloris sunt, infrà
autem, quâ parte hiant, croceo colore tinguntur.
Hæc inter cornicula quinque foliola punicei etiam
coloris medium tenent, quorum mucro deor-
sum vergit. Floris in medio stamina sunt alba quam
plurima; quæ luteis apicibus fastigiantur, simul
cum flore defluunt. Quæ in spinulam acuminan-
tur, in 4. aut 5. recurvas siliquas formantur, Del-
phinij similes, in quibus semina nigra & nitida.
Radices subsunt tenuissimis filamentis fibratæ. Cæ-
terum omnis Aquilegia veteribus ignota fuit, à re-
centioribus autem inter coronarias recensetur:
nuncque Aquilina, nunc Aquileia nominatur. Ma-
lim Aquilegiam appellare, cuius vocabuli ethymon
subtexere lubuit. Quod hæc planta, initio dum
crescit nondum explicatis folijs, & nubilo die con-
uolutis in se, per imbræ aquas colligat nec deflue-
re patiatur: pari vocabuli ratione, quâ qui aquas Lege Plin.
Cap. 6.
lib. 26.

alueum deducunt, *Aquileges* dicuntur.

A S T E R L V T E V S
alatus.

C A P V T XXVI.

V A M V I S procera sit, & valdè ramosa huius Asteris species, quæ ab America Septentrionali nuper allata est : vix tamen duo cubita excedunt caules eius rotundi, quos folia obscurè virentia longiuscula, sine pediculo vestiunt : pediculi namque loco, appendiculæ quædam alarum instar è marginibus foliorum deorsum flexæ, utrimque cauli proximè adhèrent, ibique desinunt unde folij alterius exordia sumuntur. Flores lutei Bellidi maiori similes in summo cauliculorum nascuntur, medio scilicet orbiculo luteo prominente, & folijs è circumferentia excuntibus, velut Astri radiis aureo colore fulgentibus (unde nomen.) Flos vetustate in pappos abit, qui, si digitis infries, Chamæmelinum quiddam redolent. Radice nititur fibrosa hic Aster, quem sapor, astrictionis potius quam alterius cuiusvis qualitatis participem esse testatur.

Canadensis Plant. Historia.
ASTER LVTEVS ALATVS.

63



ASTERISCVS LATIFOLIVS
Autumnalis.

C A P V T XXVII.

NOVA hæc Americana planta reliquas inter Asterisci differentias Autumno præmatu-
 rius floret. Radix huic crebris compacta filamen-
 tis; caules lignosi, rotundi subrubri bicubitales;
 folia in ambitu serrata, longis pediculis innixa
 (velut pyri) in eximiam latitudinem panduntur,
 quæ sensim in mucronem gracilescit: coloris qui-
 dem supràluteo-virentis, inferna autem parte ve-
 lut Cyclamini: caulum cacumini luxurians adeò
 florum insidet copia, ut quamplurimis contex-
 tum flosculis sertum potius, quam genuinum
 plantæ florem dixeris. singuli flores duplo minore
 stella fulgent, quam vulgaris Aster Atticus (ob
 eamque causam Asteriscum potius, quam Aste-
 rem appellauimus) medium cineracei coloris um-
 bonem habent, circa quem foliola veluti radij di-
 lutiissimè purpurascunt.

Sitne vero hæc planta ijsdem prædita viribus,
 quibus Aster Atticus Dioscoridis nondum com-
 pertum habui.

DE

Canadensium Plant. Historia. 65
ASTERISCUS LATIFOLIVS AUTVMNAL.



DE CENTAVRIO.

CAPVT XXVIII.

TAM varia sunt & intricata, quæ auctores melioris etiam notæ, de specie, & numero Centaurij scripserunt, ut non modo, ex Plinio, imperiti confundant hæc omnia, & vni generi assignent: sed etiam nostri sæculi doctiores, id non satis capientes, vel primas duas Græcorū species duntaxat admittere coacti sint: vel inter eos qui curiosius varietatem stirpium quotidiana exercitatione rimantur, plures eius species assignare. Plinius tres attulit. Prima est Centaurium maius Dioscoridis, quod ille Centauream nominat, siue Chironiam; quòd eâ curatus dicitur Chiron, cùm Herculis excepti hospitio pertractanti arma sagitta excidisset in pedem. Secundam, Centaurium appellat, minorem illam speciem vulgatissimam, fel terræ herbariorum, quam Libadion dici testatur, quod circa λιβάδας & rigua loca sponte nascitur; hocque Synonymum loco Limnæi, in Dioscoride reponendum censet Dalechampius. Tertia est Centauris, cognomine Trorches. Qui eam secat rarum est, ut non vulneret sese. Theophrastus defendi eam impugnarique colligentes tradidit à Trorche Accipitrum genere. Gesnerus lib. 3. de Buteone quem τειορχην Græci vocant, notat Plinium imperitiæ, dum aliorum insci-

*Ibid.**Centauriū
maiuss pri-
mum.**Centauriū
minus.**Cap 39.lib.
11.Dalech.**Centa-
ris.**Devolati.*

tiam arguit ; Apparet, inquit ipsum Theophrasti
verbis esse deceptum (Φυλακτεσθαι δὲ ἐπὶ τῷ κενταυρίδᾳ
τέμνονται, τειόρχων, ὅπας ἀτεκτός ἀπέλθῃ. Centaurida
quoque secantes Accipitrem Tritestigerum dictum cauere,
ut sine vulnera discendant:) quod Centauridi Triorchi-
dis cognomen dederit, cum hoc verbum ad Acci-
pitrem referatur : Fabulosam præterea historiam
credit de Buteonis certamine ; cum adeo vilis sit ac
timidus, ut à minutis avibus sæpenumerò pellatur ac
fugetur : cuius rei gratia apud Italos prouerbium
transiit in effeminatos & timidos, quos huius avis
nomine Poyanas vocant. Apud nos etiam Buzzard
quasi vne buze amentem significat : Et proindè vix
creditur adeo imbellē animal audere homines ag-
gredi, aut etiam rostro impetere.

Dalechampius ait Plinium ex suo ipsius iudicio,
tertiam hanc speciem excogitasse contra Græcorum
sententiam ; & Theophrastum de Centauride, non
ut tertia specie scripsisse, sed Centauridem, pro
Centaurio minore accepisse. Huic sententiæ Gaza
adstipulatur : Centauridem enim febrifugam vertit,
quod epitheton vni Centaurio minori ab omnibus
herbarijs, & Medicis tribuitur. Carolus Clusius in
sua rariorū Plantarum Historia, præter duas vul-
gares Centaurij species, Maioris alteram speciem
describit à se suprà Olyssipponem in lapidosis iuxta
Tagum collibus inuentam. Alterum Centaurij Ma-
gni genus, inquit, longa habet folia non in lacinias
diuisa ut primum, sed ^a Armoraciæ foliis non dissi-
milia, & ad Glatti foliorum humi expansorum simi-

Theop I. 9.
hist. cap. 9.

Centaurii
mainis Car.
clusij lib. 4.
cap. 5.

Armoracia
hic Plini
intelligenda

que est p^a-
 garis ægia
 Diose. siue
 Raphanus
 Rusticanus,
 non autem
 Dodonei,
 aut Taber-
 nom. que
 est Rapi-
 strum.

litudinem plurimū accendentia, per ambitum ser-
 rata, saturæ viriditatis, & amariuscui saporis:
 caule inter folia prodeunt cubitales aut ampliores,
 rotundi, circa summum bifidi aut trifidi, squamma-
 ta capita sustinentes, prioris Centaurij maioris æmu-
 la: florem villosum coloris albescens instar Primi;
 semen Cnico ferè simile, seu ut verius dicam, Pri-
 mi, summo hirsutum & molli lanugine inuolutum:
 radicem valdè crassam, duram, longam, denso cor-
 tice tectam, foris quidem nigro, internâ verò parte
 flauescente, succumque croceum resudante, qui
 cum amaritudine quadam aromaticus est.

Centauriū
 nothum
 Dalech.

Dalechampius vltra triplicem istam differentiam,
 quartam attulit, quam Centaurium Nothum ap-
 pella. In humidis Alpium vallibus prouenit, radi-
 ce crassa, nigra, lignosa, huc illuc sparsa, intus alba,
 gustu amaro, caulis multis, cubito altioribus, den-
 sa lanugine obsitis, angulosis: foliis Cannabis vtrime-
 que dissectis in vno pediculo villoso & fere cubitali
 multis, ordine collocatis, numero semper imparibus
 ut ferè 13. aut 15. singulis sint pediculis, quā pediculi
 florem sustinentes è caule prodeunt, ipsum caulem
 vtrimeque amplectentibus, & illic in longum & an-
 gustum diuisis, floris capitulo scabiosæ vulgari si-
 mili, hirsutis erectisque squammis, compacto flore
 luteo.

Hisce & duas species subtexam tum suo aspe-
 ctu, tum & ipsâ quoque singularitate elegantes.

CENTAVRIVM MAIVS
luteum.

C A P V T XXIX.

CENTAVRII maioris lutei radix crassa, longa, & altè depacta, simplex, nunc bifida in extremo, carne intus alba, foris cuto nigra & dura obtegitur: succo madet pallido, saporis acerbi: Caulis inde plurimi exurgunt cubitales, tenues, duri, teretes, & fibris intercurrentibus asperi, geniculati, sursum oblique acti; foliis longis in lacinias utrumque impares diuisis, inæqualibus inter se, ac dissimilibus vesiuntur, quæ in suo iuxta radicem exortu Anthyllidis leguminosæ folia quadantenus referunt non incisurâ modo, sed etiam colore glauco. (seu vt Diosc. ait viridi Brassicarum colore) differunt tamē tum magnitudine, tum quòd Anthyllidis foliola suo acumine in folij neruum desinant: quod quidem acumen obliquè expansum in nostro Centaurio velut ala neruum vestit, & in alterum usque foliolum declinat. Quò superiora folia, eō laciñiis pluribus dissecta, in ambitu nequaquam crenata insigni lœuore poliuntur. Caulium apicem exornant capita acuta: paulò inferius autem minima adnascuntur, cum folij appendicula: omnia ut in Cyano squamosâ agglutinatione compacta, à quibus per ardores lentus humor destillat. Iulio aut Augusto



mensibus Luteopallidum florem explicant Aphyllanthon, qui vetustate marcidus fuscescit, ac deorsum in subiectum caput reuoluitur; donec maturitate seminum reseratur, tuncque aperto calice plurimum semen fundit Cnico simile, ceu laneis flocis inuolutum, ut in Centaurio vero. Non mihi constare potuit vnde fuerit erutum hoc Centaurium, quod sine nomine, & sine vlla adscriptione patriæ, adiectum fuit ex Anglia anno superiore. Hæc herba sicut gustu contrarias qualitates sortitur, ita & usu præstat contrarios effectus. Gustu acida astringensque apparet, sub finem tamen leuiculâ acrimonia linguam pungit: ut ratione astrictoris & aciditatis adiunctæ, sanguinis unde cumque ruentis profluuum sistat: Rasa aut contusa radix & apposita, vulnera glutinat ut Centaurium verum. Sed & innocentius plures eius drachmæ sumi possunt, nec opus est febricitantibus ex aqua propinari: satiis enim in se frigiditatis succus possidet; vi cuius & viscerum intemperiem emendat & infarctu liberat, & bilem pituitâ velut visco inhærentem deturbat. Siccata autem, & Rhapontici in morem commansa nutritionum viscerum tonum seruat, restituit & vacuum excrementicijs humoribus ventriculum reddit.

CENTAVRIVM FOLIIS
Cynara.

CAPVT XXX.

*Plin. cap. 4.
lib. 2.* **C**ENTAVRIVM maius Panacis genus est,
quod ab inuentore nomen accepit: ac ferè
genus omne herbarum, quarum vis præcipua in ex-
pugnandis morbis haberetur, Panaces nominarunt.
Panaces enim ipso nomine morborum omnium re-
media promittit: Quamuis & huius genera cibis
sæpius quam morbis addicta reperiuntur: qualia in-
ter olera nostri non pauca numerauerem, nosque
proximè sequenti capite ab orbe nouo delatum
vnum eiusmodi referemus.

Mons Pyrenæus eique confines colliculi quibus
medicinalium herbarum plurima seges est, inaudito
haec tenus Centaurij genere gloriantur. Hoc bra-
chiali radicis atræ crassitudine in altum descendit,
foliis ampla magnitudine laciniös: diuisurâ Cyna-
ræ folia referentibus, colore suprà viridibus, infrâ
candidis; tenuis quippè lanugo hac parte nascitur
adeo lœuis & polita, ut coloratam potius quam to-
mento obductam putas. Naturæ lusus detegitur
cum rupti folij portio vtraque à se diuellitur. Bicu-
bitalis caulis, angulosus, lanuginosus, foliis vndi-
que luxurians in plures alas diuiditur; fert in cacu-
mine capitula calathi effigie, squammulis aculeatis
imbricatim

Canadensium Plant. Historia. 73
CENTAVRIVM FOLIIS CYNARÆ.



imbricatim aggestis hispida, quæ exiguæ Cynaræ magnitudinem implent: color fuluus: dum dehiscent singula, florem Aphyllanthum purpureo quodam glomeratum corymbo expandunt (quod vix ante Augustum apud nos euenire solet.) Excusso flore capitula clauduntur, inest iis semen copiosum Cnico simile: paucis inde diebus maturitate paulatim dehiscentia, inclusa lanugine semina ostendunt. Sapor austerus, & subamarus bilem subducit intestinis morantem, summoque habetur contra Rheumatismos præsidio.

*PANACES Kapptuer. SIVE RACEMOSA
Canadensis.*

CAPVT XXXI.

NASCITVR & in America Panacis genus cuius elegans est, & à nullo hactenus tradita facies. Vbiique prouenit, solo macro, pingui, limoso; etiam inter difficultates saxeas. Radix pollicari crassitudine deorsum fertur, effossam vidi pedem longam, ac ne sic quidem solidam, sed abruptam. Caulis rotundis geniculis articulosus, ramosus, obscurè purpurascens, medullosa cartilagine repletur: Folia ab eodem pediculo plura ex rotundo in acumen gracilescunt, ambitu serrato. Ex geniculis prodeunt pediculi caulem sinu amplexantes, cuius in sinu cavitate oculus delitescit, subsequentis vix

Canadensium Plant. Historia. 75
PANACES KAPITULSIVE RACEM. CANAD.



rudimentum; sicque ramuli & caulis per genicula mediâ æstate nō floribus modo, sed & grauidis bac-
cis racematis contextis onerantur. Flos viti æmulus primùm herbaceus est, postea paulò magis candi-
cat: hunc vua excipit, acinis per initia virentibus,
deinde saturè rubentibus; quibus suauitas inest gu-
stu acceptissima, intus pleniori semine turgent.

Sapor foliis & radici Panaci similis, vuae gratiор.
De viribus nihil peculiare accepi: oleraceam esse, &
cibis aptam testamur. Singulis annis caulem & fo-
lia deponit, sequenti anno noua promit.

*ACONITVM BACCIS NIVEIS
& rubris.*

CAP V T XXXII.

OPACIS & siluestribus locis in eadem Ameri-
cæ parte frequentissimum est geminum Aco-
niti racemosi genus. Vtrumque apud nos verno
tempore in pedalem caulem prosilit. Radix ni-
grior nec imum petit, nec ad latera spargitur; sed
coacta in se adnascentibus vndique fibris capilla-
tur. Caulis purpurascit, pullique pariter qui multi
ab radicibus germinant. Folia ni minora essent
Vitium aut Ribes poterant videri, paulò rugosiora
tamen ac in viridi colore sunt obscuriora. Cau-
lium cacumina Maio mense in vuam se spargunt,
mille apicibus verius quam flosculis compositam

Canadensis Plant. Historia. 77
ACONITVM BACCIS NIVEIS ET RVBRIS.



(quamquam si seorsim flosculum vngue molliter
præcidas nec violes, sex alba foliola apicibus sub-
strata agnosces, ut tabula fideliter exprimit.) Inna-
scitur singulorum vmbilico turbinata quædam pi-
lula, quæ postquā pleniore incremento conualuit
orbicularis est figurę. Punctum purpureū istius bac-
cæ extremum signat, similisq; coloris longior subest
pediculus. Nondum hactenus de viribus huiusc
plantæ constat, sitne in ea velut in nostrate quid-
piam deleterium: an verò malignitatem omnem
niueus ille, faustusque ut videtur baccarum color
abesse testetur. Quidquid sit, Aconitum eam po-
tius à similitudine, quam à viribus nominaimus.
Baccæ plerumque variant: vidimus enim etiam ru-
bellas, quarum pariter usum exploratum nullum
habemus.

GLADIOLV S ÆTHIOPICVS
flore coccineo.

C A P V T XXXIII.

EGREGIA hæc Gladioli species à Promonto-
rio bonæ speci delata nunc primùm floruit Lu-
tetiae Parisiorum, in celeberrimo generosi viri, & no-
uarum stirpium apprimè studiosi Petri Morini
horto, anno Domini 1633. mense Octobri desinen-
te. Bulbum habet unicum (non duplicati ordi-
nis ut vulgaris) cumque longe habitioris & adul-

Canadensis Plant. Historia. 79
GLADIOLVS ÆTHIOP FLOR. COCCINEO.



tioris amplitudinis, planum tamen, ac ut nux vomica depresso; eius caro intima fæcis vini colorem refert, & gustanti acerrimè linguam pungit. Bulbus hic multis tunicis obducitur, singulæ nerueis filamentis ductis in sese & in plexum velut retiformem textis fimbriantur. Aliæ alijs insident, ut in Croco Mysiaco vsu venit. Folia sunt Iridi nostrati magnitudine & figurâ similia, longitudine inter se dispera, qualia in Gladiolo vulgari. Thrysus inter folia medius erumpit, nunc unus, nunc ramosus (ut vidi) teres, fragilis, glaber, enodis atque ex nigro leuiter purpurascens. Huius suprema pars in coccineam velut spicam fastigiatur: adeò bellè florum germina utroqueversus disponuntur, ut in hordeo ~~διστύχω~~ videmus: prius autem quām singula hæc aperriantur, alia post alia longius excrescunt, tuncque corniculorum modo leniter incuruantur; ac tubulum sinuatum formant lutei coloris, pediculus tamen quo tubus cauli adnectitur ruber est, nec nisi proprius intuenti apparent, cum gemino foliolo atrovirente hinc inde tegatur. Dum tubi huius extreum hiat in sex lacinias diuisum, totidem quoque folia format, quorum tria longiora sunt & obtusa, coccineoque colore rutilant, reliqua tria brevia admodum & acuta: extra puniceo colore tinguntur, intus croceo nonnullis lineis coccineis striato splendent. Eo itaque disposita sunt ordine: supremum amplissimum est; subiectum utrimque, minimum; quæ deinceps posita, magna; infimum autem valde exiguum: uno verbo, breviora longioribus

gioribus interseruntur. A cauo huius floris quatuor stamina fluunt, quæ per supremi folij sinum deducuntur inæquali longitudine: inferiora duo humiliora sunt, tertium elatius est, singula purpureis apicibus ornantur, fissis parte supinâ, pronâ verò duplice linea ex puluere luteo confecta distinctis. Quartum stamen sine apice est, & linguæ serpentis modo trifidum apparet.

Præter vires insignes quibus ab antiquioribus herbariis commendatur Gladiolus vulgaris, obseruauit Lobelius in suis aduersarijs, eundem ad tumores strumosos & scrophulas tantæ esse opis, ut nulla planta huic comparanda videatur, recentiorum certissimis periculis factis. Ego vero Æthiopici nostri Gladioli radicem in hoc effectu tanto vulgari præstantiorem arbitror, quanto vis eius acrior, quæ gustu percipitur, vulgaris Gladioli calidum, à quo præcipue fluit mixtorum actio, superare videtur.





RHAMNVS MIRTIFOLIVS
ex Insula Sancti Christophori.

CAPVT XXXIII.

NO STRI inclemencia cœli effecit, ut integrum & perfectum eximum hoc Rhamni genus videre non potuerimus. vix enim cubiti proceritatem impleuerat, cum hyemis asperitas ipsi incrementi simul & vitæ terminum præcidit: Accipimus tamen in amplum fruticem extolli. Quantum autem obseruare potuimus, arbori stipes est rotundus, cortex viridis & nitidus, folia iuglandis modo diuisa, disposita per versus, ex aduersobina semper, in ambitu non ferrata, sed myrti latifoliæ æmula: nunc octo, nunc decem simul, atque etiam plura in eodem neruo petiolis adhærent, prot minorem aut maiorem arbor proceritatem habet. Spina una aut altera, mollis, & infirmior, caudicis & ramorum leuia tubercula, ex quibus folia erumpunt, vtrâque parte stipat.



CARCHICHEC TVRCARVM SIVE
primula veris Constantinopolitana.

C A P V T XXXV.

IN hortis nostris insigni feracitate atque copiâ pullulat Primulæ veris ornatissima species, quæ folijs ab vulgari non nisi mollitie distinguitur. foliorum medium discriminant costæ albæ, infima parte latiores ac leui rubore aspersæ: margines, ut in lactucâ Romanâ, modice crenantur, numerosè ac confertim in orbem crescunt ex crassâ & fibrosâ radice subalbidâ: hanc solent herbarij ob plantæ raritatem multifariam dissecare, ut præter semen hac etiam ratione propagetur. Inter folia pediculi multi vix ultra digitum longitudinis efferuntur, calices sustinent subuirides, tot sinibus striatos quo postmodum folia in flore succedere debent: non plura quinque illa esse consueverunt, singula cordis effigiem representant & dilutâ purpurâ colorantur, nisi quâ vnguiculus est: colorem enim hac parte variat, in radium aureum croco adumbratum efformatus. Diceres medium floris umbilicum stellam esse, adeò radiis quinque fulgentissimis internitet. Pistillum edit medio stellæ concolor. Calida est, & sicca, gustuque non mediocriter astringere percipitur. vñsu efficaci pollet ad medendum melancholicis & pituitosis affectibus: cohibendo alui profluui

L iij

magnopere confert: ventriculum atque adeò vniuersa intestina soluta roborat. Integro propè anno floribus ornatur. Hos statim atque vetustas decussit, sequuntur semina alba Papaueris albifacie, quæ leui capsula inclusa maturescunt. Multa inde soboles iuxta deciso semine germinat. Apud Turcas audio nominari *Car chichec* quasi quis niualem florem nuncuparet. argumentum nominis floris viuacitas dedit. Media quippè hymene supra niues etiam caput excrere solet.

DE APOCYN. O.

CAP VT XXXVI.

*Cap. 5.
lib. 32.*

QVAMVIS *ἀποκυνον* nomen sit compositionis cuiuslibet ad canum internectionem factæ, ut testatur Hesychius *μάλα μεμαλένη φαρμακών* *αἴσηπετον κυνῶν*. Imò & Plinius Rubetarum sinistri lateris ossiculum, de quo mira certatim tradunt auctores, Apocynon vocari dicat, quod eo in potionem addito canum impetus cohibeatur: Verum tamen frutex nascitur canum generi ita aduersus, ut epotus, aut præmansus citissimam mortem inferrat, eorum coxendices resoluendo; Hic vero est, qui apud Antiquos auctores Apocyni nomen meruit. Quod testatur Dioscorid. Apocyni folia, inquit cum adipe *ἀποπινθετα* canes, lupos & pantheras enccant. *αὐχεῖνα ἢ αὐχελύς αὐτῶν* *ταὶ ιγία,*

ob id eum magi paralyсин vocauere. Plinius, non
canes modo; sed & omnes quadrupedes necat Apo-
cynum in cibo datum. Galenus non modo qua-
drupedibus, sed hominibus etiam venenum esse af-
firmat: ob id quamplurima ipsi veteres Synonyma
aptauerunt, quæ Iacobus Goupylus inter notha
Dioscoridis recensuit: alij enim Cynomoron, alij
cynocramben, cynanchen, pardalianches, cyno-
etonon, phaleon, oligoron, onistin, ophioscoro-
don, cynaricam, claphoscorodon, Romani Brassi-
cam rusticam appellant. Ruellius ab aliquibus etiam
Hippomanes vocari dicit, quamquam apud He-
siodium herba sit quam edentes equi aguntur in fu-
rorem.

Apocynum Dioscorides fruticem esse dicit
longis viticulis, graueolentibus, obsequiosis, fra-
ctu inuictis, folio hederæ, molliore tamen & acu-
tiore, melinoque succo turgentem. Huius sili-
quæ folliculosæ digitæ longitudine protenduntur
semine intus albo, duro, paruo. Matthiolus à Sy-
ris Apocynon Periploca vocari scripsit, cuius duas
species à Syria delatas refert: quarum altera lon-
giori folio, & siliqua, succoque turgida Tithy-
malli more lacteo, quantumuis proceras arbores
scandit: Altera omnibus notis Apocynon Dio-
scoridis refert. Et huius tantummodo figuram
profert, alterius Camerarius. Clusius quatuor attu-
lit, quarum duæ primæ à Matthiolo descriptæ,
tertia à Dodonæo primo loco posita, quam anony-
mon vocat: longis, tenuibus ramulis iuxta posita ad-

*Cap. 81.
lib. 4.*

*6. simpl.
Med.*

*Id est sub-
luteo qualis
color in ma-
lis cotonæis
cernitur,
quæ pro-
priè μῆλα
græcis di-
cuntur.*

*Hist plant.
lib. 1. c. 89.*

minicula smilacis modo ambientibus, folijs hederae, graueolentibus, floribus albidis in umbellam congestis; siliquis ut vincetoxici; semine plano & lanugine alba propendente. Quarta maritima est, quam ipse obseruauit in Narbonensis Galliae maritimis, farmentosis ramulis, & folijs magis orbiculatis, in mucronem tamen desinentibus, cineracei coloris. Tota planta lacteo succo pregnat, & vicinarum stipium cauliculis sese implicat. Fabius Columna Asclepiadem flore nigro Apocynorum classi annumerat.

*Lib. 5.
cap. 4.*

Clusius præterea ad Apocynum referendam censet quandam plantam Syriacam aut Ægyptiacam, que circa Hiericuntem ad flumen Iordanem crescit in duo cubita, crasso stolone, qui succo ex candido pallescente plurimo abundat, folijs alternatim binis semper, pallide-virentibus, grauis odoris: ex quorum aliis petioli emergunt, flores aliquot sustinentes, unico folio quinque incisuris diuiso constantes, obsolete purpurascentes: quibus succedunt siliquæ incurvæ, sub summa cute imbricatim disposita grana plana continentes, quarum extremæ parti villofa & candida materia inhæret. hanc vero plantam Heidsar ab incolis vocari Weixius testatur. Credit Clusius esse Beidelsar Prosperi Alpini libro de Plantis Ægypti edito, quamvis allata descriptio nullatenus ipsi quadret. Beidelsar enim, ut ait Prosper Alpinus, fruticosa herba est multis stolonibus ab radice rectis, folijs latis, oblongis, rotundis, ut Aloës folia crassis, quibus dissectis lac candidum qui-

Cap. 25.

dem

dem emanat, sed flores fert croceos, Ranunculi floribus proximos: à quibus loco fructuum duo testes inuicem alligati pendent, in quibus alba lanugo & semina parua, Lactucæ æmula. Beidelsar itaque ab Apocyno Syriaco toto cœlo differre nemo non videt. Honorius Bellus epistola 4. ad Clusium hanc fruticosam herbam apud Ægyptios Ossar vocari dicit; eius autem fructum Beid el ossar hoc est corum lingua ouum ex ossar, à figura videlicet oui, aut testiculi, cordis, aut mali, quā eius fructus apprime refert. Abembitar medicus Arabs & Malahysach Medicus Persa in sua Simplicium Hist. quam ex Abembitare in epitomen contraxit, huius Apocyni meminerunt, à quibus nullatenus dissidet Prosperi Alpini descriptio: adduntque tanta acrimonìa succum eiusmodi lacteum pollere, ut eo veluti psilothro vtantur habitatores Mechæ ad coria depilanda.

Duplicem hic profero Apocyni differentiam: maius & minus. Maius ut opinor idem est, cum eo quod postremum descripsit Clusius sub nomine Apocyni Syriaci. Sed cùm eius descriptio manca sit & multila (nihil enim de radice, de perennitate: de floribus Lib. 5.
cap. 4.) minus scitè, ut & de succo: proindè etiam vir & doctissimus, & alias oculatissimus, hic vltò fatetur se eius plantæ non nisi siccæ, atque aridæ portiunculam vidisse) Suppondij loco hic addam, quæ in eius descriptione desiderari videntur.

90

Iacobi Cornuti
APOCYNUM MAIUS SYRIAC. RECTVM.



APOCYNVM MAIVS
Syriacum rectum.

CAPVT XXXVII.

APOCYNVM hoc radice constat alba, pollicem crassa, fibris paucis vestit, aquæ longo radicis reptatu hortis non mediocriter infensa est. Hyemem superat humo sepulta viuens. Sub finem Maij stolones aliquot fundit rotundos, lentoſ & frāctu contumaces: folia fert vtrinque opposita, bina ſemper, lata tres vncias, ſex longa: inter quæ ſummo caulis fastigio pediculi crassi emergunt ſinguli (non bifidi) eximiam florū umbellam fuentes, nunc ſo. nunc 60. eodem aceruo cumulantur: ſinguli flores tenui longoque petiolo in crassum deſinunt, & priuſquam dehifcār, in caput exiguum conglobantur: mox in 10. folia ſinduntur, quorum quinque deorsum, & quinque ſursum flectuntur. Superiora ſunt inferioribus pinguiora, & exigua cavitate ſuſidunt: omnia coloris obſolete purpurafcentis, odo- riſque ſunt ſuauiffimi. Succo tota planta turget laetico, viſcido. Flos etiam lentore quodam extrinfe- cus obducitur, quo fit ut pedibus implicatæ muſcæ hæreant, quæ & odoris & ſaporis gratia allectæ frequentes aduolant. Ex numeroſa florū compa- ge vix vna aut altera ſiliqua ſuccreſcit, quæ lon- gitudine digitum implet, continetque membranæ

M ij

inuolucro semina lata & deppressa , instar coronæ
Imperialis, quibus ad germen promissa lanugo se-
ricea adnascitur. floret Iulio: Octobri marcescit. In
tres cubitos attollitur.

APOCYNON MINVS
rectum Canadense.

CAPVT XXXVIII.

LONGE aliter se habet Apocynum minus: ne-
que enim sub terra repit ut Syriacum , sed per
summam humum multis radicum fibramentis apri-
catur. Maio reuirescit: foliis angustis, digitum lon-
gis & acutis, per teretem & atropurpureum caulem
geminatim præcedentis more dispositis ; altitudine
vix cubitum æquat caulis, qui in summo floribus or-
naturn multis, vmbellæ forma: hi similis quidem cum
Apocyno Syriaco figuræ, sed saturatiore purpura
nitent: Cùm defloriut caulis, in duos cauliculos di-
ducitur, qui elatiores facti alteram in fastigio florum
vmbellam proferunt. Lentor quoq; pariter florem
obtregit, & à muscis tuetur, quæ si temerè aduolent
visco implicatis pediculis tenacius adhærescunt, &
frustra alarum nisuvitæ consulere tentant: Sub Au-
tumnūm è floribus nascitur folliculus unus aut al-
ter, membraneus, Asclepiadis instar, in quo semina
deppressa , & lata concluduntur: à quorum acutiori
parte papposa lanugo dependet: Planta hæc lacteo

Canadensium Plant. Historia. 93
APOCYN. MINVS RECTVM CANADENSE.



succo deleterio turget, quem credibile est, canes ut & cæteras animantes interimere: Tametsi per plantæ raritatem eius rei periculum nobis facere non licuerit. Defertur ex Noua Francia.

RANVNCVLVS LATIFOLIVS
multiplex serotinus.

C A P V T XXXIX.

VIx ante ultimos mensis Octobris dies Rannunculi huius quicquam apparere solet; Sed tum temporis quinque aut sex folia leniter hirsuta, conuoluta in se se erumpunt. Hęc dum explicantur, latæ Plantaginis folia forma & amplitudine aliquo modo referunt, sunt tamen in ambitu obtusè crenata, neruisque respersa quamplurimis, quæ non recta, ut in Plantagine, sed transuersim sæpius inter se coëunt, quod est auersa foliorum parte conspectius. Foliorum pediculi lati, oblongi, albidi, sinuati; vna cum folijs dum crescunt, in orbem humi procumbunt: Inter ea caulinuli plures paulatim in palmam attolluntur, quorum singuli singulos in apice globulos virides sustinent, qui dum expanduntur, aureo splendore fuluos flores exhibent, Bellidi aut potius Hepaticæ flore pleno figura similes: multis enim foliolis acutis constant, quorum sex quæ primo ordine locantur, longè latiora sunt; quæ verò deinceps, angusta & coactæ breuitatis: me-

Canadensium Plant. Historia. 95
RANUNCULVS LATIFOLIVS MVLTIP. SE.



dium huius floris vmbilicum occupat globus alter viridis, qui marcido priore elatior factus in alterum florem priori congenerem efformatur; quod est maximè Ranunculi speciebus familiare, quamquam id aliis, sed rarius vsu venit: vt armeriis & rosis. Hoc Theophrastus ~~σερῆς~~ vocat. Non Bellidem, sed Ranunculum esse testatur sapor adurens. Radix grumosa est, vt Chelidonij minoris, aut Ranunculi Illyrici.

Alterius huius Ranunculi differentiæ, qui est flore simplici, Lobelius mentionem fecit, eumq; à natali solo Ranunculum Lusitanicum nominauit.

*EDERA TRIFOLIA
Canadensis.*

C A P V T X L.

VÆ sequuntur Ederæ species, non vt vulgares ab auctoribus descriptæ sempiterna fronde sunt; sed inter φυλοβόλα recenseri debent. singulis enim annis accedente hyeme folia deponunt, & vere noua progignunt. Ederæ autem cuius Iconem exhibemus folia Phaseoli modo tripartita, ferè palmari pediculo sustinentur: qui succo turget laetè dum rumpitur, verùm paulò post ita nigrescente, vt atramentum videatur. cuius rei gratia à plerisque habetur præcipuus tingendo capillitio, confectisque ad id tincturis insertus, nuper ad miraculum usque id prestitus.

Ex

Canadensis Plant. Historia. 97
EDERA TRIFOLIA CANADENSIS.



Ex tenui & pallido flore, luteopallidos corymboſ profert ſparſiore racemo, in quo pulpa nulla eſt, aut ſaltem adeò ſicca vix ut compareat; ſed in eius aciniſ præter ſemen rotundum, duriſſimum, cineracei coloriſ, membrana tectum arida & corrugata nihil contineri viſum eſt. Floret Iulio mense: ſemina matureſcunt Septembri. Lignum obtinet ederaceum (longè tamen mollius ac medulloſius) quod mira varietate laſciuit: nunc enim riget & ſine adminiculo ſtat: nunc ortis ab radice ſtolonibus per ſummam tellurem errat, ac ſi proximo pariete conſeratur, tenaces in rimas eius deducit fibras, ramulosque mittit, qui helicis modo radiantur.

De huius plantæ nouæ proprietate nominis diu ad dubitarunt nostri, vitem Canadéſem appellantes, forte quod eius folium, pro more vitis, vindeſia- tum tempore, priuſquā decidat rubescit, ut eminus intuenti genuina vitis appareat; ſed cominus nihil tale conſpicitur: nec enim corticem viti ſimilem habet, nec folia ſimiliter laciniata; quin & eius plantæ ſapor & odor adeò languidus eſt, ut propè nullus eſſe dici poſſit: accedit demū in eiusmodi aciniſ vuidum nihil eſſe, quod in liquorem exprimatur, quo fit ut eiusmodi plantam arbitrer potiū ad ederam quam ad vitem eſſe referendam. Dicitur itaque nobis Edera à radicoſo reptatu, trifolia à folij diuifura, Canadensis à patrio ſolo.

EDERA QVINQUEFOLIA
Canadensis.

C A P V T X L I .

EDERA quinquefolia non enodi fruticat trunco : sed lignum habet sarmentosum, geniculis articulatum , vitis more médullosum. Cute verius quam cortice obducitur, lævi similiq[ue] nouellæ vitis palmiti. Cum teritur inter se , tardè friatur. Amplitudo fruticis tanta , quantus paries aut arbor quibus velut adminiculis sustinetur. Pediculi longiores ex alternis geniculis inæquali situ prodeunt, rubri : quibus folia quinque , singula per singulos petiolos inseruntur. Adnascuntur hinc inde ex alterâ foliorum parte clauiculi , qui in plures fibras crispas sparguntur , quarum extremitates limosiore callo teguntur : his velut manibus proxima quæque comprehendit , & parietum asperitatis illaqueat sese , quos tam iucundo spectaculo obuestit , vt ad topiarium opus nihil commodius natura produxisse videatur. Nec enim ruinosa est ædificiis , vt nostras Edera , quam eam ob causam à dominibus procul arcent , qui earum diuturnitati consulunt.

Sapor huic acidus & parùm acerbus. Nec florem , nec baccas vidi. Folia , vt præcedentis , Hiemem non sustinent.

N ij

100

Iacobi Cornuti
EDERA QVINQUEFOLIA CANADENSIS.



¶ Usus huic Ederæ non aliis, ut opinor, quām ad topiarium opus. Cūm enim plantigera sit imis partibus, & malleolis facillimè pangatur, circa Autumnum nostri vniuersos auellere solent: tūm iuxta parietes raris interuallis scrobes effodiunt bipedalis altitudinis, in quos sub finem Octobris auulos malleolos deprimunt, & terra obruunt, leuiterque proculcant: nec enim tempore adeò desiderat. Inter singulos scrobes quinque pedes, minimum quatuor relinquunt, ut cūm creuerint spatium habent, quo ramos & brachia extendant. Hæc enim planta citò conualefecit, & quadrima aut quinquenaria ad summos parietes adolescit. Initio autem dum nouella germina prorepunt, insuesci debent ut parietem inscendant: adultiora videlicet ferreis vincis, quibus ob id paries crebris munitus esse deberet, fulciuntur: humiliora verò, etiam funiculis comprehensa, in vncos versus parietem inclinantur. Sicque hortorum claustra, apud nos intra tres aut quatuor annos herbida & præcoci viriditate pinguntur: nullâ aliâ quām Naturæ industria: neque enim ut vulgaris Edera deputatur, nec ut Arbusta contetur.

N. iii

GELSEMINVM EDERACEVM
Indicum.

C A P V T X L I I .

FRVTEX est cui quandiu pedamenta suppetunt, quibus applicetur, tamdiu semper in altitudinem crescit, iuxtaque consitis arboribus, velut Edera consuevit, radicoso brachiorum amplexu maritat sese. Viuaci & lignoso est stipite: folijs quotannis deciduis: floribus Digitali similibus, quæ omnia sigillatim persequimur. Lignum habet rarum, sarmentosum, medullosum, colore pallidum: Corticem asperum, subnigrum, multiplicem, ut qui extima parte rimis hiulcus in plures fibras radicis speciem gerentes vindicetur. Huiuscmodi corticem *πλευραῖς* Theophrastus vocat, vitique potissimum tribuit. Rami vndiquaque luxuriant Sambuci more medulla pleni, tenues, herbacei, geniculati, folia vtrinque aduersa ad latera geniculorum oriuntur, Sorbi instar aut Mollis Clusij more diuisa, similtérque serrata. Sapiunt hæc folia gstantibus genuinos fungos initio, sub finem fine morsu leuiter siccant. Septembri mense in apicibus ramorum corymbus densior appetit, puniceis quibusdam velut racemis in orbem circumactis; ut certè Græcorum Erythranum ederæ genus diceres, si corymbus ille ex acinis seminum conflaretur: ve-

Canadensis Plant. Historia. 103
GEI SEMINUM EDERACEVM INDICVM.



rum globuli illi florū tantum gemmæ sunt, & momento rotunditatem seruant, sensim enim dum crescunt in calathos oblongos coloris punicei dilutioris extenduntur, formamque capiunt, quam digitalis recentiorum, quæ id nominis assecuta est, quod huius herbæ flores ærei tubuli quo mulieres in suendo digitum muniunt speciem referre quodammodo videantur. Tale est penitus nostrum Gelseminum, Ederaceum appellatum à nobis, quod ut omni Ederæ radicosa brachia, & huic Gelsemino ad singula internodia nascatur asperitas quædam innumeris villis composita, qua proximo parieti aut adminiculo, aut propè consitis arboribus adnectitur & tenacissime adhæret, radix per humum summam repit, nec semine tantum seritur; sed & auulis ramulis, namque totidem initia radicum habere videtur, quot internodia in quibus asperitates fibrosæ, ut diximus, si humo mandentur radicem aliquando formant. Nouellum eiusmodi fætum iuxta parietes nostri conserunt. Iubentque asserem interponi, aut perticam: ut sit quo velut adminiculo, priusquam corroboretur molliter acquiescat.

DE GERANIO TRISTI.

Et per occasionem eius, plantarum in diurnas & nocturnas diuisio.

CAPUT XLIII.

VT in cæteris rebus omnibus, ita & maximè in plantis non discordiæ modo, & cōcordiæ miracula, sed & incredibilis omnino uarietatis velut prodigiosa facies occurrit. Sua quoque singulis præfinita sunt dominationis tempora: nonnullis Verna, ut Paronychiis: nonnullis Aëstiua, ut Elloboro albo: alijs Hiemalia, ut Aconito tuberoso Hiemali dicto: alijs denique Autumnalia, ut Gentianellæ, Colchico. Aliquæ nouum quot-men-sibus florem fundunt, ut Caltha ob id Kalendula appellata. Aliæ pro vita annum exigunt, ut satiuæ plurimæ, Hortenses & coronariæ. Multæ denique viuacitatem suam in plures annos prorogant. Sed omnibus hoc commune est, quod aliquam vel diurno, vel nocturno tempore subeant mutationem, quæ earum indoli solet ab astrorum virtutibus imprimi. Quo argumento generatim plantas diuidere non fuerit absurdum, in diurnas & nocturnas; prout earum flores manifestiorem alterutrius syderis sensum habere videntur. Diurnas inquam in matutinas quæ Oriente sole (qualem arborem descripsit Plinius, quæ florem noctu Cap. 12. lib. 12.

O

comprimit, eumque aperit Solis exortu.) In meridianas quæ medio, (velut Alcæa veneta solisequa, cuius flos sub xi. Matutinam aperitur, meridie statim clauditur.) In vespertinas quæ declinante aut pene occidente Sole florèt Luna aut vitam aut saltem vigorem pulchritudinis denegante. Nocturnas verò plantas dici par est, quæ aut medijs in tenebris lucent, aut suauius olent, aliudue quid suæ virtutis magis produnt, quod diurno tempore, illucentéque Solis iubare penitus obliteſcebat. Et certè qui herbariorum codices vel momento euoluerunt, quam plurima offendunt plantarum genera quæ ad hasce duas classes referuntur. Sed ut ista paulò diligenterius enucleemus, Diurnæ primùm dici debent, quotquot ad Solem se dirigunt, siue serenus, siue nubilus sit dies: conuertuntur autem dupli ratione: folijs videlicet, ut Heliotropium vtrumque; Et floribus, ut Cistus helianthos, Chalta, Chondrila, Cichorium, & Hieracium, maximèque Indicum (de quo citra figuram in calce huius operis.) Diurnis præterea adnumerantur, quibus florum vita est vnius diei. Sic Lilia sphodelus puniceus florem ab ortu Solis aperit, ad occasum usque: quo tempore flos, cum dici lumine simul & occidit. Phalangij Virginiani pariter vita floris vnius dici spatio clauditur: Eiusmodi flores capropter græco vocabulo ημεραιδæs vocare possumus. Nonnullis denique planis folia interdiu latissimè expansa Solis excipiunt calorem aperto velut sinu: huius verò syderis absentia occluduntur; siue adducta in se & contra-

Etā, sicut Phascolorum, Lagopodis vtriusque, Cytisi, Trifolijs bituminosi: siue etiam à mediâ costâ singula inuicem plicata, vt Glycyrrhizæ veræ, & silvestris quæ Glaux nominatur: quod ferè commune est cæteris quibus folia simili ordine digeruntur, etiamque arboribus, qualis est Acacia Ægyptia Prosperi Alpini, & Acacia Americana nostra de qua postea:

Contraria ratione plantæ illæ nocturnæ vocabuntur, quæ aut folijs, aut flore Lunæ sequuntur astrum. Præterea quæ folijs, aut semine, aut siliquis Lunæ figuram exprimunt; folijs quidem ut Lunaria Magorum Arabum, & lunaria racemosa; semine verò, ut viola Bolbonac Dodonæi; siliquis denique aut conceptaculis, ut hæc eadem, & ferro cauallo recentiorum: quas ob id lunarias dixerunt. Sed inter reliquas quibus nocturnatum nomen conceditur, illud sibi maxime arrogant, quarum flos intempestâ solum nocte aughiat, aut lucet, aut olet: Sole auferente hæc omnia. De nocte tantum florēt Smilax lēuis, Mirabilis Peruviana recentiorum, Convolvulus purpureus & maxime Convolvulus Afureus, ex argomento flos noctis dictus herbariis. Harum plantarum flos Solaris est adeò lucis impatiens, vt diluculo statim claudatur. Inter noctiluca non insecta modo recensentur, vt vermiculi terrestres. Scarabæi lampyrides dieti, aut partes animantium, vt oculus Cati, squammæ piscium: sed & plantæ huius generis sunt non paucæ. Et vt quodvis lignum putre raceam, Plinijque Nyctegretum quod ignis modo lucet noctu: vni Lychnidi inhæ-

*Plinii
cap. 28.
21.*

rebo, quæ inde nomen traxit quod sit instar lucernæ: tantum enim splendoris habet, ut iter de nocte dirigere possit, illaque potissimum quam rubello vocant flore: quæ silvestris sit licet, inserta coronis tamen blanditur oculis, nec eorum aciem hebetat interdiu. Splendor siquidem ille igneus de nocte tantum micat adeoque fulget, ut inscius quemque rapiat in sui admirationem. Cuius splendoris causâ rectè omnino lucerna nominata fuit, veteribus *ἀετοῖς*, ut notauit D. Goupylus, etiam si nomen illud velut adulterinum reiecerit Dodoneus. Iam verò quod ad odorem spectat, nullibi maior est naturæ lasciuia. Aliis namque virentibus nullus, ut radici Iridis, Musco: Nonnullis verò est tantum virentibus, & siccatis omnino nullus, ut floribus Gelsemini utriusque, Violarum, atque Narcissorum, quæ perditam semel odoris gratiam nunquam recuperant: Alia contra præarida sine odore cùm sint, ut lens, Cnicum & eiusmodi, suffruefacta tamen si commanducentur, odorem colligunt, quem ad olfactum per meatus palato proximos transmittunt. Aliis odor virentibus est intimus, ut Spathulæ fœtidæ, quæ non nisi tritu aut affrictu olet: alijs extimam superficiem occupat, leuique pinguedine qua folia imbuuntur conceptus digitis palpantibus auferrunt, ut Geranio Moschi Lobelij, Pimpinellæ & Rubo, odoratis. Alijs denique odor diurnus est, alijs contra nocturnus: vnde & ab odore plantæ non immerito, etiam nocturnæ dici possunt, quibus odor familiaris noctu-

est: Cuius generis Theophrastus affert Hesperidem quæ de nocte plus redolet quam interdiu. Ac ferè eiusmodi plantæ, quæ vim suam noctu proferunt, cum interdiu lateat, Tristes vocantur, melancholi-
cæque habentur. Hocque nomine Carolus Clusius arborem quæ peculiaris est Goæ, ibique *Parizataco* nominatur Tristem appellauit, quòd non nisi à Solis occasu usque ad ortum eius floreat, interdiu verò minimè: eius flos quoque noctu dum expansus est, flagrantia odoris quemq; rapiat. De hac arbore multa narrant, ut obseruat Clusius, quæ fabulosa reor: huius verò generis nouam Geranij speciem, cuius gratiâ superior omnis fuit instituta oratio, propo-
nimus, quod quidem Geranium eandem ob cau-
sam quòd noctu solum oleat suauissime Triste ap-
pellauimus: Huius itaque perstringimus Histo-
riam reddituri mox ad tantæ varietatis dictæ cau-
sarum inuestigationem.

*Cap. 25.
lib. 6. de
caus. Plant.*

*Cap. lib. 21.
Indic.
Plant.*

GERANIVM TRISTE.

C A P V T X L I I I .

GERANIVM Triste radicem habet ex multis coherentibus fibris, quæ in nodulos extube-
rant Lilia sphodeli, punicei modo. Statim à terra surculosum in altitudinem palmarem exit. Cau-
lis teres est, tener inualidusque, hirsutus: nec enodis, sed per trium digitorum interualla articu-

O iii

Iacobi Cornuti
GERANIUM TRISTE.



latus. Folia in vniuersum quatuor aut quinque ex geniculis prodeunt, initio humi iacentia, subhirsuta, pluribus segmētis diuisa, forma Filipendulæ: breuiora tamen, pinguiora, molliora, & ampliora multò: horum medius nereus, quem vocant costam purpurascit, cætera atrouirescunt. Caulum fastigio insidet densa vmbellæ coma. Flores nihil à cæteris sui generis differunt forma : Quinque enim foliolis constant totidemque staminibus, & pistillo, vt Geranium Robertianum: color tamen buxeus est, singulaque foliola gemina velut acini macula purpurascens inficit. Staminibus & pistillo succedanci rostri rudimento concoloribus. Cùm defloruit longior & acutior stylus prodit rostro Gruis æmulus, in cuius basi quinque sunt exigua & rotunda seminum conceptacula (vt in Geranio Gratia Dei dicto) Alueolis maturitate aut ruptis, aut dehiscen- tibus semina rufa, oblongaque excent. Flos nostru est suavitate incenarrabili, interdiu nullo: influ- xum enim illucentis Solis adeò aspernari videtur, vt integro die odorem neget, cùm Lunæ accessu gratissimo odore moschato quasi thure libet, qui odor intempesta quoque nocte ad Auroram usque perseverat, statimque solis præsentia euanescit. Sa- por huic plantæ acidus, qui & palatum belle afficit, vnde inter olera recenseri potest: vim namque possidet alimenti refrigerantis, & humectantis compotem. Apud Barbaros etiam audio radices eius, vt apud nos Tubera, Bulbocastanum, & eiusmodi; gratioreis inter epulas apponi. Floret integra pro-

pemodum æstate, nec nisi incuria foliis per Hic-
mem omnibus exuitur.

Hanc verò plantam ex Indijs allatam commu-
nicauit mihi honestissimus vir & optimus Renatus
Morinus in suo longe instructissimo omni Planta-
rum genere horto describendam.

*VARIETATIS SVPRADICTÆ
causarum enarratio.*

C A P V T X L V .

VT surdis etiam rerum mira sunt sympathiæ & antipathiæ vestigia, qualia superiori capite perstrinximus : Ita & rationis ordo postulat, tantè varietatis causas inquirere, & uno aut altero dicto capite, quā fieri poterit breuiter enarrare. Cùm enim ad Solem dirigi non omnibus plantis sit cōmu-
ne : rursus & ad Solem expandi: imò pleræque Sole
præsente occludantur, cùm nocte hient : Aliarū vita
vno die circumscribatur, hæc profectò matura con-
sideratione opus habent. Arduæ enim explanationis
sunt omnia quæ natura latere nos voluit, nec nisi
ea assiduâ meditatione contemplemur , vix quis-
quam possit certi de tanta varietate definire : Sed ut
ab ijs exordiar, quorum oculi cæterique sensus iu-
dices esse possunt. Flores illi Solis tantùm præsen-
tia hiant, & eius absentia clauduntur, quibus plan-
ta humidissima esse deprehēditur : excoquitur enim
ille

ille humor , vique caloris ad cymas allicitur , quo turgidus flos hiet est necesse: absente verò sole clauditur , aut dissipato vi præcedentis caloris humore illo , qui ad florem attractus fuerat ; aut præsentis defectu , non euocato nouo . Quod apertissimè senio florum eiusmodi declaratur . Tunc enim cum florum pori siccitate astringuntur , constipanturque , eorum folia non velut languida , atque vieta resupinantur , sed omnia vetustate obrigescunt , clausaque manent , nec amplius à Sole aperiuntur . Idque accedit , seu multis constent folijs ut Chalta , Cichorium , condilla : seu paucis ut Malua , Althæa frutex : seu vnico ut Convolvulus & Iasone Theophrasti , quæ duo fortassis vnum idemq; sunt . Quod autem ista solius caloris opificio , non autem Solis tantum virtute perficiantur , certum est : Si quis enim Anemones florem , quem noctis frigus comprimere solet , decerptum loco calidissimo recondat , velut arculâ exiguâ aut pyxide fideliter ob-signata , illico præter tempus aperitur ; si modò floris pediculus aquæ tepenti immergatur : nec enim aliter subesset calori materialis caufsa , quæ tantum ad id confert , ut vel ipsa sola idem præstet aliquando ; cum videlicet planta bibula est , facileq; per poros in cymas petitus ab radice humor deducitur . Nec in virentibus modo id efficit aqua , sed & in aridis plâtis & ligneis pariter operatur : quod videre est in rosa Hierichuntea 30. postquam eruta est anno , cuius si radicē aquâ madefacias , quæ conglobatis erat in sese ramulis , strigosis , aridis , & mortuis : hu-

ius illico brachia reuiuscunt, flosculique contracti extenduntur expandunturque, stupendo quodam naturæ miraculo, quo solent obstetrices parturientibus mulierculis illudere: affirmâtes hoc ideo contingere, quia proximum est partus tempus: sed fabula est, quo quis n. alio tempore idem accidit, modo subsit humor. Non aliunde etiam peti debet conversionis plantarum causa, seu totæ, seu tantum folijs Solem sequantur: illarum namque partes infimæ caulis, quæ terræ proximæ sunt, teneritudinis multum habent, radixq; paruula breuissimis fibris hæret: quo fit ut cum Solcymas plantæ calefecerit, humor ab radice in cymas attrahat: hinc pars infima tenera & mollis facile inclinatur, cum superiores humore turgidae grauidæque deorsum nutent ad Solem.

Harum verò (cum radix sit firmior caulisque, frutescens obrigescat, & in lignum solidetur, planta Solis minimè sequax est, folijs tamē nutat in Solem) harum inquam, foliorum pediculi longiores esse solent, maximèque teneri, ut Maluæ arboreæ, Maluæ Crispæ, & vulgaris: quo fit ut humorum quem tenuem, mobilem & vagum obtinent, in appensa folia facile transfundant: Sed de his satis, nunc de floribus qui diem unicum durant.

PERENNITATIS FLORVM
causæ.

CAPVT XLVI.

INTER flores qui diem tantum vnum durant,
aliij nocturno tempore tantum vigent (vt Con-
volutulus, flos noctis appellatus, Arbor tristis Clusij)
Alij interdiu solùm, vt Lilio-asphodelus. Quorum
causas quām fieri potest breuiter & enucleatè per-
currimus. Ac primò quidem florum omnium diu-
turnitatis causa à dupli capite pendet: aut quòd
nullum flori subsit semen & fructus: aut quòd flos
ille aperiatur, coloreturque, non tam uberiore noui
humoris attractione in florē, quām in flore iam con-
tentī coctione atque elaboratione perfectiori. Et
certè quibus nullum semen succedit, diuturniores
esse ijs qui præcipitant in semen in confessō est: hu-
mor enim qui ante ad florem appellebat, in locum
subituri seminis diuertitur: sic Balaustium *αἴθωδες*
diuturnius est flore mali punici: in illo namq; totus
humor impenditur floris conseruationi; in hoc autē
ferè statim atque hiarit, in substratum capitulum,
quod propriè cytinum vocant, reducitur, ac proin-
dè quam celerrimè eiusmodi flores deficiunt. Hoc
que pomiferis arboribus omnibus familiare est, Py-
ris, Persicis, Cerasis, Mespilis, Amygdalis etiam, &
nucum generibus: præterquam si quibusdam ea-
rum arborum florem Natura dederit plenioris

elegantiae, ut Cerasis nonnullis, Amygdalis, Malis quibusdam Persicis, & Myrto: Quarum ob fructuum inopiam flores diutissimè vigent. In herbis quoque idem obseruatur, ut inter Lychnides, sylvestris rubella, Chalcedonica, Anemone etiam floribus plenis, & Rosa multiplex omnis, viuaciores sunt simplicibus sui generis. Quo sane arguimento, non ineptè florum elegantiorum cultores maiorem suis Tulipis diurnitatem procurant, vnguibus præciso semine, quod in earum medio pistilli valuulis concluditur. Hactenus dictum est, cur flores quibus aut nullus fructus, aut nullum semen succedit, diurniores sunt ijs quibus contra accidit. Nunc verò de ea florum duratione sermo sit, quæ aut noui humoris appulsum, aut iam in florum folijs contenti, coctionem absolutiorem consequitur. Cuius coctionis ut gradus sunt varij, ita & totidem durationis florum esse videntur; nonnullis enim floris vigor in summâ est tenuis humoris copia, quem statim atque Sol calidior illuxerit, radix vbertim effundit in florem: huiusque generis flos tenerimus esse solet, adeoque succo turgidus, ut ille non tritu modò, sed quantumuis leui digitorum attricatione exprimatur, sponteque velut aqua defluat: Huic flori properatius tempus est: uno die aperitur, eodem clauditur & perit: cùm enim semel clausus est, amplius reserari nequit, nisi humoris noui accessione, cuius cùm flos iam nimis turgidus capax non sit, mirum videri non debet si eodem ille die occidat quo apertus est. Eoque ma-

gis id accidit, si flos ille nullo subeunte semine aut fructu excipiatur, nec enim humoris portio in succedens semen impenditur, sed totus in florem confluens cum obruit: Sic Lilio-asphodelus Puniceus etiam si caret semine, eius flos tamen uno tantum die durat. Convolvulus autem omnis, Mirabilis Peruviana, & Phalangium Virginianum; & inter vulgares flos Iridis, Papaveris erratici, Citruli, Cucumeris, Melonum, Cucurbitæ, & Peponis; licet aut fructus, aut semina subnascantur, vix uno pariter plus die durant: tum quia eorum natura in semina & fructum properat: tum quod eiusmodi florum vigor humoris attractione perficitur. Nonnullarum verò plantarum florū vigor est, in crudi humoris quem viridia ante eorum folia continebant, absolutiori coctione, per quam plus aut minus immunitur: & inter eos nonnulli pro diuersa ratione eiusmodi nunc 4. dies vigent, vt Narcissus, nunc 8. vt Ranunculus, alij 12. vt Rosa, alij 15. vt consolida regalis, alij 20. quemadmodum Caryophyllus herbarius dictus, ille potissimum cui flos est multiplex, nec ullo semine conseritur. Quibus denique floribus vigor in tanta coctionis perfectione positus est, vt non modo imminui debeat humor, sed penitus digeri & siccari. Ijs flos sæculum durat, etiam decerpitus, & à stirpe præcisus, & in arculis mulieribus asseruatus: Tales Gnaphalium montanum, Gnaphalium Italicum, Stœchas citrina & eiusmodi multæ flores proferunt, quos capropter nostri immortales, Gracia autem non nullos Agerata, aut Atha-

nasias nuncuparunt: summa quoque Amaranthi flo-
ris natura est in nomine, appellato quoniam non
marcescat: Hæc eadem causa Semina, Legumina &
fructus Indicos, in coloris elegantia quavis vetusta-
te inexpugnabili seruat, quod videlicet eorum ex-
timæ cutis humor, ut colorem concipiatur absoluta
debet coctione inarescere: sic Phasioli omnis co-
loris, Indici, pisa Americana, Lachrymæ Iobi, semi-
na Carthami, Pœoniæ maris, & Milij solaris litho-
spermi vocati: æuo enim manere huiusmodi se-
mina singulis diebus obseruamus, consertis inde ro-
farijs, corollis, aut torquibus ad nostratum mulie-
rum ornatum.

C V R N O N N V L L I F L O R E S
ad Solem aperiuntur, alij ad Lunam
solum: & unde tanta in plantis
odorum diuersitas.

C A P V T X L V I I .

QVÆ in plantis florum atque foliorum cogna-
tio cum quibusdam astris obseruatur: ut alij
Solis præsentia recrecentur & vigeant, alij contrâ
Sole sinistro velut Sidere icti occumbant, cùm no-
cturno vigeant tempore; sic & folia quædam con-
trahantur noctu adducta in fæse aut plicata, cùm
Solis conspectu latissimè expansa mancant: Ea om-
ninò à succi foliorum aut florum propriâ quadam
naturâ repetenda est. Quibus enim humor ille qui

appellit ad florem, ut aperiatur, paucus est & valde tenuis, imbecillo quantumuis calore facillimè in florem adducitur: Et propterea media nocte eiusmodi solent ad lunam aperiri & florere. Solem vero ferre nequeunt, qui nimio suo calore dissipat humorem, quem & paucissimum habent, & amplissimo spatio diffusum: quò sit ut Convolvulus Azureus dictus, Mirabilis Peruviana, Althæa frutex, & similes quibus flos de nocte patentissimus est, paulò post feruidioris Solis ortum occludantur, & velut deusta flaccescant. Quibus contrà plantis humor inest copiosus & latus, is validiori calore indiget, ut alliciatur in florem, atque adeò cum lunæ calor non sit satis, noctis etiam tempore flos eiusmodi clausus esse solet, hiat autem ad Solem, ob potentiores Astri vim.

Quæcumque verò, lucente lunâ, in se plicata aut adducta contrahuntur, Solibus autem expanduntur folia: Horum tam in arboribus quam in herbis pediculi, aut ipsa etiam folia ramulis atque caulinis per levia tubercula articulantur; inest autem illis paucus quidem, sed viscidus humor, qui cùm Sole funditur, collapsa velut folia, & languida nutant; sed frigore noctis concretus, dum in se cogitur, appensum quoque folium velut rigidum contrahit.

Nec diuersa diurni, aut nocturni in plantis odoris videtur esse ratio, si ad humoris non aquei, sed oleosi conditionem, quæ præcipua odoris causa esse videtur, accedat & substantiæ raritas. Hæc

enim tanti est momenti ad odorū halitum, vt licet odorem plurimum habeant nonnullarū plantarum flores & folia, quantumuis calore Solis incalescant: neutquam tamen odorem effundant, nec nisi trita aut defracta olere soleant: Sic spathulæ fœtidæ folia etiam cùm ad meridianas horas dies vergit, Inodora sunt, defracta tamen grauissimè fœtent. Myrtus itidem non nisi trita olet, Malus medica fructum & florem habet nobilissimi odoris, folia, cùm integra sunt, penitus ignaua; defracta tamen suauissimè olent. Hanc in plantis varietatem substantiæ rari- tas facit. Quibus enim partibus ea est naturalis, il- libatis & intactis, solâ narium admotione persenti- tur: quibus contra densitas est, earum odor, nisi di- gitis aut vnguibus violentur, detegi nequit.

Iam verò non mirum est, si rerum omnium odor in oleo facile conseruetur, cùm in plantis omnis odor in humore quodam aëreo & oleoso contineat- tur: nec aliter ille odor adimi potest, quām oleum eiusmodi, quod essentiam nostri appellant, destil- lationis arte exprimatur: Sic quæ subsidunt alem- bicis rosarum massæ, extracta rosacea aqua, odorem non ante deponunt, quām validiori destillationis arte oleosus ille vapor exspirauerit: nonnulla ob id quoque ardentibus prunis cremantur, vt ligna Iu- niperi, Abietis, Cedri, balsami. Et lachrymæ ar- borum, vt Thuris, Myrrhæ, Styracis. Odorum verò diuersitas inde potissimum peti debet, quod in alijs plantis humor iste oleosus tenuis est, & valdè paucus: in aliis autem spissior & multus: in aliquibus nullus

nullus omnino: in alijs multa humiditate aqua permixtus hebetatur; quo sit ut in ijs plantis & fructibus in quibus nullus est omnino oleosus humor, ut in Glandis speciebus; aut in quibus nimia humoris aquae copia obruitur, ut in Cerasis, in ijs nullus odor persentiatur. Flores autem aliqui ut Gelsemini, Hyacinthi Orient. Narcissi Iuncifolij, siccii nihil olent, quia nimium porosi cum sint euanuit omnis odor dum marcescunt. Qui vero flores aut folia minus porosa sunt, vetustate odoratiora esse solent, ut fenum græcum, rosa rubra, Malabathrum. Quæcum teruntur, odorem perdunt; aqua multa eiusmodi perfusa esse consueverunt; eorumque odor ob expressi humoris admixtionem hebetatur. In virentibus nonnullis plantis, & immaturis fructibus, vix odor percipitur, ut in radice Acori, Pomis, Pyris, Malis persicis: haec matura tamen odorem assequuntur, cœcta scilicet humoris aquae vim odoris obtundetis per maturitatem portione. Odribus quippe omnino interna illa aqua humiditas officit, & externa quoque non mediocriter obest: per imbras enim assiduos, & in quibus locis est nebulosus aer, & roscidus, naturalis florum odor hebetatur: sic cum pluit apud nos rosæ & violæ, & apud Aegyptios flores omnes odore carent. Ac proinde recte Theophr. odorem cum sapore conferens affirmat, utrumque ἔτε τοι εὐεργέτην, ἔτε τοι εὐεργέτην πάντα consisteret, malique ipsum arguere videtur Scaliger, vir subtilitatis exercitatissimæ, cum in huius axiomatis cauillationem siccissima quædam commemorat,

Id apparet
in Trifolio
asphaltite
Americano
nostro legie
postea cap.
11.

Q

quæ sunt odoratissima, vt puta Caryophyllon, Costum vtrumque, & Cinnamomum: hęc enim siccissima quidem sunt, si humiditatem aquam spectes quā prorsus carent; sed si oleosum humorem, longè aliter habet: hoc enim multo scatent, & si eum aliquando viignis contingit extrahi, inodora prorsus manent & insipida. Est autem in Cinnamomo ita tenuis, vt sponte etiam paucō spatio temporis euansescat. Taleque Cinnamomum vetustate insipidum, & inodorum, apud seplasarios nostros, non sine graui eorum dispendio, nimium frequenter inuenitur.

Postremò tandem quibus plantis substantia floris aut foliorum ratiōr est, & odorifer humor ille, quem oleosum diximus, valdē tenuis; per apertos meatus leuissimo calore, vt puta Lunæ syderis euocatus spirat fragrantissime: Intensiori verò dissipatur. Ac propterea in præsentia Solis odore carent eiusmodi. Idque in parizata co Clusij, & Geranio Tristinostro (de quo nonnihil Th. Johnson Anglus nuper vernaculè scripsit) & in Hesperide Theophrasti obseruare licet. Horum enim flores, vt noui iucunditate insignes, ita & alio quoquis tempore sunt ignaui. Quibus contra cutis florū densior, humorque odorifer crassior est aut spissior, ille non nisi feruentissimo calore exhalat: quo sit vt eiusmodi flores interdiu tantum oleant. Sed hęc satis, licet breuiter pro rei dignitate explicata. Fortasse aliquando verbosius de hisce, & alijs plantarum observationibus dicemus.

SCORDIVM SPINOSVM
*odoratum.***CAPVT XLVIII.**

ANNVV M est hoc scordij genus ex Hispania nuper aduectum, quod in siccis & arenosis montibus sponte nasci accepimus, apud nos autem primo verè seritur. Huic caulis est quadratus, mollier hirsutus & multis distinctus articulis, à quibus rami emerunt similiter quadrangulares, lentâq; pinguedine obsiti. Mira est in folijs varietas, quæ inferiorem situm obtinent maiora sunt, nonnullisque lacinijs diuisa: qualia sunt Trissaginis aut Scordij vulgaris: quæ superiorē ramorum partem occupant longè minora sunt, minusque diuisa: donec tandem in extremis caulinis nihil incisuræ præ se ferant, adeò verò decrescant, vix ut cymæ adæquét Serpilli nostratis folia. Flosculi sparsim inter folia pullulant Scordij aut Teucrij maioris figurâ albidi, tribus tenuibus filaméti ab intimo calyce ortis donati. Spinulæ leues, & molles aculei folijs & floribus interiacent: nonnumquam caulinis qui in suo exortu foliosus & mollis erat, extremitas tandem processu in spinam acuminatur. Floret Augusto mense, cum flos lapsus est, calyx remanet, quo velut alabastro semina 4. compacta & minima conduntur. Sapor huic plantæ vicius est: sed oius odor insigni

Q ij

124
Jacobi Cornuti
SCORDIVM SPINOSVM ODORATVM.



fragrantia commendatur, ac ferè ocymo gratiam parem obtinet: radix oblonga est, tenuibus fibrata capillamentis. Hæc fortasse ipsa est herba quam Plinius Cunilaginem mollem vocat, de qua ita habet. Quæ Cunilago mollis vocatur, pilosioribus est folijs, quam origanum heracleoticum, ac ramis, aculeatisque; trita mellis odorem refert, digitis tatu eius coherentibus.

Cunicula autem siquidem hæc vox irrepit, Græcis Κονία nuncupatur, quam vocem Schol. Nicand. in alexiph. Kovīas, hoc est lexiuum interpretatur, forte legens Kovīn, aut consilio quodam inde nomen Cunilæ deducens, quasi lexiuiale diceret, quod ea commodissimè, quippè fragrantissima lexiuijs addatur: quæ consuetudo apud nos etiamnum inualuit, ijsdem lixiuijs admiscentes Iridis, aut Inulæ radices intersectas, aliaque similiter fragran-
tia inodorandis linteis. Scordium verò ab allijs, quæ σκόρδα Græcis dicuntur nomen accepit, trita siquidem Scordij folia Cepino quodam fætore di-
gitos imbuunt, quod diuerso eiusdem plantæ syn-
onimo δυσσμον appellantes significarunt, contra-
ria caussa δυσμην nostrum appellauimus.

126

Iacobi Cornuti
FVMARIA TVBEROSA INSIPIDA.



FUMARIA TUBEROSEA
*insipida.***CAPUT XLIX.**

EST & altera fumariæ Tuberosæ species, quam insipidam ideò appellauimus: quod gustanti & olfacenti omnis pene saporis & odoris expers esse percipitur. Ramosum huic & velut pennatum folium nascitur, tam tenui diuisura, quam est Iuniperi, eiusdem coloris est cum reliquis fumarijs. Pediculi ab radice ad folia vsque dilutissimè purpurascunt. Radix in duo tubercula rotundatur, quæ geminum velut testiculum repræsentant, villis quamplurimis velut adnatâ pube vestitum; ac ferè ea similis est Satyrio, quod ab eadem radicis figura Cynosorchidem nominarunt. De flore nihil statuo, nec dum enim apud nos floruit, cum tamen album, esse intelligo. Ab eodem Canadensi solo repetitur. Cæterum hanc plantam fumariæ speciem esse nemo ambigit, qui radicem cauam nouerit, omnis fumariæ ortus tempora, radicum formas, & foliorum naturam intellexerit.

Reddenda hæc est Fumariæ species paginæ 59. subiectaque debet capiti xxiv. quia eo loci negligētia Typographi prætermissa fuit.

LAMIVM ASTRAGALOIDES.

CAP V T L.

EGREGIVM hoc Lamium ab Hispania allatum non repit vulgarium more; sed velut illud quod in Pannonia crescit statim se limite continet, restibili semper per Hyemem radice quæ capillaris est. Caules mittit palmares quadrangulos atropurpureos. Folia Lamij rubri colore & specie, utrumque ex aduerso posita nascuntur, pari intervallo ferè distant: ex suo quæque sinu ramulos fundunt: qui ex superioribus oriuntur proceritate reliquos superant, sed folijs carent & floribus ornantur, foliorum vices explent tenues appendicula singulorum florum lateri appositæ, inter quas geminas semper, situs est calyculus apprimè referens imaginem tali vulgaris, qui mulierum calceis suppingitur: hoc velut alucolo flos & semina delitescunt. Calyculus ille inferiori parte rimâ finit, illac nimium qua erumpere debet Amethystini coloris tubulus, qui floris loco est; tubulus inquam qui dum longior euadit modice dilatatur, dumque definit in rectum hiat: cum defloruit tubulus decidit, atque hiulca prius calyculi rima strictè obsignatur, inibique velut in arcula 4. semina iuxta posita albida continentur. Totius plantæ & odor & sapor eadem quæ Lamio, de viribus nihil peculiare compertum habemus

Canadensis Plant. Historia.

129

LAMIUM ASTRAGALOIDES



habemus. *Lamium* autem dicitur, quod vrticam referat innoxiam, morsu carentem, qualis iners,

*Cap. 15.
lib. 21.* mortua & vulgo archangelica nominatur: à Plinio autem *Lamium* dicitur, ab eo fortasse quod florum

*Cap. 14.
lib. 22.* figura veluti cucullo laruatam lamiam quandam representet, ut credit Dalechampius. Cæterum vires illæ apud eundem Plinium integro capite re-

periuntur. Adeò efficaciter autem lieni obstructo mederi dicitur, ut inde Itali, apud quos vernaculo

sermone Milza splenem significat, Milzatellam appellauerint. Nostram autem Lamij speciem eo effi-

cacius idem præstare coniçimus, quo præter odo-

rem & saporem, & partium similitudinem Lamio vulgari congenarem, florum accedat color viola-

ceus, redolens quidpiam spleni magis sympatheticum,

ac melancholico humori dicatum: namque à colo-

ris similitudine confortes quoque vires venari licet,

ut testatur Galenus de simpl. Med. facultatibus, & illustrat seminis Cnici exemplo. Vide Ioan. Bapti-

stam à Porta, in suæ Phytognomonic lib. 2. cap. 39.

& cap. 18. lib. 1.

*Cap. 25.
lib. 3.*

TRIFOLIVM ASPHALTION *Canadense.*

CAPVT LI.

FRVTEx hic ad cubiti altitudinem in Ameri-
ca Septentrionali attollitur, virgam habet te-
nuem, iuncsam, atropurpuream, quæ statim ab

Canadensium Plant. Historia. 131
TRIFOLIUM ASPHALTION CANAD.



R ij

infima parte ~~ωδηραδες~~ hoc est ramulares propagines emittit, Summitate in plures diducitur, à quibus folia loto arbori similia prodeunt, acutiora tamen & angustiora, qualia ὄξυφυλλα Dioscorid. nominare consuevit; leuiter etiam hirsuta sunt, ac velut oleosa pinguedine obsita: ex uno longiori pediculo nascuntur. Hæc, ut dixi, c. 47. defracta, aut ex attritu non olen, verum cum leuius attrectantur, oleosus hic humor digitis apprimitur molestus gravitate odoris, qui quidem odor in nouella planta Rutæ est, in adultiore hirci, aut bituminis: cuiusque rami extremum flos occupat purpureus, ut in scrofularia tribus exertis foliolis constans, & uno semper intus reflexo, quod postremum superant tenuia filamenta tria albo apice donata. Floris foliola in-

Ex relatio-
ne Domini
Robini nec
enim licuit
ob frigus
intempesti-
uum videre.

Cap. 123.
lib. 3.

tus alba sunt, licet à tergo purpurea sint. Flori succedunt siliquæ digitum longæ, æquè quam folia hirsutæ, oleosæ, virides, extremo purpureæ, in quibus alueolis discreta conduntur semina lata, oblonga ut cytisi, medio sinu excavata, ut faba purgatrix, aut renes animantium: quo sit, ut intortum veluti corniculum efformet. Radix longa, fibrosa, insigni feruore prædita est, ac ferè pari acrimonia linguam mordicat, qua Anemone. Annua est, & non nisi satu perennat. Cœterum à nemine haec tenus proditum fuit Trifolium, quod suis omnibus partibus Trifolio bituminoso à Dioscoride allato aptius respondere videatur: nulla siquidem est in nostro Trifolio particula, siue folia, siue florem, siue semina, aut caulem species, quam non delinearit ad vnguem

Dioscorides : nam quod atropurpureos rāmulos dixerimus, cūm simpliciter nigros ille descripsérit, hoc parum est , nec ferè apud auctores discriminis alterius, quām quòd saturationis aut dilutionis coloris sit. Sed cūm odoris & coloris præstantia locorum ratione contingat ex Theophrasti sententia οὐδὲν ἀλέξει καὶ οὐστικά καὶ αὔξει τῆς πόνου ἔστιν ut habet cap. 6. lib. 6. Hist. Plant. causam huius rei esse arbitror , quòd hæc Trifolij species apud nos velut extorris viuat : ac proinde sicut in iustum magnitudinem vix adolescit, ita neque completam fructus eius maturitatem , neque viuidum caulis & flores eius colorem adipiscuntur.

Matthiolus Iconem vnius plantæ dedit pro Trifolio bituminoso Dioscor. quæ præterquam quod nec caulem, nec semina , nec florem ostentet , folijs etiam nullatenus respondet: siquidem rotundiora sunt, quām vt oxytriphyllo nomen mereantut. Accedit & quòd nullam illius descriptionem fecerit, quasi satius existimasset de incognita sibi herbâ tacere , quām temerè quidquam enunciare. Dodonaeus aliud trifolij genus dedit , quod bitumen olet (nam huius generis plures sunt species.) quam sæpè etiam in hortis nostris obseruauit: huic caulis est viridis, flos cæruleus vt Scabiosæ compactus in globulum. Sed his notis plurimum dissidet à Genuino Dioscoris trifolio , cuius non modo caulis niger est ; sed etiam flos purpureus . Allucinatur etiam grauissimè, cūm purpureum colorem interpretatur

Jacobi Cornuti

134

Cap. 4.

cæruleum. Sequutus omnino Ruellij sententiam,
& non auditio Galeno, qui lib. de Theriaca ad Piso-
nem, Trifolium vere cum floret Hyacintho simi-
lem esse testatur: at hyacinthus veterum non cœru-
leus est, sed purpureus, eaque purpura tinctus, quæ
in rubrum tendit; siquidem flos est ex Aiacis cruce
editus, ut vult Ouid. Fab. 6. lib. 10. Metaph.

Tyrioque nitentior ostro.

*Flos oritur, formamque capit quam Lilia, si non
Purpureus color his, argenteus esset in illis.*

Vbi aduerte Tyriam purpuram rubram esse ex Vi-
truiio. Hic enim auctor est purpuras pro soli
proprietate alium atque alium habere colorem:
Apud Tyrum quidem rubrum; circa Africam au-
tem Puniceum succum emittere. Idem confirmat
Plinij auctoritas, liquor purpurarum nigrantis ro-
se colore sublucet. Sanguinis color purpureus est
apud Virgilium.

Purpuream vomit ille animam, &c. & 11. Æneid.

Labitur exanguis, labuntur frigida letho

Lumina, purpureus quondam color ora relinquit.

Vnde videtur natum purpurisso verbum quo utitur
Plautus in Truculento.

Istas buccas tam belle purpurissatas habes.

Cap. 26.

lib. 22.

Refert Plinius Hyacintho pro coocco hysginum
tingi in Gallia, coccus autem rubrum pingit, non
Cæruleum. Et sanè æquum est lapidem Hyacin-
thum quem vocant, sic appellari quod floris Hy-
acinthi herbae colorem referat, quod si ita est cum
Hyacinthus lapis ad obsoletum rubrum tendat, &

vini quodammodo colorem imitetur. Cuius ergo apparet, & Hyacinthum purpureum & Trifolium bituminosum, quod ex Galeno flore colorem Hyacinthi refert, nullatenus ad Cæruleum tendere colorem; sed omnino ad rubrum. Non negauerim tamen purpureum colorem aliquando pro violaceo sumi posse, ut cum purpureæ dicuntur violæ: idque obseruauit Plinius dum triplicem purpurei coloris facit differentiam, vnius in rosa vulgari, secundi in viola, tertij in malua; nam & ex purpurâ quæ circa Africam reperitur, & punicum & violaceum colorem tingi notauit Vitruvius: qui color Cornelij nepotis tempore vigebat; siebatque potissimum cum vetustate collaberetur purpurarum succi vigor ille puniceus, cui succo diutius asseruando, cum summa & peruigili cura opus esset, ne situm contraheret, ob eam causam & magnopere commendabatur purpura violacea, nec minore pretio quam Tyria aut Punicea æstimabatur: Sed Cæruleum colorem dici purpureum nunquam obseruauimus. Nolim tamen affirmare hoc Trifolium nostrum, verum esse Trifolium Asphaltion, siue bituminosum Dioscoridis: licet nullum fuerit hactenus inventum cui magis quadret allata à Dioscorid. descriptio, ut conferenti perspicum erit: idque potissimum, cum ad semina & folia & florem, & colorem, quibus fert omnes descriptionis Dioscoridis ^{Cap. 123.} ^{lib. 3.} notas: accedat & qualitas veneno aduersa, huic plantæ nostræ tam à natuâ proprietate insita, quam & ab insigni calore, vique attractrice quam pollet sum-

mâ. Nisi fortè hoc Trifolium nostrum alibi nasca-
tur, quām in Americâ: vnde venire in cognitionem
Dioscoridis potuerit: quod nemo hactenus obser-
uauit: licet id crebro in plantis accidat, vt varijs
& maxime distantibus regionibus, eadem omnino
generentur à natura, quæ vt vbique eadem est, ita
& vires suas æqualiter vbique diffusas esse aliquan-
do demonstrat. Sic Glaux exigua, quæ maritima à
Dioscoride dicta fuit, in continenti reperitur,
camque sæpius Meudoni, in siccissimis & editissimis
locis collegi; fortasse ita fuerit de hoc Trifolio,
quod alibi fortè natum & vidit & descripsit Diosc.
Nemo enim est tam rudis, vt ignoret Dioscoridis
ætate nondum Americam, nedum Canadensem re-
gionem detectam fuisse.

COLCHICVM VARIEGATVM.

CAPVT LII.

RI GVIS maximè pratis gaudet Colchicum
omne; quanquam & siccanea non auersetur,
illudq; potissimum genus, quod ex Insula Chio dif-
fertur, hoc enim cultu aut nullo aut leuissimo con-
tentum est. Cur autem fritillare dictum fuerit, ab
ijs, qui eius figuram citra Historiam dederunt nu-
perrimè, non facile capio. Nam cùm huius flos fri-
tilli in modum quo tesserræ agitatæ mittuntur in al-
ueolum latissimè non sit excavatus, imò fundum
habeat

Canadensium Plant. Historia. 137
COLCHICVM VARIEGATVM.



habeat perangustum; aptius, ut videtur, Colchicum variegatum appellari potest.

Autumno statim incunte, super terram flos emergit mille variegatus maculis, dilutè purpurscentibus, quadratis, & in quincuncem dispositis, ut in Meleagridie Dodonæi. Sex ille folijs componitur, singulis inest albescens quædam vena, quæ per eorum medium ab infima parte ad mucronem usque prorepit. Filamenta sex longiora cæruleis apicibus donata, à cauitate floris oriuntur. Bulbus huic plantæ pro radice est, tunicas habens plures, coloris ex nigro rufescentis, interior multâ bombace munitur: conspicuum id est, si quis delibret. Post florē folia fert atrourentia, angustiora, & breuiora nostratum. Æstate media seminibus turget rufis, quæ siliquæ coriacæ, virides, cellulatim coërcent: nulla habet peculiares vires, quibus supra cætera Colchici genera commendetur.

Lib. 4. cap. 84. Colchicum autem à Colchide dictum, in qua ut in Messenia plurimum nascitur (ut ait Dioscorides) qui vulgare Colchicum exactè depinxit, ne forte saporis voluptate imperitos falleret, Præsentissimum alioquin venenum, quod fungorum perniciosorum more strangulando enecat, nisi tamen effectum occupaueris lacte bubulo largè poto.

De hoc Colchico nostro nihil hactenus Authores prodiderunt. Sunt autem & alia permulta, quæ in hortis nostris obseruantur, Colchici genera, quæ raritate insignem florem edunt; triplicemque eorum differentiam hic subtexere operæ pretium esse duximus.

Primum ergo flores habet lacteo candore insignes, qui variis colorum picturis luxuriantur, venis non nullis excurrentibus, nunc diluta purpura, nunc saturatiore tinctis. Apparet etiam in foliis huius plantæ virentibus similis varietas, quod & in Tuliparum genere, & (ut semel dictum sit) in reliquis plantis omnibus, quarum flores quos striatos nostri vocant simili varietate commendantur, obseruare licet.

Secundum verò Colchici genus & florum minor copia, & innumera prope foliorum serie à reliquis distinguitur. Nuncque languidè, nunc vero obscurè purpurascit. id *Colchicum flore pleno* ea propter appellamus.

Tertium denique in pratis Pallesiacis, vt postea indicabimus, sparsim vulgaribus permixtum inuenitur. Huic flos est *Amaranthinus*, florisque pediculus, qui in cæteris speciebus albicat, purpureo colore inficitur.

*DE MILLEFOLIA
tuberosa.*

CAPVT LIII.

III APPV D quos stirpes prosequendi laus viget, id imprimis, arbitror, cauere debent, ne dum apertis inambulant campis vel minimam herbulam negligentius prætereant: nam multæ quotidie incredibilesque differentiæ pedibus pro-

S ij

*Colchicum
striatum.*

*Colchicum
flore pleno.*


*Colchicum
amaranthi-
num.*

culcantur, ob affinitatem quam cum similibus pri-
mâ fronte præ se ferunt: quas si proprius intueremur,
aut etiam erueremus, alias sæ pè, aut saltē in ali-
quo diuersas nemo nostrum non deprehenderet;
hoc mihi sæpius initio contigisse ingenuè fateor:
verum tamen postea cùm paulò diligentius rei her-
bariæ incubui, vt ardere hac exercitatione cœpit
animus, ille & oculos & manus, nares & palatum in
consilij sui societatem adsciuit: ita vt nullam post-
modum plantam offendierim, quæ eruta hisce sensi-
bus non subijceretur. Neque verò aliter exacta ha-
beri potest plantarum cognitio, testāte Galeno cap.
3. lib. de Theriac. ad Pisonem, quo enim sunt her-
bæ quæ variant partibus ijs quæ terrâ occuluntur,
cùm sint eadem alijs quæ prominent: exemplo fuc-
tint Cynosorchis, & palma Christi: Valeriana &
Nardum Montanum: Ranunculi species inter se,
aliæq; quamplurimæ. Saporis ratio discriminis pon-
dus non leue afferit; sed primas tenent vires eximiæ,
non illæ tantum quæ sapore deteguntur, suntque
velut in propatulo cuilibet expositæ, sed illæ quas
vt quid maximè pretiosum auara natura penitiore
carum sinu vt gazophylacio condidit, noluitque
mortalitatibus nisi longâ annorum usurâ per expe-
rimenta promi, ut potè quibus nullum est cum sa-
poribus commercium. Experientiam itaque (non
inheretem illam, sed eam quæ ratione fulcitur) vt ar-
bitror potiorem esse trutinam, quâ quæ prisci utri-
usque linguæ auctores de plantis expresserunt, ve-
ranic sint, an fabulosa ponderentur: ita & vnicâ esse

viam censeo, quæ nos in plantarū ab ijs traditarum cognitionem deducere possit; ac proinde Dioscorides, Iulio Basso, & Nicerato, & Petronio, & Asclepiadi minus assentiendum suadet, in prelatione libri primi, qui Τάκτη Φαρμακευθή διδάσκει, καὶ δοκιμασίας, ἐξ Ἐπιδρομῆς παρέδοσαν, & τῇ πείρᾳ τῷ στέργειαιν αὐτῶν χαρονίζοντες, qui medicamentorum vires probationesq; cursim cōplexi, nullo experimento eorū effectus cōprobarunt. Sic lieni accōmodatum Splenum fortuna detexit, euentus comprobauit, ratio stabiliuit: huic classi Alysson, Phalangium, Alianus, Pœonia, & aliæ adnumerantur, quæ tantum experimentis vera esse comperimus: Sed de millefolia stratiote, quam Achilleon veram esse nonnulli cum Plinio contendunt, longè aliter habet. Nemo enim est Antiquorum, qui non ipsi astringendi vim concedat, & singularem sanguinis vnde cumque fluentis sistendi facultatem, ac proindè eam (inquit Plinius) ut vulneribus prēcipuam cum æruginine in vulnus Telephi decutiens Achilles pingitur, Dioscorides idem censet lib. 4. cap. 103. Millefolium stratiotes quod χιλιόφυλλον vocant; εἴτι δὲ αὐτὴν βοτανὴν σφόδρα ἀγαθὴν τοὺς αἷμαρραγίαν, καὶ ἔλχη παλαγά, &c. Galenus libr. 7. de simplicium Medicament. facult. sub nomine Millefoliæ ait Ξηραντικῆς οὖτιν εἰς ποσμὸν διωδύμεως, ὡς κολλᾶν τρέψυματα. Et libr. 8. sub nomine stratiotis terrestris, quæ mellifolia est. Habet, inquit, τὴν σύνθετον ὥστε σχεῖται τῷ παρόντι καὶ τρέψυματα κολλᾶν διωδύμει, ἐνιοι δὲ αὐτῷ καὶ τοὺς αἷμαρραγίαν χρεῖνται. Cùm tamen, quod nemo hactenus obseruauit, con-

Galen. e.g.
lib. de The-
riac. ad Pi-
sonem.

Cap. 5. lib.
25. nat. hi-
ster.

Jacobi Cornuti
MILLEFOLIA TUBEROSA.

trariam vim ipsi inesse experientia comprobarit, Naribus enim indita, non longè post sanguinis stillicidium infert, ac si diutiùs continetur hæmorrhagiam ciere consueuit, proindè felicissimo successu ipsam addere soleo medicamētis, quæ ad menstrua, aut lochia suppressa componuntur, siue enematis aut aposematis, aut topicis; quin etiam ipsa perse locis inserta plurimis opem attulit: ob eamque causam Naturam existimo tantâ copiâ ipsam humanis usibus exposuisse, ut nullibi non nascatur, solo restibili, fœcundo, macro, ubique; sed maximè in siluis recens detonsis aut saltem, non opacis. Ex quibus colligitur verum Dioscoridis $\chi\lambda\iota\omega\psi\lambda\lambda\sigma\tau$ stratiotes Millefolium vulgare non esse, aut certe, quod existimo, Dioscoridem & Antiquiores potius ex saporibus deductas vires expressisse, quām eas quæ experientia multis post sēculis demonstrauit.

Apud nos autem in suburbano nemore quod Bononiacum vocant, Millefolia crescit, quam fortuitus casus detexit. Huic radix est tuberosa nucis auellanæ aut Ponticæ magnitudine, ac ferè in eiusmodi tubere nascitur animalculum, colore viridem inter ac cæruleum medio, quod millepedam refert, adeò exile & exiguum, vix ut oculis deprehendetur, nisi lucidissimo splendore intermicaret: Quo factum est ut initio existimauerim, tuber illud ab esu eiusmodi vermiculi inesse huic plantæ, sed cum etiam in hortum meum transtulisse, occiso vermiculo, ferè anno post crassius tuberculum obseruassem, meis quoque amicis accuratis stirpium obser-

uatoribus communicassem, diuersam eius statuimus esse à reliquis differentiam in solo tamen radicis discerniculo positam.

ALTHEA ROSEA PEREGRINA
forte rosa Moscheutos Plinij.

C A P V T L I I I .

PLANT A hæc quam Africa genuit, quotannis ex viua radice longa, alba, lenta, circa Maium mensem erumpit: caules habet rotundos, virides, medulla plenos, uno verbo maluaceos; folia sunt subrotunda, & aliquo modo Cyclamini, proprius tamen Mori nostratis folia referunt, pronâ parte molli & tenui lanugine canescunt, oleæ foliorum instar, supinâ aliquanto magis virent. Cuiusque caulis fastigium globulos virides admittit non paucos, qui singuli & singulis pediculis teretibus innitantur, & quamplurimis filiolis oblongis & angustis omni ex parte circumdantur: oriuntur hæc foliola à basi globuli, distant inter se aliquo intervallo, egregioque ordine disposita, velut cancellis cunctem globulum obsepiunt, qui dum maturitate dehiscit, in quinque partes funditur, alueoque suo condita quinque fundit latissima folia, quæ roseum florem exprimunt, similem, atque etiam ampliorem Maluâ roseâ Lobelij. In huius floris umbilico stat panicula albida, pistillo tenui fulta, qualis in floribus

Canadensium Plant. Historia. 149
ALTHÆA ROSEA PEREGRINA.



floribus Althææ fruticis conspicitur. Hæc Althæa quam vocamus roseam, florem edit in fine Augu-
sti rosæ similem: ut certè videatur esse illa rosæ spe-
cies, quam Plinius concisâ breuitate, ut solet, sub-
indicauit potius, quæm descripsit, c. 4. l. 21. suæ Na-
turalis Histor. Hancque Moscheuton vocat: quod
verbum, Gaza interprete apud Theophrastum, vi-
u iradicem significat, quale epitheton nostræ Al-
thææ valde competit. Quamuis enim reliquæ rosarū
species, quæ malleolis panguntur, ita nominari pos-
sint; quia tamen non radice tantum, sed & stipite
vivaces sunt, huic vni autem singulis annis frigore
intermoritur quicquid supra terram est, caulis, fo-
lium, flos; solaque superat hyeme radix, quæ quo-
tannis circa Maium mensem nouis partibus, nouis
veluti membris reptibescit; ideo Moscheutos præ
cæteris appellari meretur. Cæterum ut quiuis intelli-
gat, quæm apte suis partibus noua hæc rosa Plinia-
næ respondeat, lubuit subiecte Plinij verba, *Alia*
Rosæ species funditur è caule Maluaceo, folia oleæ ha-
bente, Moscheuton vocant, & postea inter rosas odo-
re carentes recensetur. Caulis nostræ Althææ Mal-
uaceus est, folia quoque sunt oleæ, non figura
quidem, sed canicie simillima; præterea odore
vacat; florem roseum habet; nouamque singulis
annis formam induit; coronamentis additur. Ac
proindè non abs re, quis hanc Althææ speciem, Mos-
cheuton rosam appellauerit. Iam vero ut nostræ
nomenclaturæ rationem reddamus, Certissimum
est hanc plantam maluaceam esse siluestrem: Hæc

Cap. 4.
lib. 21.

enim à siluis Africanis, ob floris gratiam, translata ad hortos nostros vno abhinc, aut altero anno fuit. Siluestris autem malua, inquit Dioscorid. Althēa vocatur. Cuius vocabuli rationem reddit, $\Delta\mu\lambda\omega\delta\gamma\epsilon\tau\sigma$ $\chi\mu\lambda\omega\delta\gamma\epsilon\tau\sigma$ $\alpha\mu\tau\tau\varsigma$, quod inter primas sit utilis, plurimisque polleat præsidijs. Et Plinius Aristaltheam nominauit, quod omni ex parte bona sit, & intus sumpta, forisque apposita pariter auxilietur, $\alpha\pi\delta\tau\varsigma\delta\gamma\alpha\iota\upsilon\delta\varsigma$, aut $\delta\gamma\alpha\iota\upsilon$, aut $\delta\gamma\alpha\iota\varsigma$ quæ verba mederi sonant: Quamuis autem de viribus huius nouæ plantæ nihil compertum habeamus, quod publico demus; arbitramur tamen in ijsdem quibus althēa valet præstandis, esse singularem.

*R A P I S T R V M M A X I M V M
rotundi-folium Monospermon.*

C A P V T L V .

MA X I M V M vocamus hoc Rapistrum: eo quod omnes huius generis species superet foliorum amplitudine: hæc verò sunt Raphani modo, extrema parte rotunda, & ambitu crenata: spinâ varijs asperitatibus in spinulas setaceas leuiter extuberant, amplitudine palmari. Circa caulem subnascuntur his utrimque, in eodem pediculo minora.

Caulis ad duo cubita eleuatur, striatus, angulosus, ut folia hispidus, in multiplices surculos

148

Iacobi Cornuti
RAPISTRVM MAX. MONOSPERMON.



diuiditur, in quibus longè minora, quàm in Caulc
folia glomeratim aggeruntur, & sine ordine locan-
tur: sunt enim illa & magnitudine, & figura vrticæ
græcæ similia: onusti sunt surculi innumera florum
propagine, adeò ut integrâ vigeant æstate: flos ex
rotundo capitulo subflauo in quatuor candida fo-
liola separatur, inter quæ tenuia filamenta & pistil-
lum viride, cum apicibus luteis apparent. Cuique
flori succedit semé vnicum, paruum, subflauum, ro-
tundum, rotunda quoque capsulâ membranacea
coriandri magnitudine inclusum: quamuis initio
dum viret, paulo longior appareat; per maturitatem
tamen orbicularis est figuræ. Et ea propter à singula-
rij semine, Monospermon appellauimus (quali epi-
theto, ob eandem causam brassicam marinam insigniri
voluit Turnerus) quòd videlicet non ut vulgare
Rapistrum, longioribus siliquis plura semina con-
tineat, sed vnicâ cåque, ut dixi rotunda, vnicum
tantum. In Hispania nascitur.

RVBVS ODORATVS.

CAPVT LVI.

HVIS fruticis radix Rubi vulgaris modo, per
summa cespitum vagatur. Folia fert ex lon-
go pediculo leniter hirsuta, latissima, in angulos ex-
cuntia; seu ut Theophrastus ait, *παραχλωτα εὸν*
τῆς ἄκρης καὶ στὸ πλαγιῶν, hoc est, quæ cùm extremo

150

Iacobi Cornuti
RVBVS ODORATVS.



tum; lateribus sinuata considunt: uno verbo ἀγλωτῶδες: hoc enim vocabulo peculiarem istam foliorum figuram, quæ viti, aceri maiori, & rubo de quo sermonem habemus communis est, Theophrastus explicat. Quamquam cap. 18. lib. 3. Rubo folium tribuat ἀγλωτῶδες (male enim quicumque huius nominis loco ἀγλωτῶδες, ιχνῶδες reponunt, corruptè etiam legitur apud Athenæum ἀγλωτῶδες, ut aliquando demonstrabimus, si Deus dederit) quod nomen ἀγλωτῶδες, non tam Rubi folio, quam diuisuræ proprium est: sunt enim Rubi folia quinque sinubus, & pluribus aliquando ad pediculum usque diuisa, simili prorsus modo ac in vitice accidit, quam Græci λιθον, aut ἄγγον appellant, vnde deductum nomen ἀγλωτῶδες Φύλλον, folium viticeum. Sed ista obiter & ad Theophrasti mentem aperiendam, quam nemo unquam assequi potest, nisi qui in cognitione stirpium tam indigenarum, quam exoticarum versatissimus sit. Sed ut ad propositum redeam: elegan-
tissimi huius Rubi folia fragrantissima sunt, parem-
que agrimonio odorato aut pimpinellæ odoratae
spirant odorem: sine ordine circumposita sunt cau-
dicibus, qui plurimi & ramosi ab radice se attollunt,
farmentosi, flexiles, medulla plenæ, spinis vacui, mol-
liter hirsuti: nudantur folijs autumno, præterquam
in cacumine; cymæ etenim in Hyemem usque pro-
rogant moras, quo tempore & ipsæ cadunt, unaque
& arescit caulis, nec enim Hyemis inclemantium
patitur; sed quotannis renouari solet. Flores fert
in summo, magnitudine & figura rosæ simplicis;

quam caninam vocant: nam & in Rubo quoque prouenit rosa, inquit Plinius; quo sit ut veteres κανίνης idem esse ac κανίνης existimarent, cum Dioscoride cap 124. libri primi, quamquam à neotericis toto cœlo distinguantur. Cæterum roseus iste Rubi nostri flos, quinque folijs sinuatis constat, colore est dilutissimæ purpuræ violaceæ, in calicis medio sui mille luteos apices complectitur, ut rosa, succeditque tandem fructus, vulgaris Rubi Hortensis figura, non adeò gratus sapore; sed forma similis,

*Cap. 18. lib.
31. Histor.
Plantar.* οὐδὲν γάρ τι πλέον τῷ τῆς πόαι, ut de vulgari inquit Theophr. hoc est ut interpretor, ex granulis Rubris compactus, ut malum punicum. Nec enim satis appositè ad Theophrasti mentē, nonnulli hanc Rubi similitudinem cum malo granato cruunt à Cytino, hoc est ut Celsus vocat à mali punici capitulo, quod Cælius Aurelius ambulacium aut ampullacium latine dici testatur; quamquam huius rei nullam faciat mentionem Theophrastus. Malim itaque potius de pomo Rubi, quam de putamine rosæ caninæ, quod vernaculè *gratæcul* vocant, interpretari; est enim pomum Rubi quamplurimis acinis & granis Rubris ita congestum, ut malum granatum exempto cortice perbellè referat.

CAPVT

NARCISSVS PVMILVS
Indicus Polyanthos.

CAPVT LVII.

HVIC Narcisso, quod infelicius crescat, nec ultrà palmum eius caulis adolescere consuerit, pumili nomen dedimus.

Radix est carnosior, maiorque bulbus : folia octo aut nouem, palmum longa, lata pollicem, glaucè virentia, non recta ut reliquorum, sed modicè flexuosa, iuxta terram nata obliquè prodeunt. Inter quæ non medius caulis, sed relictis ad latera folijs, nudus & liber erumpit. Hic non rotundus ut reliquorum, sed semunciam latus, postquam medij palmi proceritatem impleuit, membranam turbinatiorem, quâ velut capite clauditur, aperit; apparetque tandem eximia nouemdecim, aut viginti florum umbella, qui pro soli cælique ratione languidius aut saturatius rubescunt. Singulis est Colchici præensis & figura & magnitudo : sex enim constant folijs, quæ ab angustijs in latitudinem paulatim sese laxant. Foris sinus secundum eorum longitudinem fertur, qui & in subiectum flori capitulum producitur, tot pariter cristi extuberans, quo folia strijs excavantur. Sex stant in medio filamenta longiora apicibus cœruleis donata. Subsunt quibusque floribus pediculi triangulares; hi cum inter se

154

Iacobi Cornuti
NARCISS. RUMILVS INDIC. POLYANTH.



caulis in apice cōmittuntur, admirando prorsus or-
dine dispositi, naturale, sed vix imitandum Icosaē-
drum formant. Flos quoque vt aspectu, ita &
suauitate est incenarrabili; præcocior est etiam reli-
quis: floret siquidem ante Arcturum; octiduo post
autem apud nos semine viduum collabitur.

Maioris autem Indici Narcissi duplex apud nos
obseruatur differentia. Alter quippe floribus est
præcocioribus, ex rubro candicantibus, & odora-
tissimis: caule dum semina maturescunt virescenti.

Alter verò florem edit post Arcturum, longè ru-
bentiores, sed ignauius odoratum: caule semper
atropurpurascente. Communem autem habent flo-
rendi modum, siquidem utrisque caulis exit sine
folijs, subnascentibus tantum elapso flore. In
eoque maxime differunt à pumilo antea descripto,
cuius non solùm uno eodemque tempore caulis &
folia prorepunt, sed etiā per Hiemem tabido cau-
le, eadem virere perseverant: imò nunquam ea mar-
cescere nisi per extremum quisquam obseruauit.
Differentiam facit & caulis, quem illi nunc gemi-
num, nunc etiam triplicem, semper verò teretem
habent, cùm sit huic usque singularis, & in ampli-
tudinem lateſcens. Eadem tamen omnibus radix,
bulbus scilicet unus, mollis & carnosus, multis ob-
ductus tunicis, quæ ſiccitate (Eriophori bulbi mo-
do) in ſericem lanuginem diſcerpi poſſunt; ſub-
ſunt verò maiores fibræ quibus altius infixis velut
osculis bulbus humili teponem ebit.

Has omnes plantas, etiamque proximo capite se-

Narcissus
maior Indi-
cus præcox.

Narcissus
maior Indi-
cus seroti-
nus.

quentem, ut inter liria aut Narcissos (quæ duo apud Theophrastum vnum idemque sunt) commodissimè numerari posse censemus, ita & liliorum generi nulatenus ascribendas testamur. Ac in eo sequimur Theophrasti mentem, qui quatuor assert in vniuersum proprietates Narcissorum generi communes, quas in lilijs nemo repererit; hæ verò familiares sunt nostris indicis Narcissis. Prima est quod cum satorū omnium ac proinde liliorum, ἡ φύλλον ανατέλλει ἀρώτορ. Εἰθ' ὑπεργύρον καυλὸς. Narcissus contra caulem prius, deinde folia promit. Secunda à radice petitur, quæ Narcisso est ἀσφεμφερῆ καλὰ ἡ γῆμα ταῦ βολεῖφ πλιὼν & λεπυρώδης. Lilijs autem bulbus squamata velut agglutinatione compingitur.

*Cap. 12. lib.
7. Hist.
Plant.*

Ibid.

*Cap. 6. lib.
6. Hist.
Plant.*

*Cap. 19. lib.
21. Plin.* A Narce autem, & stupefactoriâ facultate Narcissus dictus est, non à fabuloso puerō.

Tertia à situ foliorum humili, & quarta à tunicis quibus flores Narcissorum concepti ante partum includuntur. Narcissus enim τὸ μὲν ἐπὶ γῆν φύλλον ἀσφαλῶδες ἔχει, &c. τὸν δὲ καυλὸν ἀφυλλον μὲν, καὶ δὲ ἀκρὺ τὸ αὐθός, ἐπὶ ὑμένι τοῖ, καθάπερ εἰς ἀγέλαιον, &c. folium Albuci terræ proximum gerit, habet caulem sine folio, florem suo ferentem cacumine, in membrana veluti vasculo inclusum largè. Lilium autem & folia per vniuersum caulem habet disposita, & flores apertos nullaque ante vagina inclusos.

*NARCISSUS IAPONICVS
rutilo flore.*

C A P V T L V I I I .

INTER omnes Narcissos qui hactenus inuisi apud nos extiterunt, prima ut arbitror auctoritas nobilissimo huic generi debetur; quod paucis ab hinc annis ex Iaponia allatum, strenui admodum & nullis sumptibus parcentis viri Ioannis Morini cultura, tandem inflorem prosiluit septimo mensis Octobris, anno Domini 1634.

Spectabilis thrysus per initia nudus folijs, paulatim se in pedis altitudinem subredit, superiore parte virens, infernâ mille atropurpureis notis infuscatus. In cuius fastigio nouem aut decem florum gemmæ totidem petiolis hærentes, in umbellam disponuntur, quæ prius oblōga & rotunda quadam vagina membranacea celabantur. Hæ dum florem patefaciunt, in sex folia diduci solent; Si potissimum planta hæc resoluta, & pingui humo seratur: nam si siccâ aut confectâ posita sit, soli macies plerumque nonnullos uno aut altero folio mutilat. Quod omnibus fere floribus familiare est, qui ab extetis Regionibus, aut saltem extra natale solum transferuntur: quorum integritatis & elegantiæ non minimum soli macies detrahit: Hæc namq; fructus etiam natura dulces in acerbos, & lœues in hispidos

358

Iacobi Cornuti

NARCISS. IAPONICVS RVTILO FLORE.



vertit. Grossulæ fidem faciunt, quarum pomum spini
nis vndique aculeatum nuper vidimus; licet huic ^{Grossulæ} aculeatæ.
id tantum generi peculiariter ingenitum affirment.

Quanquam certum sit plantas omnes, ut culturâ &
opimæ terræ adiectione feritatem omnem depo-
nunt, ita & facile candem aut incuriâ, aut soli siccî-
tate resumere. Singula ergo cuiusque floris folia
duas vncias sunt longa, admodum angusta, & exi-
guâ veluti lacunâ sulcata: iuxta floris centrum bre-
ui acumine gracilescunt, extrema parte inflexa re-
supinantur (pro more Lilij Montani, quod Marta-
gon vocant) Color floris est Cinnabaris, aut laccæ
elegâtoris, venâ sanguineâ tamen lacunarum media
discriminâte: Sex stant in medio filamenta folijs lon-
giora & pallidius rubentia, totidem apicibus atro-
purpleis ornata. Vnus odor abest, eius defectum
natura suppleuit viuacitate coloris, quem non mo-
do pigmentorum mixturæ artificio quisquam af-
sequi nequit, sed nec vllis hactenus floribus similem
concessisse naturam obseruatum est. Nam præter
eximum hunc colorem, quo intuentum obtutum
hebetat; si forte serenus dies affulserit, floremque
radijs sol meridianus illustrauerit, mille velut scin-
tillas euibrat, quas pertinax oculus, inconniuens-
que, vix momento sustineat.

Subest bulbus prioribus similis. folia verò non nisi
tabido caule erumpunt: quorum color non glaucus,
nec obscurus, sed grata viriditate renidet.

ORNITHOGALON LVTEOVIRENS*Indicum.***C A P V T L I X .**

QVAMVIS à flore lacteo Ornithogalon, aut Ornithogale herba, ut Plinianū loquar, deduceta esse videatur; Verumtamen huius quoque species nonnullæ florem edunt croctum, qualem in pago Iuryaco iuxta Sequanam reperiri Enchiridium nostrum indicabit. Nihilque vetat quominus natura varietatis studiosa, coloris etiam alterius alibi produxerit, quibus non floris albedo, sed effigiei similitudo Ornithogali nomen conseruat; Nisi fortè, quod sanius interpretatur Dalechampius, Ornithogalon potius dictum fuérit à lacteo candore bulbi, figuram ouorum auium referentis, quam à flore, qui cum auibus aut auium partibus cognationem nullam habere videtur.

Ornithogalum itaque nostrum quod ex Indijs accepimus, primūm floruit in horto nunquam satis laudato D. V. Robini mense Septembri 1633.

Huic Caulis & folia simul emergunt longa, lata, ut Pannonici, similiter etiam sulcata. Caulis inter hæc medius ultra pedalem longitudinem assurgit, rotundus, glaber, virensque: hunc tenuis veluti glauci coloris halitus suffundit, qui leuiore tactu defloratur, ut in prunis integris, vuisque præmaturis videre licet.

A medio



X

A medio ferè ad apicem usque flosculorū globulis spicatur, adiectâ quibusque folij appendiculâ cuius cauitatibus flores singuli celantur, ad modum granorum in spica triticea, quæ gluma solet obtegere. Id quod familiare est vulgari nostro Ornithogalo. Paulatim globuli se è cauitate illa subducunt, subiectique eorum pediculi longius producuntur, vnaque cum flore deorsum nutant: flos tandem luteouirenſis dehiscit sex foliis cōtans, quorum tria externa latissimè expansa luteo colore fimbriantur, tria verò interna in se compressa manent, ut Leucoij minoris verni, & mucrones habent intrò reflexos, quibus stamina alba cum apicibus luteis reconduntur: tria verò his interposita stamina apicibus carent. Pistillum triangulare medium floris occupans, seminibus paruis turget: huius in apice mollis stat epiphysis, quæ cum flore marcescit. Nunquam floris huius folia vento aut vetustate decutiuntur, sed in se contracta & ecclusa tabescunt.

*PLANTAGO MAXIMA
Hispanica, quam Hispani caulescentem
vocant.*

C A P V T L X .

HOc genus plantaginis, quod Hispania lignit, mirâ foliorum amplitudine, & thyrsi proceritate luxuriat. Pedalis illa sunt longitudinis,

Canadensium Plant. Historia. 163
PLANTAGO MAXIMA HISPANICA.



latitudinis semipedalis, excurrentibus non paucis, ut in vulgari plantagine, per longitudinem neruis; nec non & substrato singulis folijs palmari pediculo latiore. Thrysus in duo cubita plerumque surgit: flores, si magnitudinem excipias, nostratum sunt omnino similes. Radix pariter multâ fibrarum copiâ constat. Totius plantæ folia, caulisque ex viridi colore obscurè rubescunt. Floret apud nos sub exitum Septembris. Refrigerat impensè, minus tamen astringit; huius quippe laxa admodum est, & pinguis substantia, nec nisi humecta loca desiderans.

SISYNRICHIVM INDICVM
V. Robini.

CAPVT LXI.

ELEGANS hoc Sisynrichij genus, nuper ex Indijs Orientalibus accepit D. V. Robinus. Huic radix bulbacea, Nuculae magnitudine, Croci effigie Mysiaci, quam incolæ lubentius esitant (sicut eiusdem etiam generis indigenas Hispani opiliones edunt, quas Noselhas appellant, vocabulo vernacule auellanam significante) Postrema æstatis parte, quam operan vocant, flores fundit in singulis caulisbus nunc singulares, nunc etiam plures, sex folijs variè coloratis compositos : Interna siquidem pars cærulea est, circuloque flavo diuisa, dorsum autem mediâ & infimâ parte cineraceum; media verò

SISYNRICHIVM INDICVM.



X ii

quæ in mucronem porrigitur, languidè cæruleum
Elapso flore semina in folliculo subrotundo & cari-
nato, vt Gladioli, concepta subnascuntur. Folia ut
Iridis bulbosæ, aut Asphodeli lutei minoris, teretia
sunt, & per longitudinem striata, modicèque in ter-
ram reflectuntur.

SOLANVM TRIPHYLLVM
Canadense.

CAPVT LXII.

VT herba Paris nostras, quæ passim inter filias Meudonenses riguis maxime locis reperitur, solet ab herbarijs Tetraphyllos nominari, quod quatuor omnino folijs constet: Eadem ratione & hanc Canadensem plantam, quæ superiorem apprimè refert, tribus tamen folijs tantum præditam, Solanum Triphyllum appellauimus.

In pedem surgit Cauliculus, teres & viridis, qui in medio sui tribus folijs aduersis inter se, latioribus & in obtusum mucronem desinentibus, colorisque obscure virentis intercipitur. Ultra hæc enim nudus transilit caulis, qui in summo florem unicum gestat, sex folijs conflatum, quorum tria subiecta tota viridia sunt, & brevia: tria vero superiora longiora, & latiora atropurpurascunt. Nascitur in eorum medio pomum exiguum, quod maturitate pullum & nigrum redditur, scminibus paruis Solani horten-

Canadensis Plant. Historia. 167
SOLANVM TRIPHYLLVM CANADENSE.



sis æmulis turget. Sapor huic dulcis. Radix non per summam tellurem errat ut nostras, sed in tuberculum congregatur.

Huius flos colore nonnunquam variat, Candidus siquidem reperitur. In eunte Maio floret, Iunio Bacca maturescit. Iulio præter radicem omnia deficiunt.

*SOLIDAGO MAXIMA
Americana.*

CAPVT LXIII.

VT nullibi non vulnera infliguntur corporibus, aut vlcera innascuntur; ita prouisum fuit à naturâ, vt vbique cresceret immensa præsidiorum seges, quibus hæc incommoda propulsarentur. Inter quæ efficacius nullum inuenitur herbâ quam barbaro vocabulo Solidaginem appellant. Quæ quod cruentis illita vulneribus singulari sit auxilio, nihilque commodius vulnerum oras glutinet & confirmet, seu vt aiunt inductâ cicatrice consolidaet, inde Solidaginis nomen accepit, quam veteres Græci Symphytum aut Sideritum vocabant. Quamplurimæ verò Solidagines ex varijs regionibus asportantur, quas enumerare mei non est instituti; neque enim hic de omnibus plantis, sed de nondum editis est sermo. Vnam ergo huius generis speciem ex America allatam propono, quæ caule multiplici, rotundo, glabro, leuiterque purpurascente, in tantam

Canadensis Plant. Historia.

169

SOLIDAGO MAXIMA AMERICANA.



tantam proceritatem attollitur , quantum cubita
tria aut quatuor implere solent : Circa quemque
folia subpingua , & sine ordine hinc inde dispo-
nuntur , formam habent singula Saponariae , aut
Plantaginis aquatica , minus tamen densa sunt , nam
aduerso sole intuenti mille velut foraminulis per-
tusa apparent , quod fibrarum crissipitudo facit ,
nec magis inde scabra sunt ad tactum , attensa siqui-
dem membranæ planicies asperitates illas velut læ-
uore quodam perpolit & exæquat ; quò sit ut splendi-
dè admodum vireant . Flos adeo serotinus est
apud nos , vt sæpius hyeme præoccupatus , velut
fœtus in ipso vtero ante partum elidatur : si verò
aut æstas plurimùm deflagrariet , aut intempestiui ca-
lores autumno incesserint , paniculam promit ve-
rius quàm florem , luteam , nec nisi tubulis & filamen-
tis per floccos prodeuntem , ac non longè post matu-
ritate in Pappos abeuntem . Radix numerosâ fi-
brarum copiâ contextur . Inest plantæ sapor iu-
cundus , odoratusque , citra acrimoniam calefaciens ,
nec parum habés astrictionis ; quò sit ut inter Con-
solidas siue Solidagines non postremum locum
habere mereatur : confertque ad id etiam substan-
tiæ ratio , quam viscidam atque glutinosam obti-
net . Peculiaris in huius plantæ partibus viuaci-
tas obseruatur : exsectus namque ramulus sine
aqua præsidio diu vitam seruat , nec etiam si è lacu-
nari suspendas inarescere deprehendes , quin con-
tra longius excrescere tandemque liberius in flo-
rem profilite animaduertes : pari modo ac si matri

continuus esset. In eo namque velut in Aizoo, in Aloë, aut Telephio inferiora folia marcescunt. Sicque eorum succus cedit in superiorum alimentum.

ACACIA AMERICANA
Robini.

CAPVT LXIV.


ACACIA frutex est in Ægypto nascens, aculeatus, flore albo, semine Lupino simili, in lobis & folliculis contento; cuius summa vis est ad refrigerandum, maximèque astringendum efficax. Alterum huius genus in Cappadocia & Ponto prouenit, semine in siliquis trichoris aut tetrachoris, hoc est, ternum quaternumq; seminum capacibus concluso. Viribus hoc genus longè inferius, superiori esse tradit Dioscorides. Prosper Alpinus Acaciam ab ^{Cap. 134.} _{lib. 1.} Ægyptijs Sant aut Kakia appellari, & in montibus Synai copiosissimum reperiri testatur. Multa etiam refert de lachryma huius arboris, quæ gummi Arabicum in officinis vulgo nominatur: florum figuram depingit, cuius non meminerat Dioscorides; Sunt inquit parui admodum, lanæ floccis & Platani fructibus forma planè similes. Vno verbo nihil aliud esse videntur, quam parua lanugo in globulum efformata. Colorem habent, inquit, flores arborum quæ Cayri aluntur pallidum, aut flavum: album vero quæ in Arabiae montibus crescunt.

^{Cap. 4. lib.}
_{de Plant.}
Ægypti.

172

Jacobi Cornuti

ACACIA AMERICANA ROBINI.



America Septentrionalis nec huius generis arbore carer, quæ etiam translata in hortos nostros non infeliciter adolescit: adeo ut intuentes floris elegantia, foliorumque ordine concinno plurimum oblectet. Arbor itaque est caudice ampio, & duro; cortice nitido & subnigro, nec spinis armato, ut Ægyptiacæ aut Cappadocicæ, sed lœui. Firmissimis radicibus heret. Cacumina longè latèque diffunduntur, multiplicibus diducta ramis, teneris, medulloſis, aculeis crebris & acutis horridis. Observa tamen aculeos non rotundo stylo minaces, ut Rhamni: sed ex basi in amplam latitudinem compressâ, acutè gracilescentes; ut Rubi aut sentis Caninæ. Folia in eodem neruo sunt vtrinque dena aut octona, uno semper extremū nerui claudente. Peculiaris est in eis noctis sensus: statim enim sub vesperum in se adducta per media plicantur, donec sequenti die Sol postliminio reuersus aperiatur. Floret Augusto: flos albus est, Piso similis, in vuam compositus, ut Cytisi, non adeò tamen fragilis, nec deorsum nutans, sed se in sublime erigens. Succedunt semina Lenticulæ similia, quæ singula singulis nucleis duris admodum, & ex omni parte echinatis clauduntur. Florum & seminum in naturali magnitudine positorum vuas, ut & icones folij tam patefacti, quam & occlusi ad latera arboris in tabellâ delineari curauimus.

Totius arboris foliorum succus, aut ligni decotum, vi summâ ad refrigerandum & astringendum est.

174

Jacobi Cornuti
PIMPINELLA MAXIMA CANADENSIS.



PIMPINELLA MAXIMA
Canadensis.

CAPUT LXV.

RADIX vasta & fibris carnosioribus diducta, caulem facit, vere desinente, procerum, rotundum & articulatum geniculis, à quibus egerminant ramuli plures, ex interuallis foliis donati, Pimpinellæ nostræ majoris effigie & colore similes. Cau-liculorum apices non in globum, aut in glandem abeunt; sed mille flosculis in longiorem spicam compositis fastigiantur. Flores alternis vicibus hiant, aperiuntur inferiores primi, superiores postremi: singuli quatuor foliolis crucis modo aduersis inter se constant, & vasculo adnectuntur subrotundo, quatuor sinibus sulcato, velut plicati aut contracti marsupioli rotundi sinus referentes: ab huius cauitate tres aut quatuor apices funduntur. Flos ex viridi subalbescit. Sapor, odor, color, nullatenus à vulgari nostrate differunt, ac proindè in iis immorari diutius superuacuum est, reliqua satis manifesta sunt, potissimum cùm ad viuum delineatam huius plantæ iconem oculis legentium subiiciam.

**CEREFOLIVM LATIFOLIVM
Canadense.**

CAPVT LXVI.

SVFFICI ET Ceresolij huius iconem genuinam demonstrasse, omnes enim nostratis Cerefolij particulas ad vnguem refert, sed plenioris incrementi caulinum facit & cymam. Flos itaque albidus muscarij effigie summum caulem occupat, hunc sequuntur semina longiuscula, ex uno pediculo plura. Caulis fragilis, & tener glaucéque virens yltra cubitum adolescit. Folia sena semper ex singulis pediculis prodeuntia, in ambitu incisa Petroselini modo, latitudine & longitudine quadruplò superant nostratis. Tertio à satu anno moritur: semine perennat tamen, quod statim atque decidit, etiam non obrutum sponte terræ infigitur, & germinat: nec enim nostri instar agrum lætum & stercoratum desiderat: sed in qualicumque terrâ, ac vel crudo, vel effœto solo si seritur, prouenit.

Sapor huic dulcis est, odorque non insuavis; ac proinde esculentum testamur: sed & aliis oleribus permixtum gratiam auget saporis.

C E R E -

Canadensis Plant. Historia. 177
CEREFOLIVM LATIFOLIVM CANADEN.



*ACONITVM HELIANTHEMVM
Canadense.*

CAPVT LXVII,

FRUTICOSVM hoc Aconiti genus folia habet, quæ ab radice germinant, latissima, atro- uirentia, ac ferè trisulca. Quæ verò cauli adnascuntur, septem aut nouem, atque etiam quo superiora, eò pluribus profundioribusque diuisa laciniis. Multis caulis vlt̄rā proceritatem hominis adolescit; hi in plures diducti ramulos extremitates habent luteis floribus amplissimis onustas. Flos vt plurimum decem aut duodecim folijs oblongis constat, interposito singulis non leui spatio; inest medio vmbro quidam, qui totus seminibus obducitur, ita figuratus, vt ab imo latior, in angustum verticem exacuat: huius basim cingunt coronæ instar intermedia maioribus foliola viridia. Quæ omnia sedulò demonstrat ea floris figura quam separatim ampliorem sculpi curauit. Radix crassa, & carnosa, Aconiti more in plures quoque fibras exit, latiusque spatiari solet, nisi diligenter præcidiatur eius incrementum quotannis. Porrò maligna vis, & deleteria huius plantæ qualitas, hominum saluti omnino infensa, testatur eam ad Aconiti classem esse referendam.

Canadensis Plant. Historia: 179
ACONITVM HELIANTHEMUM CANAD.



Z ii

AQVIFOLIVM ECHINATA
folij superficie.

CAP V T LXVIII.

TAM notum est aquifolium vulgare, quām
quod vbique, & in siluis, & inter vepres est fre-
quentissimum: tum arcendo à claustris pecori, tum
obuiis quibusque furibus repellendis accommoda-
tum. Huius fruticis s̄æpes sunt tutissimæ: & licet
eius rami caudexq; , vt arbustorum Rhamni, Cynos-
bati, & sentis caninæ, rigidibus stylis non armen-
tur ; foliorum tamen ambitus spinulis acutissimis
fimbriatur : quibus obnitentis cuiusque facillimè
transitus inhibetur . Materies etiam antiquissi-
ma semper fuit in vēctibus, in manubriis bipalio-
rum, aliisque eiusmodi vtensilibus rusticis ; eamque
cæteris lignis vetustiores rei rusticæ autores prætu-
lerunt. Superuacuum itaque fuerit in eius cuius
iconem proponimus aquifolij specie describenda
diuagari : nec enim à vulgari distat ligni duritie,
corticis lœvitate, fructu, radice: sed solâ foliorum
figurâ, quæ non ambitu modo, sed & totâ quoque
superficie scabra sunt, & spinis horrida.

Canadensis Plant. Historia. 181
AQVIFOLIVM ECHINATA FOLII SVPER.




Z iii.

VITIS LACINIATIS
folij.

C A P V T L V I I I .

LICET infinitæ vitium differentiæ antiquis cognitæ fuerint, quas etiam nonnulli proprijs nominibus expresserunt, alij verò prudentius innumeris & confusis nomenclationibus studiosos demorari noluerunt: nemo tamen est qui non intelligat à fructus differentia fuisse natas eiusmodi nominum varietates. Nunc verò promimus nouam, & nulli hactenus cognitam vitis speciem, cui non fructus, sed folium ab omnibus alijs differentiam facit. Vua siquidem huius & racemi possunt, & ad escam, & ad effusionem deponi, & sunt hyemis tempore durabiles ut aliarum omnium, sed tantæ est apud nos raritatis, ut nemo non potius totius plantæ conseruationi, quam viño ab ea petito consulat. Et capropter cum nullius ferè sit incommodi patiens, caloribus verò minus contristetur: solent nostri iuxta parietes disponere, quam parte maximè Sol plenius calorem vibrat. Huic lignum est sarmento sum, gemmis vtrinque per æqualia spatia diuisum: ex quibus aliæ palmitibus egerminant, aliæ in flores abeunt Vitis nostræ similes: hi si euanidi fuerint contortos transeunt in vitices, quibus velut clavicularis proximis perticis se maritat. Sequitur flo-

Canadensis Plant. Historia. 183
VITIS LACINIATIS FOLIIS.



rem sua albula, grano minore, acinis albis, interdum iisdem carens. Sed quod præcipuum in hac vite habetur folium est, crebris scilicet profundioribusque laciniis extenuatum.

*F A S E O L V S P V N I C E O
flore.*

C A P V T L X I X .

VIx differunt à faseolo vulgari huius plantæ elegantioris partes: folium enim ex longo pediculo prodit, trinum semper & ex latiore basi in obtusum mucronem retunditur: coloris obscurè virulentis, interdiu expansum, in se de nocte, & sub seram vesperam contractum: frequens inter plures caulinulos, qui numerosi ab exigua & fibrosa radice pullulant, teneri, viticei, adeoque inualidi, ut pedimentis indigeant, quibus acquiescant & sustineantur. Flos etiam figura similis vulgari, at colore longè diuersus: vulgaris etenim candidus est, hic vero puniceus & durabilis: quem ob coloris præstantiam non dedignantur nobiliores matronæ nostrates fertis & coronis intexere. Siliquæ falcis in morem contortæ subnascuntur, quibus Faseoli Fabæ Græcæ modo, subrotundi & nigri nec nitida cute obducti, sed obscura concluduntur.

F A S E O -

Canadensium Plant. Historia. 185
FASEOLVS PVNICEO FLORE.



Aa

THALIETRVM CANADENSE.

CAP VT LXX.

IN Canadensi solo nascitur Thalietro similis bicubitalis planta, foliosior tamen, florisque elegantioris, quæ caulis ab radice multis frutescit, atropurpureis, geniculatis per interualla; quibus & hinc inde plures adnascuntur caulinuli, foliaceâ quadam valuulâ candicante à primario caule separati. Folia hoc Thalieturn habet Aquilegiæ & ordine & figura similia, colore tamen glauco diuersa. Flos in cacumine, muscarij specie, globulis multis dilutè purpurascens conflatur, qui dum dehiscunt, singuli in quinque folia diuisi, mille alba filamenta ostendunt, quibus luteus apex præficitur. Iulio mense singula filamenta dum deficiunt, in totidem semina degenerant, longiuscula triangularisque formæ, extante quadam per singulos angulos epiphysi membranæ. Sapor totius plantæ dulcis est, radixque dentibus præmansa, & linguæ apposita, substâriæ pinguioris & viscidioris esse sentitur, cum pauca admodum acrimonia. Glutinandis vulneribus præsens est remedium, si contusa apponatur: ex aquâ cocta suppurationem molitur.

THALIETRVM CANADENSE.



Aa ij

AGEM LILAG PERSARVM.
sive Lilac inciso folio.

CAPVT LXXI.

QVO D arbustum ex Perside nuper allatum Gelseminum appellant, mihi omnino Lilac aut syringæ species esse videtur. Siquidem & lignum médullosum, cortexque lœuis, flos & semen id satis superque ostendunt. Flos in botrum congestus confecta brumâ temperius statim hiat, suauissimè sp̄rans, purpurique coloris. Gelseminum non nisi sub finem èstatis florem edit singulis separatum caulinis, & nunquam in vuam compositum. Gelsemino præterea semen carnosa cute obtegitur: Lilac verò omnis generis siliquis duris, exiguis & mucronatis reconditur. Sapor quoque differentiam facit, qui Lilac initio subasper, tandem sub finem leniter astringens: Gelsemino amarus, acer, & mordicans ac summoperè astringens.

Postremo Agem lilag ab incolis audio vocitari, quasi ipsi nominarent florem Persicum, per anthonomasiam. Agem enim Persidem significat vt Ligag florem. Frutex est ergo nunc trium, nunc quatuor cubitorum longitudine, ligno molli, subalbo, multaque intus medulla alba repleto: cortice pullo, aut fuscè rubente, milleque punctulis subluteis maculato. Radix subest lignosa & fibrosa, vt

Canadensium Plant. Historia.
AGEM LILAG PERSARVM.

189



Aa iij

Punicæ. Varietas est peculiaris in folio, quod in humiliiori rāmulo Gelsemini diuisurâ laciniatur; in editiori autem sine laciniis est, refertque quodammodo Ligustri vulgaris folium, cui magnitudine & figura est equale. Biferum est, primus flos ante solstitium racematis cohērens dilutè purpurascit, efflatque odorem, vulgari nostro longè suauiorem. Alterum floris tempus est serus autumnus, (quoniam apud nos id accidat raro, & si quando continet tunc temporis in florem prosilire, non ille perfectus esse solet, nec pari copia subnascitur.) Excipit florem siliqua breuis & latior quæ acumine extenuatur, vtrinque lineolâ discreta, quâ parte per maturitatem media diffinditur. Apparetque semen subnigrum vulgari simile, sed minus.

*EUPATORIA FOLIIS
Enulae.*

C A P V T LXXII.

FUIT hic quondam ambitus nominibus suis plantas adoptandi, & hoc olim fecisse Reges testatur Plinius, inter quas ut cæteras sileam Eupatoria Regiam auctoritatem habet, (adeo ut æqualis tunc censeretur gloria herbam iuuenisse, & vitam iuuasse) huic enim inuentæ quamplurimis morborū generibus vnicè auxiliati, nomen dedit Eupator Rex. Hanc vero fruticosam plantam ijsdem viribus

EUPATORIA FOLIIS ENVLÆ



præditam, & flore non dissimili ornatam eodem nomine insigniuimus. Caules huic glabri rubescentes (cinereo tamen colore suffusi) rotundi, inanes intus, per interualla geniculis intersecti. Folia palmarii longitudine sunt, latitudine triunciali, Saluiæ modo scabra, in ambitu serrata, non incisa quinque-partitò ut Cannabinæ, fuscè virentia, à geniculorum tuberculis quaterna semper, aduersa inter se Cruciatæ modo nascuntur. E cuiusque folij sanguis mulus exoritur, breuioribus tamen foliis cinctus, neque unquam in florem prospiliens. Radix cohaerentibus vastioribus implexa est fibris. Nulli Eupatoriæ caulis procerior, qui æstate media in quinque cubita eleuatur: comatibus in cacumine mille flosculis, non foliaceis, sed lanuginosis (qualem florem Theophrastus Χνωδη solet appellare) uno verbo si odorem excipias Eupatoriæ Cannabinæ nostræ similibus, licet paulò saturatiis purpurascentibus. Hos excipiunt semina papposa, quæ cum villosa sua exfarie à vento decutiuntur. Saporis est aliquantulum amari, subeunte momento postea leui acrimonia: quo sit ut soluendis obstructi iecoris meatibus præcipuum habeatur: pituitam namque fundit, subducitque per aluum, robur pariter visceribus addit: ac si ore contineatur diutius saluam prolicit non paucam.

*Cap. 21. lib.
1. Hist.
Plant.*

BELLIS

BELLIS RAMOSA UMBELLIFERA.**C A P V T LXXIII.**

QVI flos pratensis, albus, & aliquatenus rubens, pastillicantibus quinquagenis quinis barbulis est coronatus: non fuit in usu apud Græcos auctores, ut arbitror. Theophrastus enim & Dioscorides, Galenus & cæteri, qui proximi ab eorum morte de plantis scripserunt, de eo flore siluere omnes. Plinio inter Latinos Bellis, aut Bellius dicitur. Cuius nominis causam ut inueniant, non parum desudant recentiores. Pet. Perrottus dici existimat à funestis 50. Beli Danai regis filijs quæ Belides vocabantur: hæ fabulis dicuntur nuptiarum die, singulos viros suos vino & venere sopitos, iugulasse. Quia vero Bellis per geminum L. pronunciatur, malim à pulchritudine floris quasi bellulas, detuari. Nisi forte melius quispiam Bellum florem, quasi bellicum à Bello dici credat; quod Belli tempore maxime huius probetur efficacia in curatione vulnerum, quibus nihil in Bello frequentius est. Cum enim ad frigidam & siccum huius herbæ temperaturam accedat & substantiæ foliorum crassities, mirum videri non debet, si præstantius nullum ab herbariis præsidium huic muneri dedicetur (qui eius usum eapropter composito vocabulo, licet bar-

Bb

194

Iacobi Cornuti
BELLIS RAMOSA VMBELLIFERA.



baro designantes, Consolidam medium vocauere: alij verò longè aptius symphytum medium appellant. Eius enim folium præpingue impositum, vulnerum labia vnit, & cicatrice obducit: succus inditus aut linamentis exceptus, inflammationi quæ superuenire solet valide obsistit. Sed & ad omnes cervicis dolores, tumoresque quacumque in parte illinitur, strumas discutit, podagras lenit, in ferventium intestinorum cruciatibus vitiliter injicitur. Ulceratis bibendus datur. Denique ad omnia propè incommoda, quæ belli certamina inuictore solent, natum hoc vnumfuisse videtur præsidium, quod præsto est, & ad manum vbique.

Aduecta est autem ex America nuper Bellis, quam vmbelliferam appellamus, quod huius flos, non ut aliarum, in unoquoque caule singularis nascatur, sed in lumbellam se spargat. Sesquipedalis herba est, radice minutissimis contextâ fibris, folijs longiusculis, pinguibus, asperis, obscurè virentibus, crenaturis ambitus altissimè laciniatis. Caulem habet pariter scabrum, pullulantibus omni ex parte ramulis, quibus in apice numerosa florum copia crescit, Bellis minoris effigie, densioribus tamen barbulis medium Luteouirens orbiculum concinnè stipantibus: barbulæ nunquam rubescunt, ut nostratis, sed emaculato semper candore sunt insignes. Observandum quoque, quod pictura fideliter expressit, singulos flores singulis sustineti pediculis, qui licet ab eadem cauliculi parte prodeant, diuersæ sunt & inæqualis semper longitudinis. Flos Iunio, Iu-

lio, & Augusto viget, ambitus postea marcescit, me-
dius orbis in semen formatur, caulis tandem & plan-
tae pars omnis arcessit: nec nisi semine vegetat, quod
a satu duodecimo ferè die germinat: nouella plan-
ta hyemen sustinet. Sicca quidem est temperatu-
ra, sed non patum caloris habet, gustata linguam
acriter pungit, eamque amaritudine inficit non in-
gratâ, nescio quid enim aromaticū præ se fert, cuius
odoris halitus cerebrum ferit, è quo pituitam crebrā
spuitione subinde per os exigit. Ut propterea mi-
nus efficacem arbitrer vulneribus personandis, quam
ulceribus; his enim incredibili celeritate, seu vete-
ra sint, aut noua medetur. Sordida qua cumque ex-
purgat succus ex melle instillatus, puluis insparsus
putria exest, caua denique explet, si cruda & contu-
sa indatur.

*ANGELICA LUCIDA**Canadensis.**CAPUT LXXIV.*

INTER siluarum aprica duæ Angelicæ species of-
fenduntur, quarum alteram lucidam, atropurpu-
ream alteram appellamus. Nec enim viribus à no-
strate differunt, sed proceritate, aut colore tantum:
harum ergo breui attextâ cuique narratione ico-
nem proponimus.

Angelicæ lucidæ vix cubitum implet caulis, nul-

ANGELICA LVCIDA CANADENSIS.



lā tenui medullā repletus , nisi in ijs spatiis quibus ille nodis intercipitur ad foliorum exortum : foliorum pediculi teretes , iuxta caulem in latitudinem membranaceam expansi nodos tegunt , caulemque amplexantur ; mox producti longius in quamplurima folia , saturè virentia , ambitu serrato , desinunt : foliis splendida viriditas inest , (qualem inducto gelu per hiemem reliquarum plantarum folia contrahunt .) Flores albidi non Angelicæ aut Imperatoriæ nostræ modo in orbem conglobantur , sed velut Anisi umbellam formant : quos statim excipiunt semina minus foliacea vulgaribus . Radice nititur crassâ , quæ in fibras etiam pinguiores exit . Statim atque decidunt semina , caulis arescit , vnaque planta commoritur , ut nostras . Semina colligunt , asseruantque in vernum tempus aliqui : alij ad præcipiendam hiemem statim obruunt , sicque ferè ante Arcturum nouellæ plantæ germinant , possuntque pleniùs ante hiemem conualescere . Angelicæ saporem redolet , acriter linguam exurit , sudores mouet , saliuam ciet , uno verbo ad eadem est , ad quæ vulgaris nostra , efficax .

ANGELICA ATROPURPUREA
Canadensis.

CAPUT LXXV.

ANGELICA atropurpurea , ut & præcedens , non nisi trima caulem facit , instar nostratis .

Canadensis Plant. Historia. 199
ANGELICA ATROPYRPVREA CANAD.




Huic radix est crassior torosa, nigrâ cûte obducta carne intus albâ & neruo: carnosioribus etiam fibris adiectis. Folia longè maiora, & plura quâm præcedentis, longiore etiam pediculo emergunt: huius inferiors pars, quæ radice aut caule attinetur, in profundam cauitatem sulcata, resupinis caulem labris amplexatur. Caulis ultra hominis proceritatem adolescit, per semipedalia spatia nodis, ut *Calamus*, & foliis interceptus. A medio ad summum multis luxuriatur caulinis, qui & foliis minoribus semper ornantur. Flos antequam appareat, in cymis sulcata folij cauitate obtegitur, quam productior caulis proscindit, flosque apparet in rotunditatem circumactus, quem sequuntur semina. Caulis hulusce plantæ, foliorum pediculi atropurpurascunt: folia quoque & semina obscura viriditate infuscantur. Ut odore & sapore est ignauior superiori, ita ut virtutibus videtur esse inferior.

APIOS AMERICANA.

CAPVT LXXVI.

EX semine leuibus siliquis contento, & in fistili vase decenter sato, adoleuit planta admodum viuax intra quadriennium, cuius radix exiit in multas subrotudas & oblongas, oliuarum magnitudine, fibras mediis inter se neruulis cohærentes. Veris initio surculis multis, vitilibus, non validioribus

Canadensis Plant. Historia. 201
APIOS AMERICAN A.



ribus conuoluulo pullulat, quibus proximis quibusque circumuoluit sese, & illaqueat pedamentis aut perticis, quarum proceritatem vel summam crescendo assequitur. Folia his inde nascuntur non è regione caulinorum disposita, sed inæquali situ in amplas lacinias dissecta, nunc septem, nunc novem, numero semper impari, ex eadem costa oriuntur. Singula sunt asclepiadis figuræ, breuiore tamen pediculo fulciuntur.

Flos Galeatus aconitorum modo, carneo velut colore longè diuersus, in spicam aut spiram breuem agitur. Folia simul Octobri ineunte decidunt, caulinique tabescunt. Tubercula radicum sub terra adolescunt, & hieme tota interquiescunt: donec sequente vere regerminent.

Sapor foliorum & tuberum dulcis est, quæ vesca ob id esse existimo. Comparauit, sibi hanc plantam ex siliquis Americanis Vespaf. Robin.

MIRTUS FLORE PLENO.

CAPUT LXXVII.

DE hac nonnihil Ioannes Baptista Ferrarius commentatus est: lubuit tamen huiusc fructis iconem subijcere ut cuique & genuinus foliorum ordo, & naturalis florum figura, totiusque patet plantæ concinnitas. Nec enim flores habet Bellidis, qui barbulis albis, æqualibus, & rigidis pastil-

MYRTVS FLORE PLENO.



licentur, sed Matricariæ modo multiplici foliorum, subrubétium tamen, ordine constant: quæ in medio dēnsius congesta leuiterque crispata, oriuntur ex subiecto capitulo globoſo, & aliquatenus rubente, quod longiore tenuique pediculo in fragiles plantæ ramulos inseritur. Folia quæ oblonga sunt, & in acutissimum mucronem desinunt, majoris Myrti speciem hanc esse declarant. Nec enim ad hēc usque tempora auditum est, minorem Myrtum floris duplicitate usquam vīsam: Porro ut nulla species Myrti pluribus floribus luxuriat, ita nulla est floris diuturnitate commendatior: nec enim geminum exacti mensis spatium florem decutit, ſepe trimestre durat, nec gelidiis terretur, quorum inclem̄tiam innoxie sustinet. Tanta fertilitate floret, vt nunquam sine flore deprehendatur, priorum ſiquidem defectum occupant noui. Raro in ſemina proſilit, quæ ſi forte ſubnascuntur, infœcunda eſſe ſolent, velutque elata aut ſemiformia in iſis uteris apparent: nimia quippe floruduratio, & eorum pabulum aufert & incrementi materiam consumit.

*CALCEOLVS MARIANVS
Canadensis.*

CAP V T LXXVIII.

A Figura calcei vulgaris, Calceolus Marianus herbariis dicta fuit planta pedali caule sur-

CALCEOLVS MARIANVS CANAD.



gens, foliis Plantaginis, latis, in longitudinem venosis. Radice Ellebori nigri. Flore nunc uno, nunc gemino, in calceolum figurato: quatuor siquidem foliis ille constat atropurpureis, è quorum medio prominet vtriculus subrotundus, colore luteus; vacuus intus & inanis, os patulum superius promens, quâ parte solet pes inseri. Noster verò Calceolus Americanus, figura quidem nullo modo, sed magnitudine & colore differt à iam descripto, cuius ob eam causam de industria historiam attuli: folia siquidem longe maiora sunt, & ferè tantum gemina nascuntur. Floris vero vtriculus candidus est, lineis rubentibus hinc inde distinctus. Radicem quoque transuersam habet, & Ellebori modo fibrosam. Floret Maio. Flore elapsò, apud nos semine vidua tota planta, præter radicem, hieme tabescit.

LUPINVS INDICVS.

CAPVT LXXIX.

NIHI Lupino apud Veteres vulgatum magis, eius enim crebro inculcant, tum serendimodum, tum & usum in stercorandis agris, & pecoribus alendis; dum farraginis mentionem faciunt: verum id præstat silvestris noster, & satiuus Lupinus vulgaris. Paucis verò ab hinc annis, à nemine quod sciām descripta altera huiuscē plantæ species ex Indijs allata est, quæ multò felicius adolescit, aspecta-

Canadensium Plant. Historia. 207
LUPINVS INDICVS.



bilique florum iucunditate præ cæteris commendatur. Semina huius quotannis vltimo mensis Martij commodissimè terrę committuntur, & statim atque pluuiæ incesserint, teporque eorum oscilla madefecerit, illicò germinant, & intra quadrimestre confirmantur. Caulem faciunt cubitalis altitudinis, multisque brachiatum ramulis. Folia circumquaque sine ordine digeruntur: nunc nouem, nunc vnde-
cim in vnum orbem composita, & per media singula plicata, longoque pediculo fulta, vnicum folium constituunt, quod præ languidâ viriditate canet. In cymis hinc inde flores, velut Pisii, verticillatim caulem ambiunt, coronæ cerulei coloris instar: quos excipiunt siliquæ latæ, & breues, trium ad summum seminum capaces. Caulis, folia, & siliquæ, promissâ & candidâ lanugine muniuntur. Semina ex rotunditate valde compressa, non alba sunt vt vulgaria, sed fusca: nec leuem etiam vt illa superficiem habent, sed pumicosâ asperitate rudem. Sapor subamarus est, ac proindè ad eadem huius Lupini farina valet, ad quæ communis usus instituitur.

APPENDIX

APPENDIX

NONNVLLARVM STIRPIVM

NON DVM DESCRIPTARVM, QVARVM

mentionem verbo tenuis fecimus,

nec earum Iconem adiecimus.

CAPUT LXXX.

Pilosella Indica.

QVAM plantam Hieracium Indicum appellant, ad Pilosellæ genus referenda illa esse videtur: folium enim oblongum, pilisque longioribus hirtum habet: radicem quoque carnosam oblique reptantem, & fibris munitam longioribus, ad instar vulgaris nostræ Pilosellæ: cùm Hieracium vnicâ & longiusculâ radice altius terræ infixum hæreat, nec vsquam eius superficiem obambulet. Cau lis huic herbae exit palmaris, & singularis, floribus apicem ornantibus nunc 7. nunc 8. Pilosellæ similibus; præter colorem, qui in eis est Croci, aut malorum aureorum. Odorem moscho fragantiorem efflat flos alioquin ut solstitialis, ita Solaris lucis & audiens & sequax. Ex Indijs assertur.

Saponaria flore pleno.

SPONARIA hæc, adeò vulgaris modò in horis nostris habetur, ut etiam ferè rædio sit per-

Dd

multis : eaque potissimum de causâ, quod nimium loci spatium serpendo consumat. Itaque aut omnino à cultioribus hortis exulat, cum reliquis reptilibus, & serpiginosis plantis : aut saltem fictili vase committitur, eo ut ergastulo quasi contenta, vltra eius oras non excurrat. Nonnisi floris carnei, multiplicis, sese Augusto explicantis elegantia distinguitur à vulgari nostra, quam primam nominauimus in catalogo Botanico, & quæ passim ad vitium margines, scrupeosq; locos I V R I A C I iuxta Sequanam naſcitur: folia tamen pinguiora habet. Nec viribus, nec semine, quo plurimo turget elapso flore, à nostrate differt.

*Viola matronalis flore multipli-
ci.*

Hiacinthus Chalcedonicus flore pleno.

N V P E R adiecta est quoque *Viola matronalis* species flore multiplo, quæ ut iucunditate aspectus, ita & odoris suavitate, nihil vulgari nostræ cedit.

EST & *Hiacinthus Chalcedonicus*, quem Lobe- lius miniatum appellat, cuius iam satis vulgaris extat apud nos species, flore pleno elegantissima.

Hiacinthus comosus calamistratus.

HIACINTHVS *Comosus* iste quām maximè puro & subacto solo lætatur; nec nisi in præpingui crescit. Et ferè solum iuxta pagum B O R A N in Galliâ prouenit. Quare lusum potius esse arbitror naturæ præ nimiâ alimenti vbertate lasciuëtis, quām veram & ab alijs distinctam speciem: siquidem si transplantetur in macro aut sabuloso solo, statim perit, ac si superstes viuat, ante biennium elapsum to-

tus in vulgarem transit, ac pristinam velut faciem resumit. Subest ergo bulbus, & folia vulgaris effigie subnascuntur. Thyrsus verò medius eleuatur amplitudine palmari, qui omni ex parte cingitur viticeis mille filamentis contortis, & intricatis, pulchrèque punicantibus; quæ vnciali longitudine producta, in plura & breuiora distribuuntur, & instar plumæ quâ galeas exornant, miro ordine crispanturn. Vnde & accommodato hanc plantam nostri vocabulo, *Hiacynthe à pennache*, nominarunt. Floret Maio & Iunio: reliquo tempore tota coma arescit, nec in semen vñquam profilire solet.

Cyclaminum, quod vocant, montis Libani.

HVIVS Cyclamini folia & flores simul prorepunt Autumno. Flos vt amplior reliquis omnibus, ita minore copia subnascitur: colossini coloris est quidem, sed dilutissimi. Folia habet amplissima, quæ cordis effigiem repræsentant, tenuissimè in ambitu serrata; suprà versicoloribus viriditatis maculis picta, à terra obscurè punicantia: statim autem à radice oriuntur (est enim, vt Theophrastus ait, non solum planta hæc ἀκλάνης ἄλλα καὶ ἀροσειρόφυλλος) Radix in orbem modicè depresso conglobata nullis circumquaque fibris vestitur, vt vulgaris Cyclamini, sed longiora filamenta tuberi solum subsunt per quæ, vt Cepa solet, humi temorem exsugit.

Chelidonium maximum Canadense àxander.

EGREGIA hēc planta tribus tantum foliis constat, amplis, glaucè virentibus, & vitium modo laciniatis; radicem habet carnosam, succoque, ut & folia, turgidam flauo, & virus quoddam olen-te; quod maxime familiare est Chelidonij speciebus. Ex radice sine caule ut folia emergunt, ita & flos albus stastim profluit, tenuiq; petiolo subrubenti, velut Cyclamini flos sustinetur. Huic Chelidonij no-men dedimus, tum à similitudine nostratis, tum etiam quòd Hirundinum tempore floreat.

Herbatum Canadensium, siue Panaces moschatum.

SV B I C I debuisset hoc Panacis genus capiti 31. huius libri, si iconem ære insculptam ha-buissimus: verum id non licuit, quia Calchogra-phus noster peregrè profectus erat. Ac proinde huic loco inseruimus. Est ergo planta bicubitalis, radice albâ, longâ, carnosâ: foliis, quæ prima pro-deunt, longis & latis, Costo hortensi, aut Lepidio similibus, (hoc est leuiter solum in ambitu dentatis) sequentibus verò in profundas adeò lacinias disse-ctis, ut illæ folij costam ferè pertingant, pedalis fo-lia longitudinis esse solent, & orbiculariter caulem iuxta terram cingunt. Nec enim vlla per caulem di-stribuuntur: nisi forte vbi caulis in ramulos didu-

citur: hac enim parte breue foliolum nascitur, sed mutilum nihilque debitæ formæ retinens, ibique est potius vinculi loco quam folij, sacrâ ita disponente naturâ, ne videlicet ea pars, quæ est fragilis & impar capitî oneri, ventorum flatibus disiumpetur. Hac ergo parte caulem nodo velut geniculo roborauit, munitq; tuberculo adnati ramuli extre-
mum, & vtrumque foliolo, velut membranâ latius extensâ obduxit quò validius obfirmaret. Cymæ singulorum caulium in umbellam se spargunt, adeo grauem ut antequam flosculi hient deorsum usque nutet, Flos albus est, ut Panacis vulgaris, odore præcipuus, qui è longinguo quemque inuitat halitu moscho gratiore. Semina succedunt minus la-
ta vulgaribus. Floret Septembri, & Octobri. Tota planta subalbido & asperiore tomento obducta est.

Sapor foliorum acer est & odoratus, sub finem aliquantulum amarus. Radix vero non tantum amaritudinis habet.

Statiche maxima Americana.

HIC radix longa est, nullisque aut rarissimis fibris hirta: folia ex triunciali longitudine in unciale latitudinem extenduntur, obscurâ quidem sed nitidâ viriditate prædita. Omnia iuxta terram nascuntur in orbem composita. In singulis gemini neruuli excurrunt, velut in Plantagine; estque foliorum mucro valde retusus. Cauliculus unus aut alter iunceus è medio pullulat, in cuius apice floscu-

lorum alborum globulus emicat, ante partum quidem tenui & pellucidâ membranulâ velut vteri ergastulo conceptus, quæ dum florendi tempus instat, (quod est prodigo proximum) sensim hiat, nec rumpitur: & licet tunc sit latior, in subiectum tamen caulinum reuoluta contrahitur, ac densat sese in angustias caulinulo pares. Huic est frigida & siccata facultas: peculiaris in eâ vis est ad prociduam anum, aut vuluam: validiusque id præstat si inflammatio utramque obsederit partem. Acidus quoque plantæ sapor eam in putridis febris magnoperè commendat.

Radix Snaqrôel nothæ Angliae.

Missa quoque est ad me / ex nothâ Angliâ Radix quam Serpentariæ vocant, vernaculè Snaqrôel, cum hac inscriptione. Hæc radix Alexiterium præsentissimum est, contra morsum serpentis ingentis, pernitiosissimique in nothâ Angliâ, cuius morsus intra duodecim horas interficit, nisi huius radicis sumatur portio, quâ sumpta nullus vñquam auditus est periclitari de vitâ.



ENCHIRIDIVM BOTANICVM PARISIENSE.

Continens Indicem Plantarum, quæ in Pagis,
Siluis, Pratis, & Montosis iuxta Parisios
locis, nascuntur.

Per IACOBVM CORNTI, Doctorem
Medicum Parisensem.

Per portam Nouam iterest in Pagum à saxis & lapici-
dinis dictum Chaillot, in quo post hospitium è regione
Conuentus Minimorum positum, & in colliculis editioribus
incultis iuxta sitis, hæc plantarum genera reperiuntur.

Silybum. siue Carduus lacteus. Leucographis Pl.
Argemone capitulo torulis canulato.

Argemone capitulo longiore.

Rubia maior f. Rubia tinctorum officinarum.

Gallium.

Fœniculum.

Meum Spurium.

Beupleuron f. Costa bouis.

Linaria f. Osyris.

Anthyllis leguminosa.

Tragopogon minus.

Cynanchica Dalechampij.

Stœbe capitata.

Irio s. Erysimum Diosc.

Si paulò amplius processeris, profecturus in Suburbanum nemus, quod Bononiacum vocant: per viam in scrobibus sa- tis ibi frequentibus, & in aggeribus lapidum offendentur.

Tlaspi minimum flore luteo.

Trifolium Cochleatum.

Anthirrhinum medium.

Anthirrhinum minimum.

Rhamnus Catharticus. inter sepes vinearum. In
Pago dicto Autheuil.

Attractilis.

Acarnæ varietas.

In Siluis Bononiacis.

Si diligenter perquisueris, nunc rectus & ambulans, nunc stans: plerumque flexus & in genua procumbens, nulla plantarum quæ sequuntur effugiet aspectum tuum.

Hiacynthus stellaris autumnalis.

Hieracum minus præmorsa radice,

Hieracum longius radicatum.

Hieracum Sabaudum.

Papauer corniculatum flore luteo.

Pulsatilla flore violaceo.

Pulsatilla atropurpureo flore.

Virga

- Virga aurea.
Glaustum satiuum.
Cataputia maior.
Perfoliata siliquosa.
Hypericum.
Centaurium minus flor. rubris.
Linaria purpurea.
Lithospermon maius.
Veronica mas.
Veronica recta minima.
Prunella .f. symphytum petræum minus.
Symphytum petræum maius .f. Bugla. { flor. albis.
cæruleis.
& carneis.
Scordium alterum. f. Saluia Bokij.
Agriorganum.
Alliaria.
Betonica.
Serratula Matthiolii.
Scrophularia maior.
Verbena Dioscor.
Scabiosa minima Glabra.
Scabiosa silvestris inciso folio.
Stœbe vulgaris.
Morsus Diaboli .f. succisa.
Horminum silvestre.
Verbascum mas.
Verbascum fœmina.
Blattaria flore { luteo.
albo.

- Cynoglossum.
 Symphytum maius offic. s. Consolida major
 Pulmonaria maculosa.
 Pulmonaria Gallorum.
 Lappa maior s. Personata. Bardana.
 Saxifragia alba Chelidonides.
 Asclepias s. Hirundinaria.
 Caprifolium s. matrisilua.
 Polygonatum mas.
 Polygonatum tertium Clusij.
 Geranium Batrachoides minus.
 Ranunculus nemorosus flore albo, & carneo
 Saxifragia.
 Ammi vulgatus.
 Oenanthe s. filipendula.
 Cicutaria maxima.
 Thalictrum minus.
 Millefolium { florib. albis.
 &
 rubris.
 Millefolium tuberosum, quod tertio à sātu
 anno in hortis nostris degenerat.
 Cistus humilis s. flos solis.
 Mollugo vulgaris.
 Cruciatia minor s. asperula aurea.
 lix fœmina.
 Carduus fullonum.
 Virga pastoris.
 Natrix Plinij.
 Melilotus coronata.

- Cistus humilis annuus folijs Salicis.
Symphitum maius.
Labrum veneris.
Lychnis repens.
Fragaria.
Fragaria quadrifolia, & trifolia minimè vesca.

*Lustrato vniuerso nemore, egressio fiat per portum
Neüilly, obiterque subi pratum ponti subditum, obserua-
turus numquid in eo natura noui produxerit. Ego quidem
peculiare nihil umquam comprei: verum fortassis aliquan-
do præter expectationem rarum quid in eo offendì poterit;
quod eo maxime fiet, quia secundum fluuium est: secum enim
longinuarum plantarum semina fluuij conuehunt, quæ dum
illi ex alueo per hiemem exundant, proximis quibusque lo-
cis inserere solent.*

M O N S V A L E R I A N U S .

*Pete inde montem à Valerio Valerianum dictum. In hu-
ius pede, et decliniori parte per vineas, hæ maxime na-
scuntur plantæ.*

TVSSilago.

Condrilla viminea.

Draba arvensis.

Mille-grana Thlaspi species.

Behen album s. Papauer spumeum.

In vertice vero, singulares hæ crescunt.
Oreofelinum.

Genistella tinctorum.

Lychnis silvestris 3^a Clusij caulinis striatis.

Asclepias non scriptum, folijs nigris, in summo hispidis.

Campanula rotundi folia, inter saxa pullulat.

SAINCT CLOVD.

Soleo ab isto monte in Pagum à Sancto Clodouæ, Sainct Cloud dictum proficisci. In quod te etiam, si animus ferat, à dextris semita recta deducet. Interim si (obsonando famem, donec cœna frugalior, qualis ingenuos decet herbarios apparetur) secundū Sequanæ ripas deabulatio fiat, occurrit.

Lingua maior Dalechampij.

Potamogeton perfoliatum.

Potamogeton persicariæ folio.

Hepatica aquatica. medijs in aquis.

Muscus aquaticus ferulaceus.

Hippuris fœtens. sub aquis.

Maratriphyllon aquaticum.

Nymphæa vtraque.

A LA BUTTE DE SEVRE.

Sequenti die summo te mane committes itinert, vt mature & ante æstum diei, in Pagum Seure dictum peruenias. Ibi colliculus est plurimi apud herbarios nostros nominis, quem nonnulli moniem Anglorum vocant; alij vero Monspeliensem monticulum, in quo præcipue hæ crescunt, & nusquam tales reperiuntur.

- PHalangium ramosum.
Phalangium non ramosum.
Orchis Sphegodes Cornelij gemmæ rubentibus flo-
rum alis.
Bursa pastoris minima.
Pneumonanthe.
Trachelium minus.
Aster Conizoides montanus minor.
Linum silvestre flor. albis.
Globularia Monspelliensis.
Consiligo Ruellij s. Elleborastrum.
Carduus acaulis Septentrionalium.
Ononis minor non spinosa lutea.
Linosyris purpuro cærulea.
Sferro Cauallo.
Lotus Enneaphyllos s. coronilla & Colutea
minima.
Digitalis purpurea.

M E V D O N.

*Meudoni per semitam quæ est post Parrochiam, patet
iter in Prata irrigua, in quibus offenduntur.*

- TRifolium pratense siliquosum.
Solanum Tetraphyllum s. herba paris.
Bifolium s. Ophris.
Plantago minor s. quinqueneruia.
Elleborine Pratensis flore rubicundiore.
Calamintha altera odore graui pulegij.

Ee iii

Mentha Cataria.

Cirsium alterum. f. Carduus pratensis Tragia.

Cirsium Anglicum.

Chelidonium minus.

Angelica pratensis minima.

Angelica aquatica maior.

Angelica fuchsij.

Eleoselinum. f. paludarium, G. Ascher.

Ophioglossum.

Rorida. f. ros solis.

Alliaria.

Herba turca. f. herniaria.

maculato.

Satyrij multæ species, folio

aut

non maculato.

Gramen bombicinum.

Gramen cyperoides.

Gramen villosum.

Valeriana minima pratensis.

Cotyledon minus repens.

Lamium luteum repens.

In editioribus & apricis locis

Gnaphalium flore rubro.

Gnaphalium flore albo.

Genistella aculeata.

Scorpius f. Genista aculeata maior.

Genistella infectorum.

Oxyacantha f. berberis.

- Muscus cyphoides.
Muscus corallinoides.
Pentaphilon argentatum.
Tormentilla.
Tragorchis s. testiculus hircinus.
Ampelopraspon.
Tota bona s. Bonus Henricus, & spinacia silvestris.
Oxalis veruecina.
Plantago major.
Plantago incana.
Rapuntium minus.
Telephium s. Crassula.
Sepæa.
Glaux vulgaris s. Glycyrrisa silvestris.
Arum officinarum s. pes vituli.
Smilax læuis.
Convolvulus minor purpureus.
Bryonia s. vitis alba.
Tamus s. sigillum Beatæ Mariæ.
Flos amberualis s. astragaloides herbariorum.
Ononis.
Polypodium murale.
Polypodium quernum.

In Dumetis, quæ alluuntur riuulo præterlabente.

- Oxys pliniana s. Oxytriphylon, officinarum.
Sagina spergula.
Asperula s. aspergula.
Melissophyllum fuchsij.

- Veronica serpilli-folia.
Morsus Gallinæ folio Ederulæ.
Alpine myosotis hirsuta.
Caryophyllus nemorosus minor.
Tunica s. Caryophyllus silvestris minimus.
Caryophyllus Montanus.
Lysimachia siliquosa silvestris.
Lupus salictarius.
Lamium luteum repens.

*In Siluis maioribus.***Crataegonum.**

- Gramen leucanthemum Dodonæi.
Hiacynthus non scriptus Dodonæi.
Serapias montana maculatis folijs.
Tithymalus Characias.
Valeriana major mas.
Valeriana silvestris fœmina.
Peucedanum.
Felix mas.
Felix aculeata major, *in silvis Capucinorum*.
Bruscus.
Sorbus.
Geranium facie pedis columbini.
Glaux exigua maritima Dioscorid. *In silvis Castelli.*
Gratiola minor Bauhini. *Ibid.*
Myosouros Lobelij s. Cauda muris *inter segetis*.
Chamædryis laciniatis folijs, flore purpureo, & albo.
Asperula cæruleis flosculis & purpureis.

*Polytrichon Apuleij.**Trifolium maculatum flore luteo.**In Pratum GENTILLY.*

Itur per portam Sancti Marcelli. Statim in ingressu secundum riulum qui Pratum alluit, sese offerunt plantæ, quæ sequuntur.

*Solanum lignosum .f. dulcamara.**Lysimachia purpurea.**Lysimachia lutea .f. salicaria* { ^{trifolia.} & _{quadrifolia.}*Lysimachia siliquosa pratensis.**Lysimachia Galericulata.**Vlmaria .f. Regina Prati.**Alnus aquatica.**Gramen Iunceum palustre articulato folio Bauhini.**Cyperus longus odoratior.**Gramen Cyperoides.**Gramen panniculosum.**Acorus nostras palustris.**Sparganium .f. butomos Theophrasti.**Sparganijs secunda species.**Iuncus Cyperoides floridus, paludosus.**Crateuæ Sion Erucæ folium .f. berula minor aquat.**Nasturtium aquaticum.**Cardamine altera .f. sisymbrium.**Plantago aquatica.**Hidropiper .f. persicaria vrens.*

- In ipso Prato reperiuntur.*
- Gramen phalarioides.
 Serapias palustris latifolia.
 Iacobea.
 Persicaria vtraque, maculata & immaculata.
 Gratiola maior.
 Ptarmica s. sternutamentoria.
 Anagallis aquatica.
 Nummularia.
 Teucrium pratense.
 Euphrasia minor.
 Cardiaca s. agripalma.
 Marrubium aquaticum.
 Cannabis aquatica.
 Eupatoria Cannabina.
 Crista Galli herbariorum.
 Betonica aquatica Septentrionalium.
 Iacea nigra vulgaris.
 Tragopogon luteum maius.
 Scorzonera pratinensis.
 Caltha palustris Gesneri.
 Ranunculus palustris rotundiore folio.
 s. flämula aquatica } & angustiore folio.
 Argentina.
 Daucus pratensis s. carui, Gallis Cheriüys.
 Oenanthe aquatica repens.
 major.
 Oenanthe aquatica tuberosa } minor.
 Thalictrum maius s. phellandrium Dodon.

Seseli pratense.

Pedicularis.

Cynanchica Dalechamp.

Trifolium pratense.

Trifolium paludosum.

Trifolium fragiferum.

Armoraria s. Veronica pratensis.

Alsine myosotis scorpioides.

Chamælinum serotinum floribus albis.

Bellis maior.

Bellis minor.

Chamæbalanos flore luteo.

Mentha aquatica.

In Pago dicto IV R Y iuxta Sequanam, per vineas.

Aristolochia clematitis.

Hyoscyamus niger.

Saponaria vulgaris.

Saponaria altera, puluere nigro floris infesta.

Solanum alchekengi.

Elleborine s. epipactis flore viridi maior, in siluis domesticis.

Chelidonium minus ibid.

Ornithogalum flore luteo, in noualibus primo vere.

Chamædrys laciniatis foliis, ibid.

Phyllitis s. lingua ceruina, in puteis.

In Pratis Pagi PALLESE AV.

Colchicum vulgare.

Colchicum Amaranthino flore.

In Porta Sancti Antonij, in interstitiis lapidum quæ mania vrbis componunt.

Salvia vita.

Hydrolapathum maius, in aquis stagnantibus.

A LA RAQVETTE.

Berula maior.

Scordium.

Xanthium s. Lappa minor.

In Pago CHARENTON.

Armeria prolifera.

Arthemisia tenui-folia.

Viscaria s. muscipula flore muscofo.

Polium Montanum.

In siluis vitæ sanæ, quæ vernaculae Visaine dicuntur.

Orchis sphegodes C. Gemmæ obscuris floribus.

Tithymalus Cyparissias.

Tithymalus helioscopius.

Polygala s. flos amberualis, { cæruleus.
 &
 rubellus.

Serpillum maius.

Serpillum minus.

Coronopus silvestris.

Coronopus repens Ruellij.

Paronychia alsinefolia.

Paronychia altera rutaceo folio.

Chamædrys.

Pinus silvestris.

Ornithopodium verum.

Genista scoparia s. spartium.

Erysimum aquaticum.

Orobanche.

Linodorum.

Fungi clypei-formes.

Fungi fauis similes, Gallis *Morilles*.

In Claustro Minimorum.

Narcissus luteus silvestris Dodonæi.

In Campo dicto LA VARENNE DE S. MAVR.

Gramen nodosum bulbosum.

Ornithogalum flore albo.

Chamælinum silvestre.

Fagopyrum Dodonæi, vulgò *bled Sarrazin*.

Glaustum satuum.

Esula minor.

In Cruce FAVBIN, iuxta Pagum Charonne.

Absynthium tenuifolium.

Tribulus terrestris.

Verbena.

Fœnum Burgundiacum.

In Prato Sanct Geruais.

Gramen exile durius.

Psyllium maius & minus.

Cotonaria. f. gnaphalium vulgare, & herba impia.

Tity malus leptophyllos.

In montefalcone dicto MONT FAVLCON.

Perfoliata.

Caryophyllum silvestris minor.

Centaurium luteum perfoliatum.

Statiche Dalechamp.

In Pago A VBERVILLIERS.

Sinapi satium & agreste.

Eruca satiua.

Irio. f. Erysimum Dioscorid.

Peplis .f. Esula rotunda.

Esula exigua Tragi.

Petroselinum.

Pastinaca domestica.

Pastinaca Dioscorid.

Pastinaca satiua atrorubens.

Melo.

Pepo.

Cucurbita, omnis generis.

Cucumis, &c.

Asparagus domesticus.

Fœnum græcum.

Eundo in Pagum dictum L A BARRE iuxta Salicetam

reperiuntur.

Conysa maior.

Conysa minor.

Iuncus lœuis vulgatus.

Linum.

Pulegium regium.

In Pago MONTMORENCY.

In stagnantibus Piscinarum aquis & vicinis locis.

Aquatica cotyledon.

Anagallis aquatica altera.

Calamintha aquatica.

Mentha vulgaris.

Helenium s. Enula campana, à l'estang sec.

Mentha sisymbria.

Mentha rotundifolia.

Nymphæa alba.

Nymphæa lutea.

Morsus Ranæ.

Gramen Parnassi.

Myriophyllum equisetifolium.

Myrophillum aut marathriphyllum palustre.

Equisetum. s. Hippuris.

Osmunda regalis.

Ranunculus aquaticus hepaticæ facie.

Salix.

*Passim inter silvas, iuxta Castellum dictum à
venatione DE LA CHASSE.*

Asphodelus Hyacinthinus fortè Galleni.

Allium vrsinum.

Moly serpentinum.

- Cynocrambe .f. mercurialis silvestris.
 Alsine repens, fortè Cacubalum Plinij.
 Circæa Lutetiana.
 Pyrola .f. limonium Cordi.
 Trachelium .f. Ceruicaria.
 Rapantium maius .f. alopecuroides.
 Chamænerion Gesneri.
 Tithymalus leptophyllum.
 Daphnoides .f. Laureola.
 Androsæmon maius .f. periclymenon Italorum.
 Linosyris nuperorum.
 Linaria aurea Tragi.
 Acinos .f. Bethonica Pauli.
 Clinopodium.
 Helxine Cissampelos altera, triplicis effigie.
 Aracus.
 Lathyris leguminosa.
 Sorbus domestica.
 Fraxinus.
 Nux iuglans.
 Aquifolium .f. agrifolium.
 Quercus vulgaris.
 Fagus.
 Castanea.
 Ebulus.
 Sambucus.
 Euonymos Theophrasti.
 Cornus Dioscorid.
 Cornus fœmina .f. Virga sanguinea.

In pago S A I N C T P R I X.

Asarum.

Viorna vulgi s. clematis altera Matth.

Lupus salictarius s. lupulus.

Clematis Daphnoides s. peruinca.

Bruscus s. myrtus aculeata.

Malua silvestris repens pumila.

Althæa.

Alcea.

Sanicula.

Pentaphyllum vulgare.

Pentaphyllum argentatum.

Agrimonia offic. s. Eupatoria Græcorum.

Tormentilla.

Caryophyllata.

Fragaria.

Podagraria.

Angelica silvestris.

Tanacetum.

Inodorum.

Matricaria nostras.

Anthemis vulgatior s. camomilla.

Asperula aut aspergula.

Alysson Germanicum Echioides.

Rubia minor silvestris.

Trichomanes.

Lagopus maior.

Vaccinia nigra & rubra.

Buxus.

Gg

Ligustrum.

Frangula s. alnus nigra baccifera.

Prunus silvestris.

Tilia mas & foemina, Tilleau.

Ulmus, Orme.

Betula. Bouleau.

Carpinus.

Corylus.

Populus alba.

Populus nigra.

Acer maius, Sycomore.

Oxyacantha, Aulbespine.

Vua crispa, Groiselles sauvages.

Ribes, Groiselles rouges offic. Ehbida.

Erica pumila.

Erica flore purpurante.

Erica scoparia flosculis herbaceis.

Juniperus maior.

Juniperus minor.

Cannabis spuria.

Sambucus aquatica.

In oppido F O N T A I N E B L E A Y.

Orchis spiralis odorat C. Gemmæ.

Gentiana cruciata.

Felix aquatica repens. à Malzerbe.

In pago B E L E.

Doronici varietas.

In pago SAINCTE RENE.

Gentiana maior.

In Claustro Carthusianorum, Parisijs.

Abrotanum {
 fœmina.
 mas.

Absynthium vulgare.

Pilosella.

Ranunculus pratensis reptante caulinculo.

Ranunc. prat. surrectis caulinulis.

Ranunculus dulcis Tragi. s. morsus equi.

Panax heracleum.

Spondylium.

Pimpinella.

Ruta hortensis.

Iuxta Castellum GRIGNON.

Polium Lauendulæ folio.

Genistella pinnata.

IN MACERIS.

Iris vulgaris.

Keiri arabum s. leucoium flore luteo.

Aizoon maius.

Semperuum minimum s. illecebria, in tegulis.

Illecebria maior.

Sedum scorpioides.

Sophia Chirurgorum.

Hiacynthus botryoides s. *comosus minor*.

Leuco-narcissolirium minimum.

Epithymbra s. *Cassitha*.

Inter SEGETES.

Gramen Caninum.

Ischæmon s. *Galli crus Apuleij.*

Bromos s. *sterilis auena*.

Ægylops bromoides.

Lolium.

Vistilagines segetum.

Melampyrum s. *triticum vaccinum.*

Nigellastrum Dodonæi.

Hiacynthus comosus.

Thlaspi vmbellatum florib⁹ albis. à Breuane.

Atriplex olida.

Heliotropium maius s. *verrucaria.*

Papauer erraticum.

Eranthemum Gesneri. s. *flos Adonis.*

Isatis silvestris s. *Vaccaria.*

Chamæpitis mas s. *aiuga.*

Onobrychis.

Lithospermon minus flore albo, purpurante.

Anagallis phœnica mas.

Anagallis cœrulea fœmina.

Elatine Dioscorid s. *veronica fœmina fuchs.*

Euphrasia altera.

Tetrahit s. Heraclea syderitis Dioscorid.

Scabiosa satorum.

Cyanus vulgaris.

Chrysanthemum segetum. s. bellis papaveri-folia.

Olus album Dodonæi s. phu. minimum.

Scandix s. peeten veneris Plin.

Caucalis albis floribus.

Caucalis flore rubro.

Consolida regia s. Calcaris flos recent.

Melanthium s. Nigella Romana.

Lagopus minor.

Melilotus.

Aphaca.

Aracus s. Craca minima.

Ischæmon vulgare.

Trifolium luteum minimum.

Per Margines viarum.

Lolium.

Gramen pratense.

Hordeum spontaneum spurium.

Lampsana.

Barbarea s. pseudo-bunias.

Thlaspi Drabæ folio Lobelij, quod peltatum vocant.

Thlaspi vulgarissimum vaccaria folio.

Bursa pastoris maior.

Reseda Plini, s. Herba amoris.

Senecio.

Seris silvestris s. Cichorium silvestre.

Taraxacon s. Dens iconis.

- Sonchus vterque.
Blitum.
Atriplex. s. pes anserinus.
Atriplex vulgaris. Parietaria
Mercurialis mas & fœmina.
Solanum hortense s. morella.
Papauer spurium s. Behen album Monspel.
Luteola.
Polygonum. Alsine.
Marrubium nigrum s. Ballote.
Marrubium album.
Galeopsis s. Vrtica non mordax purpurea.
Lamium s. angelica flore albo.
Vrtica minor s. græca.
Echium s. Borrago officinarum.
Malua vulgaris.
Geranium Robertianum.
Geranium pes columbinus.
Cicuta.
Capnos s. fumaria.
Asperugo s. phylanthropos.
Acanthium.
Carduus stellatus s. calcitrapa, Chaussetrape.
Carduus vulgarissimus viarum.
Eryngium.
Rosa canina. Rubus.
Lampsana.

FINIS

PRIVILEGE DV ROY.

OVIS PAR LA GRACE DE DIEV
ROY DE FRANCE ET DE NAVARRE,
A nos Amez & Feaux Conseillers, les Gens
tenans nos Cours de Parlement, Baillifs, Se-
neschaux, Preuosts ou leurs Lieutenans, & à
tous nos Iusticiers & Officiers qu'il appar-
tiendra. Salut, Nostre bien Amé Maistre JACQVES
CORNUTI Docteur Regent en la Faculté de Medecine
à Paris, Nous a fait tres-humblement remonstrer qu'il
auroit fait & composé vn liure lequel il desireroit donner
au public, & faire Imprimer soubs le tiltre de *Canadensis*
Plantarum, Aliarumque nondum Editarum Historia, enrichie
de la figure en taille douce de chaque plante, & sur la fin
du liure est adjousté vn *Enchiridium Botanicum Parisiense*.
Mais il craint que quelques Libraires ou Imprimeurs autres
que ceux qu'il auroit choisis pour cet effect, ne voulussent
s'ingerer de l'Imprimer semblablement, ou suscitassent les
Etrangers de ce faire, ce qui tourneroit au dommage &
à la perte dudit exposant, & de ceux ausquels il auroit
fait entreprendre ladite Impression sur l'esperance d'en re-
tirer avec la recompense de leur labeur les frais & mises
qu'ils y auroient aduancez. Pour à quoy abuier il nous a
tres-humblement requis & supplié de luy octroyer nos
lettres sur ce necessaires. A ces CAUSES, desirans bien
& fauorablement traitter ledit exposant recognoistre son
labeur, & qu'il ne soit frustré des fructs d'iceluy, luy
auons permis & octroyé permettons & octroyons de nos
grace speciale, pleine puissance & autorité Royalle par ces
presentes, d'Imprimer ou faire Imprimer & mettre en lu-
mire ledit liure en tel volume, marque & caraëtre que bon
luy semblera, & par tel Libraire qu'il voudra, & iceluy met-
tre & expofer en vente & distribuer durant le temps & es-
pace de dix ans accomplis à commencer du iour qu'il sera

acheué d'Imprimer , faisant tres - expresses inhibitions &
deffences à tous Imprimeurs, Libraires Estrangers & autres
personnes de quelque qualité qu'ils soient d'Imprimer faire
Imprimer ou mettre en vente durant ledit temps ledit liure
soubs faulces marques ou autres desguisemens sans l'exprès
consentement & permission dudit exposant , ou de ceux
ayans charge de luy, sur peine de confiscation d'iceluy, de
mil liures d'amende , applicables moitié aux pauures de
l'Hostel Dieu de cette Ville de Paris, & l'autre moitié audit
exposant , & de tous despens, dommages & interrests enuers
luy , à la charge d'en mettre deux Exemplaires en nostre
Bibliotecque publique , auant que de le faire exposer en
vente , suiuant nos Reglemens , & vn en celle de nostretres-
cher & feal le sieur Seguier Cheualier Garde des Sceaux de
France à peine d'estre descheu dudit priuilege . Si vous
M A N D O N S , & à chacun de vous enjoignons que du con-
tenu en ces presentes vous faciez souffriez , & laissiez jouyr
ledit exposant pleinement & païsiblement , & à ce faire
& souffrir contraigniez tous ceux qu'il appartiendra , & en
mettant au commencement ou à la fin dudit liure ces pre-
sentes ou vn bref extraict d'icelles . Voulons qu'elles soient
tenuës pour deuëment signifiées , & qu'au Vidimus d'icelles
foy soit adjoustée comme au present Original . CAR tel
est nostre plaisir . Donné à Paris le 23. iour d'Octobre ,
l'an de grace 1634. Et de nostre regne le vingt-cinquiemesme .
Par le Roy en son Conseil. G V E R O V L T.

Menda que incuria correctoris obrepserunt.

Prima pagina ad Lectorem avarior lege anno 1634.

Fol. 13. versu 17. caulem enim , &c. lege florem enim .

Fol. 17. in titulo de Valeriana, lege Eructa maxima Canadensis.

Fol. 22. vltimo versu, expressum, lege expressam.

Fol. 37. in titulo ramosum , lege racemosum .


Fol. 51. versu 21. sensum, lege sensuum oblectationi.


Fol. 71. versu penultimo Nutritionum , lege Nutritiorum.

Fol. 96. versu vltimo præstit, lege præstisit.

Fol. 112. versu 13. vix quisquam possit , lege quidquam possit.

Acheué d'Imprimer le 30. Decembre 1634.





app.

68 grammes sur environs

(6767)

82

